

„Täno ävätälob draki, ab äcedob osi tu kösömiki. Nutimo logoy drakis valöpo.”

„Atos bo sekidon de mödot spitinas, keli drinoy.” No äküpopf sarkadi obik.

„Täno kati ävatälob, kat obik ye ebo enu ideandon; atos ösüükönöv memotis liedüköl tu mödikis.”

„Vemo klülos”, äbaidecob ko of.

„Täno ätikob, das rosad ba öpötöfonöv, ab älecedob oni tu vemo romatiki. Ekö! no äkanob lonön sludi, e man at änesufädikom. Asagob kluo ome: Sludolös ol it! Dunolös utosi, keli lecedol gudikünos. Ed atosi ädunom.”

„Ed ön mod at ägetol rosadi sui brad olik”, äkludob.

Äfidrinof migaspitinin okik ed äseifof dibätiko. „Cedob, das ägivom obe vali. Pössods anik logons rosadi, vitans kati, u draki, u ladi. U vödis tel.”

„E kisi ol it logol-li?” äsäkob. Siob, das konot ofa – to bisar ona – äpliton obi.

„Sekidos de stad ladäla obik”, äsagof lü futs oka ädologölo.

E de stad olik, äläükob tiko.

Fino äleatof bradi obik liviki ed äsagof: „Bo sötob seadön dü timil. Boso fenob.”

„Benö!” ägeob säditretikölo. „Reto, esagol, das anans logons vödis tel. Kinis-li?”

Äzogof brefüpilo, täno äsagof: „O!, anans logons vödis: lonolöd sludi !”

„Atos äbinon konsäl gudik skinibepänana et. Kisi üfo äkanom-li dunön plao ön dinäds et?”

Ädonükof slivi oka, sodas rosad no plu älogädon. Küliko spikot obsik nu äfinon.

Du ädeflekob de of, äloegob ofi lugolön äl ,bar’ ad bonedön migaspitini nog bali. Tefü atos no älabof säkädi ad lonön sludi oka. Ebo ven älüvob topi at, lätkna älogob love jot oba, ed älogob, das ya ilüspikof votani, bo me konot ot, bi ya idribof slivi okik.

No löliko äfümob demü fagot e lit dagik, ab – ad süpäd e stun oba – skinibepännot su brad ofik leno äsumedon rosad ... ■

Vöds nekösömik in konotil löpik:

ditretülükön * in Verlegenheit bringen, to embarrass, embarrassar;

lopabrad * Oberarm, upper arm, bracio;

migaspitin * alkoholisches Mixgetränk, cocktail;

nilao * aus der Nähe, from close by, de proximo;

päridik verloren, lost, perdite;


savarif * Rettungsring, lifebuoy, cinctura de salvamento;

skinibepännot * Tätowierung, tattoo, tatouage;

stuto-dakipön (bosi) sich festhalten an, to cling to (sth.), crampar se (a).

Koräkot tefü gased dekulik yela: 2018.


pad 1^{id}: ... motön cilis mödiküno ... → motön cilis mögiküno



PÖTÜ YELACEN.

Dönu glidobs yeli nulik, e spelobs, das oblinon obes gudikosi e püdi in läns, kö krig dareigon. Menatäläkt ledunon dinis stunüköl, menastup ye jinon binön nenmiedik.

Ün gased at notükobs yegedi dö hiel John Wilkins, kel ün tumyel 17^{id} ädatikom püki mekavik sa penamamals stabü pük at. Ekö! is logols Sölapleki medü ,real characters’ (penamals sinifi veratik jonöls):



https://en.wikipedia.org/wiki/John_Wilkins

Tradutod Volapükik dö duinod sublimik at pinotükon balidnaedo in „Vög Volapükä” ela 2006. In gased nuik kanols reidön yegedi at peredaköli, bi redakan lecedom oni nitediki e vipom, das no onepubonös in dibät paseta. Fe penamamals e pük ats no päzäpons as kosädamedöms fa menef u pu fa nolavanef, ab jinos, das dadiläd literata in bukems binon bal sekas voboda ela ,Wilkins’.



Ekö! is logobs eli Nikolaj Gogol' (1809 - 1852): lautan ela „Delabuk lienetana”. Dil balid konota at paninädon in gased atmulik. Motedöp ela Gogol' äbinon vilag: ,Sorochyntsi’ in Lukrayän. Famül omik äspikom e Lukrayäna- e Rusänapükä, ed el Gogol' äbinom bal lautanas veütükün literata Rusänapükik in Lukrayän.

Juitolsös tradutodi süperik vicifala obsik: ,Daniil Morozov’!

Glidis valanes,

Hermann Philipps

DELABUK LIENETANA (1).*Fa el Nikolaj Gogol'.**Petradutöl se Rusänapük fa el Daniil Morozov: vicifal.***Tobula d. 3^{id}.**

Adelo fätot plödakösömic äjenon. Gödo älöädob vemo latiko, e posä jiel ,Mavra' iblinof obe butis piklinüköl, äsäkob, düp kinid äbinos. Iseivölo, das ya bü lunüp flapaton pötü düp degid itonon, äspidob vifiküno ad klotön obi. Koefob, das buiküno leno ägoloböv lü bür, bi äbüologob, saäbälalogodi kelik sekionacif obsik ölabom. Ya sis lunüp sagom obe: „Sekü kod kinik-li, o digikan! brul so vemik ai dabinon pö tikäl olik? Semikna bitol luspidiko, äsvo lusapan, e semiknaiko so brulükol bejäfoti, das diab it no osäbrulükon-la dini, samo pö tiäd doküma penol minudi, no malol däti, ni nämi.” O jäpan maleditabik! so nejönik äs härod lunik! Bo glötom kol ob, das seadob in vobacem dilekanik e tipükob penis pro hiklatal. Brefo: no ägoloböv lü bür, if no älaboböv spetidi ad kosgolön kamerani ed in mod seimik ba ad debegön de lavaran et bü del perajanöl nemu bosi meseda. O jafäb kion! Töbo seimüpo givom-la bü tüp moni a mul. Godö! vifikumo menefacödot oprimon-la. Kanoy dabegön ön mod alseimik, kanoy lemu defädön, pö jenet alik givom-la nosi. Binom diab voik vietaherik! Vüo in löd jikvisinan lönik flapof omi ta cügs. Valans sevons atosi. No suemob, fruts kinik pagevons dub dunod pö diläd büra. Us getotafonäts nonik dabinons. Dinäd vero votik reigon pö guvanef provinik, cäms sifädk e tatiks, sevabo: us loegoy balani blotön pö gul smalik e laipenön. Atan lenlabom trelülagunili slapik, logod omik binon so gagik, das koedon süükön desiri ad spuk, too demoyös, kiojeriki länädadomi loatom! Binos nesiämöfik ad steifülon ad blinön ome boväli bösinik pegoldöl. „Atos”, sagom, „binon legivot”¹ pötöfik te pro sanan”. Legivoy-la ome telfimädi trotajevodas, u böka-vabi, u bivaplädoti a ruabs kiltum. Jinom binön so sofaladälik, sagom so tödo: „Leadolöd, begö! loenön obi neifili olik ad tipükön penili”, e pö etos so beravom eki, das oleadom blibön te jiti len began. Ye dido dünotem obsik binon cädik, klin pö valikos binon so vemik, das pö guvanef provinik sümikos neföro paküpon-la, samo pö obs tabs binons binü mahun, e cifs valik lüspikons plüto. Si! koefob, das if cäd dünota no äneletonöv etosi, ga sio ya bü lunüp älüvoböv dilädi büra.

Älenükob mänedi bäldeik ed äkesumob reinajelömi, bi ästurareinos. Nek äbinon su süts. Te äküpob luvomis, itegöl okis me trelüls, e tedanis Rusänik dis reina-jelöms, e bökanis. Tefü cädans te calasvists obik: bürans < älugoloms. Älogob balani len vegatraväröp. Ilogölo omi, sunädo äsagob obi: „Ha! Nö! o digikan! no golol lü diläd, ab spidol demü jiutan, jikel vifagolof föfo, e lulogol lögilis ofik. Man kio maleditilik binom calasvist obik: büran! Nämäti God! no läsom leigodu fizir alik: if jiseiman labü lädahät beigoloföv, tän pö dinäds alik primom ad pogolön ofi.” Du äbetikob osi, äloegob nilikön vabölo bökavabü lü selidöp, keli äbeigolob. Sunädo ämemosevob vegömi: at binon bökavab dilekana obsik. Ab no äzesüdos pö om ad visitön selidöpi, ed ätitikob: bo us dautil omik äbinof. Älen-pedob obi leni mönil. Dünan ämaifükom vabayanic, ed of äsebunof se bökavab äs bödil seflitöl. Kio älogedof detio e nedetio, kio äkoedof süükön logis e logabobis okikis!... Godö! o Söl obik! ob päridikob, päridikob lölöfiko.

(Teoriko pük binon fomälovik, in kel nem jafäba alik notodon patis valik fäta ün paset e fütür onik).

No demölo spelis e yutopis, vöds kleilikün, kels föro pepenons dö pük, ba binons uts hiela Chesterton: „Men sevon, das lanäl ninädon difülis bluvüköl, nenumovikum ä nennemikums, ka köls fota fluküpik; too kredon, das difüls at sa balams e loveikams oksik kanons pamalön kuratiko me sit vilädk binü grun e leyäl. Kredon, das se nined kösömika leböbana kulivik süikons jenöfiko tons, kels sinifons klänis valik mema e dolis valik desira.’ (G. F. Watts’, pad: 88, 1904). ■

JIPUL LABÜ SKINIBEPÄNOT.*Fa ,Frank Roger', ini Volapük petratudöl fa ,Hermann Philippss'.*

Äkobojokob ta jipul, ven ägekömob de prifet. Of ägleipof bradi obik. „Dalob-li säkön bosi ole?, äsagof. Ästutodakipof[†] migaspitini[†] oka, äsä binon-la savarif[†]. Ma spikam nekleilik e loged ofa äjinosa, das no äbinos drinod balid ofik.

„Lesi!” ägeob spelölo, das no öditretülkof-la[†] obi ud oki.

„Sagolös!, kisi logol is”, äsagof. Äleatof obi liviki, ed ädribof boso slivi oka, sodas äkanob logön lüpabradi[†] e joti ofa. Ästeifülob ad lelogön topedi at, ab äbinos lafadagik, e jipul töbo äkanof dakipön leigaveti su lögs vakulik oka.

„Liedo logäd no gudon”, äsagob, ed ävilob mogolön, ab ägleipof dönu bradi obik.

„Stebolös”, äsagof, „logolös gudikumo nog balna!”

Ägüflekof oki ed älopükof bradi, sodas äkanob logön oni nilao[†], pö kelos äspilof mödoti gretik drineda oka. „Ol!” äsagob, „nu logob osi. Binos skinibepänot. Flor. Rosad.”

„Rosad-li?” ävokof, äsava atos iplueton spetis vemikün ofa. „Fümol-li?”

„Lesi! Kikodo säkol-li osi?”

Ätovof väri lü lips; älogof, das tio ävagon, ed älülogof obi despäriko. Tio öbonedob drinedi nog bali pro of, atos ye no äzesüdon, bi älülogotof bötädani len ,bar’, hikel sunädo äföлом flagi. Ünü sekuns älipof migaspitini balidfovistik.

„Fümol-li, das no elogol kat?” äsäkof me lofodanotod päridik[†].

„Nö!” äsagob. „Äbinos rosad, no kat. Kikodo-li?”

„U lad-li klilaredik sa nem: ,Andy’ diso?”

Änoob kapo. „Mu fümo äbinos rosad.”

„Drak smalik ba-li?” Nu älogodof, äsä dub ledredäl.

„No elogob seimosi dinas et”, äsagob spelölo, das no plu ötupofös obi. Ab ägleipof dönu bradi obik, älipof migaspitini oka, büä äprimof ad spilön oni dönu.

„Vödemi-li? Vödis-li tel?”

„Rosadi”, ädönuob. „Elogob kleiliko oni. Benö! if zuikos no binon ...”

„Däolös obi ad plänön osi”, äsagof, ed ägleipof fimikumo bradi obik. Äklülos, das ömutob lilön jü fin vali, keli ävilof sagön.

„Ivipob skinibepänoti, klu ägolob lü skinibepänöp, ab no äkanob lonön sludi.

Primo ävipob ladi sa nem hiflena obik diso. If ye seimüpo ölüvom obi, ölaboböv su brad föro nem, keli no plu ödigidoböv.” Äsiob kapo. „Bo äbinos el ,Andy’ ut, keli emäniitol. Lölöko klülos.”

Vöds püka diletik ela John Wilkins no binons sümbols vilädik dölik; tonat alik, kel fomon onis, labon sinifi, äsä uts saludabuka pro kabaalans. Hiel Mauthner küpetom, das cils kanonsöv dalärnön püki at nes sevön, das binon mekavik; poso, in jul, ötüvonsöv, das binon kot valemik ä sikloped klänik.

Pesuemölo metod ela Wilkins, zesüdos ad vestigön säkädi, keli no mögos (u fikulos) ad stöpädön: völad taiba foldegnumatik, kel binon stab püka. Lelogobsös kladi jölid: ut stonas. El Wilkins dilädom onis ad: kommunik (filidaston, gronaston, sletot); tämik (maboin, lektokin, korial), jerabik (pärlat, poaloin), dologamovik (maetüt, safiroin), e nesoulovik (stonakolat, kret e larsenin). Tio so bluvüköl äs jölid, binon klad zülid. At dasevädükon obes, das metals kanons binön nelölöfiks (el „cinnabar“ [hidrarginasulfid], hidrargin), mekaviks (bronsöt, stanic), defälots (räpät, ruil) e natiks (gold, kuprin). Jön pepladon ini klad degmälid: binon fit lifomotamik, lunädik. Telplänovs, nezesüds e döfs ats mebons utis, kelis givülon hiel Franz Kuhn siklopede Tsinyinänik semik, tiädu: „Divöp sülük dasevas benodik“. In pads fagoseatik ona pepenos, das nims padilädons ad: (a) lü lampör dutöls; (ä) pebainöls; (b) teamiks; (c) sugarsvinüls; (d) särens, (e) konädiks; (f) dogs gliböl; (g) in klad at peninädöls; (h) ut, kels bitons äs lienetiks; (i)no numoviks; (j) me pensit feinkün binü jamodaher pepänöls; (k) retiks; (l) uts, kels ebo ebreikons vasodi; (m) uts, kels fagao sümoms ad musaks.

I stitod bibliografik di „Brussel“ plägon kaoti: Edilädon levali ad klads 1000, de kels nüm: 262 malon papali; nüm: 282 < glügi katulik di „Roma“; nüm: 263 < deli Söla, nüm: 268 < julis sudelik; nüm: 298 < mormoni; nüm: 294 < braimi, budi, syintoiti e taoteti. No refudon dadilädamis nehomogenik, samo nüm: 279: „Kruäl kol nims. Jel nimas. Telkomip ed oksasen bai leced südava. Lesinods e defs difik. Tugs e patöfs difik.“

Emäniotob vilädotis ela Wilkins, utis siklopedana Tsinyinänik nesevädik (u paokrifika) ed utis stitoda bibliografik di „Brussel“. Notos, das no dabinon kladem levala, kel no binon vilädik ä niludöfik. Kod go balugon: No sevobs, din kisik binon leval. „Vol“, penom hiel David Hume, „binon ba skät primik goda cilöfik seimik, kel äklemon oni, ijemölo demü dadun defik ona; binon vobod goda bapik, keli kofons gods löpik; binon lumekot brulik goda ciletk, sädünöl, ya deadika.“ (*Dialogues Concerning Natural Religion* [telspikots tefü rel natöfik], kapit: 5, 1779). Daloy sagön nog plu: Daloy niludön, das no dabinon leval ma siäm nogana balöl, keli vöd at labon. If dabinon, zesüdosöv ad vätlön desini onik, ad setuvön vödis, miedetis, tümologis, leigasinifis se vödabuk klänik Goda.

Nemög ad tuvedön skemati Godik levala no kanon ye neletön obis, das steifobs ad disinön skematis menik, do sevobs, das binons büfiks. Pük diletik ela John Wilkins no binon pülikün skematas at. Bids e sots, me kels binädon, binons taöfiks ä nofümiks; käfed, das tonats vödas malons kladis e dilädis onas binon nendoto spiritik. Vöd: salm < plänon obes nosi, el „zana“: tradutod tefik < fümeton (pro utan, kel binon lesevädik tefü klads foldeg sa bids e sots otas), das vöd at malon fiti tegülik, kel lifon in flumeds e labon miti redöfik.



John Wilkins,
1614 - 1672.

E demü kis mutof-li setevön pö stom so reinöfik? Pos atos lesagoy, das voms no labofs-la desiri vemik ad flabs valik et. No ämemosevof obi, i nog ob it desino ästeifülob ad vilupön obi mögiküno löliko, bi älenlabob mänedi vemo pineklinüköli, e zuo at baiädon ko maget ivönädiköl. Nu lenlaboy mänedis ko kolets lunik, ed ob ällob brefikis, efe bali sus votik; i klöf obik leno me stem pibevoböl. Jidogil ofik, no ikanölo nüdranön da yan selidöpa, ällibof su süt. Sevob jidogili at. Panemof: „Medzhi“. Igo dü minut bal no ällibob us, ven süpo älibob vögili löpöfik: „Glidö! o „Medzhi!“ Bisarö! Kin sagon-li atosi? Äzilogedob ed äloegob golön dis jelöm vomis tel: balani bäldik, votani yunik. Ab ya ibeigolofs, e nilü ob dönü ätonos: „Sin edavedon pö ol, o „Medzhi!“ Go diabö!, eküpob, das el Medzhi e dogil po voms golöl äbedasmeilons odi. „Ö!“ sagob ninälo obe it, „bisar kion! ba brietob-li üfo? Ye atos jinon jenön nesuvo pö ob.“ – „Nö! o „Fidel“! negideto badiniludol“, ob it äloegob sagön osi eli Medzhi, „äbinob, ,av‘! ,av‘! äbinob, ,av‘! ,av‘! ,av‘! vemo malädik“. Jidogil kiof! Koefobös, das vemo ästunikob, kodä ilielob spikön ofi me pük menik. Ye posä imeditob valikosi staböfiko, sunädo ästopedob ad stunön. Dido ya äjenons jenots sümik mödik da vol lölik. Sagoy, das in Linglänl älöpiosvimon su sürfat vata fit, kel äsagon vödis tel in pük so bisarik, das nolavans ya dü yels kil ästeifons ad fümükön oni, ab jünu äletuvons nosi. Äreidob in gaseds i dö kuns tel, jikels älükömofs lü selidöp, ed äbegofs okes pauni bal tieda. Ye – koefobös! – mödo vemikumo ästunikob, ven el Medzhi äsagof: „Äpenob ole, o „Fidel“! bo hiel Polkan³ no äblinom penedi de ob“. No ogetobödla mesedi! Dü lifüp lölik oba neföro älibob, das dog fägon-la ad penön. Te nouban fägon ad penön verätiko. Fe binos fümik, das anans tedana-büranas ed igo dutetanas bosilo penons semikna, ab penam onsik gretadilo binon döfik: ni liunüls, ni püns, ni stülbabinons.

Atos ästunükon obi. Koefobös! sis brefüp äprimob semikna ad lilön ed ad logön dinis ut, kelis nek nog föro älogen ed älibon. „Golobös!“ äsagob ninälu ob it, „po jidogil at, ed ötövülob, kif binof e dö kis tikof“. Ämaiflegülob reinajelömi obik ed äprimob ad golön pödü voms tel. Älovegolobs lü süt: Pisälik, äflekobs obis lü süt: Sifanik, usao lü süt: Kapenik, fino lü pon di „Kokushkin“, ed ästopob fo dom gretik. „Sevob domi at“, äsagob ninälu ob it. At binon dom ela Zverkov. O kum kion! Kiomödotasotiks mens lödons in on, samo jikvisinans kiomödik, Polänans⁴ kiomödik! e calasvists obik: bürans < dabinons so mödiks, äsä dogs seimöpo, ed äsya balan seadon su votikan. Id ob labob us flenädani bal, kelan bepläyom gudiko tubati. Voms älöpiogolofs lü tead lulid. „Gudö!“ ätikob, „nu no ogolob usio, ab memidob pladi ad gebädon nüni at pö jeten pötöfik balid“.

Tobula d. 4^{id}.

Adelo binos vedel, sekü kelos äbinob lä cif obsik in vobacem omik. Desino äkümob gölikumo ed, posä iseidob obi, äfitipükob penis valik. Bo dilekan obsik binom man vemo sagatik. Vobacem lölik omik pebepladon ko ramars labü buks. Äreidob tiädis anikas, e buk alik flagon nolami, efe nolami so dibätiki, das atos binon sus suem svistefa obsik: u val pepenon in Fransänapük, ud in Deutänapük. E lülogoyös logodi omik: o! cädät kion nidon in logs! Nog neföro älibob sagön omi vödi nezesüdik. Ba te ven lügivoy dokümis, säkom semikna: „Lio binos-li in yad?“ →

– „Binos luimöfik, o klatal!” Si! leno binom leigan obas! Binom man tistik. Ye küpob, das pato löfilom obi. If i dautil oma... Ag! kanay kion!... Saidö! saidö! seilö! – Äreidob eli „Bienil”⁵. Kiofopik pöp binon Fransänanef! Benö! kisi üfo vilons-li? Nämäti God! obo oflapoböv valanis onas me tuigülatufus! In penäd ot id äreidob bepenoti vemo plitiki baola, fa cödätal di ‚Kursk’ ipenöli. Cödätals di ‚Kursk’ penoms gudiko. Pos atos äküpälükob, das düpalaf bü bal ya itonon, ab obsikan⁶ no isekömom se slipacem okik. Ye zao tü düpalaf bü teljenot ejenon, keli nek okanon-la bepenön kuratiko me pen. Yan ämaifikon, äbüocedob, das dilekan äpubom, ed älopiojutedob se stul ko doküms; ab of äbinof, of it! O saludans valik! kio peklotof! älenlabof kloti so vietiki, äsä svanaplümemi, ö! kio plifädagiki! e kio älogedof! äsä sol! nämäti God! äsä sol! Äriegof ed äspikof: „El ‚papa’⁷ äkomom-li is?” Ag! ag! o vög kion! äsvo jikanair! vö! jikanair! „O klatal!” primo ävilob spikön, „no büdolös ad cödetadeidön obi, ab if vilol-la cödetadeidön, tän ocödetadeidolös obi me namil generanik olik!” Ab, diabö! no äfagob ad koedön linegön obi ad sagön osi, e te äspikob: „Lenö! o cädalädü!” Brefüpo älogedof obi, buki, ed äleadof falön nudasärvätili oka. Äjutedob muvifo, ädeslifädob su baged maleditabik, tio öleadob flapön nudi obik bludamio, ab äplöpob ad blebükön oki staniki, ed äramenob nudasärvätili. O saludans! särvätil kion! binon mu slenik, batistik, e ma benosmel mabar, mabar voik! Äsva kanoy-la smeilön generi it de särvätil at. Ädanisagof e so bosilo älusmilof, das lipils juegasvidik ofik töbo ämufons. Poso ämogolof. Dü düp nog äbleibob seadön, e süpo domahidünan äkönömom ed äspikom: „Degololöd, o ‚Aksentij Ivanovich’! lomio, bi söl ya edetävom de dom”. No plidob sogodi hidünanas, bi alan onas ai buükön ad seidön oki in föfacem, supladölo namis e lögis oka valaflanio, e töbo töbidon-la ad nutön pu balna me kap. Igo atos no saidon: seimna balan manas maleditilik at äfatüitom ad givön obe tabaki nes löädön de plad okik. Va sevol-li? o dünan fopik! das binob calan, binob lebenomotedik. Ob ye äsumob häti ed ito älenükob obe it mänedi, bi atans neföro lügivons-la oni, ed äsegolob. Lomo mödadilo äseatob su bed. Poso ädepenob setülis legudik:

Jidigikani obik dü düp no logölo,
Äcedob, das dü yel no ilogob;
Lifi obik ad hetön primölo,
„Kanob-li lifön?” äsagob.

Bo atos binon lautot fa el Pushkin. Soaro, vilupölo obi in mäned, ägolob lü nügolöp jiklatala ed ästebedob lunüpo, va ösegolof ad seidön oki ini bökvab, dat ükanoböv logön osi nog balna, ab nö! no äsegolof.

Fövot ofovon.

1. Sevabo: remädot.
2. Ma Rusänapük dogs vaulons-la me linteleks sököl: ‚av’!, ‚gav’!, ‚tjav’!
3. El Polkan binon in Rusän nem patedik pro hidog.
4. Ma pübots mödik mutoy-la reidön: eli „tevans” pla el „Polänans”.
5. Sevabo: „Bien nolüdik”: gased sevädk, ettimi in el Sankt-Peterburg päpübon. Äsevädon as periodapenäd tistik güädimik, kel id änotükön sagädis e nümis mödikis nekonfidovikis.
6. Is: cif obsik.
7. Sevabo Fransänapük: fatüli.

PÜK DILETIK HIELA JOHN WILKINS.

Fa ‚Jorge Luís Borges’, ini Volapük petradutöl fa läxkadäman: ‚Sérgio Meira’.

E konstatob, das dabükot degfolid ela ‚Encyclopaedia Britannica’ no ninädon yegedi dö hiel John Wilkins. Moükam at binon gidik, if memobs püli yegeda at — kedets teldeg labü te pats lifibepenamik: el Wilkins päämotom ün 1614, el Wilkins ädeadom tü 1672, el Wilkins äbinom kapulan hiel ‚Karl Ludwig’: davälaplin Palzäna; el Wilkins päälom as räktoran bala löpatidöpas di ‚Oxford’, el Wilkins äbinom sekretan balid soga regik di ‚London’, e r. —, binon ye döbik, if tikädobs levobi teorik eli Wilkins. Änitedälom dö küpäds ömsotik: godav, jüfav, musig, mek bienabäsetas dologamovik, kul planeta nelogädk, mög täva lü mun, mög e prinsips volapükä. Tefü sákads lätki at ädedietom buki: ‚An Essay towards a Real Character and a Philosophical Language’ [penot tefü penamamal veratik e pük filosopik], pads 600 fomäta folplifätk gretik, 1668. Bi no dabinons samäds buka at in bukemöp netik Largäntänik obsik; äkonsälidob — ad penön vödemi at — eli ‚The Life and Times of John Wilkins’ [lif e timäd hiel John Wilkins] (1910) fa hiel P. A. Wright Henderson; eli ‚Wörterbuch der Philosophie’ [vödabuk filosopa] (1924) fa hiel Fritz Mauthner; eli ‚Delphos’ (1935), fa jiel E. Sylvia Pankhurst ed eli ‚Dangerous Thoughts’ [tikods riskädk] (1939) fa hiel Lancelot Hogben.

Obs valik semikna ya äsufobs döbatis no sädrefidovikis ut, dü kels läd, medü lintepleks e nentikav, lesiof, das vöd ‚luna’ plu (u läs) binon notodik, ka vöd ‚moon’. Plä küpet klülabik, das balsilab vöda: ‚moon’ binon ba pötikum pro mag yega go balugik, ka vöd telsilabik: ‚luna’, nos kanon pasagön in tef at; plödakipü koboyümavöds e vöds pedefomöö, püks valik vola (keninükamü i Volapük hiel Johann Martin Schleyer ed el Interlingua romatik hiel Peano) binons leigoso nenotodiks. No dabinon dabükot gramata kadäma regik Spanyänik nen tik dö „div paneböönl vödas lekanik, läbik ä notodikas Spanyänapükä mu liegika”, ab atos binon te pleidül no peblöföö. Büfiko, kadäm regik ot duinon aipos yels semik vödabuki, kel miedeton sinifi vödas Spanyänapükä.

In pük valemk, keli edatikom el Wilkins zao ün zänod tumyela 17^{id}, vöd alik plänon oki it. Hiel Descartes, in pened dätü novul el 1629, ya iküpétom, das medü numamasit degnumatik kanobs lärnön ün del bal numami mödotas valik jü nenfin e ad penön onis in pük nulik, kel binon ut numatas; id imobom jafi püka naalogik valemk, kel önoganükön ed öninädon tikodis menik valik. El John Wilkins, ün yel: 1664, äsludom ad dadunön desinodi at.

Ädilädom levali ad klads ü bids foldeg, dadilädoviks ad „difs”, kels it padadilädons ad „sots”. Äkodidom bide valik balsilabi binü tonats tel; dife valik, konsonati bal; sote valik, vokati bal. Samo: el *de* sinifon lömini; el *deb*, balid löminas: fil; el *deba*, diled lömina: fil: flam. In pük sümik hiel Letellier (1850), el *a* sinifon nimi; el *ab*, sügafi; el *abo*, mitifidafi; el *aboj*, famüli: *Felidae*; el *aboje*, kat; el *abi*, planifidafi; el *abiv*, famüli: *Equidae*, e r. In ut hiel Bonifacio Sotos Ochando (1845), el *imaba* sinifon bumoti; el *imaca*, seraili; el *imafe*, malädanöpi; el *imari*, domi; el *imaru* farmi; el *imedo*, stafädi; el *imede*, kölümi; el *imego*, gluni; el *imela*, nufi; el *imogo*, fenäti. (Debob lisidi lätki at buke tö ‚Buenos Aires’ ün 1886 pedabüköle, tiädü ‚Curso de Lengua universal’ [tidodem püka valemk] fa dokan: ‚Pedro Mata’).

II:16:2019

VITIDASID.

Ini Volapük petradutöl fa ,Zhang Yutong'. Dö atos sagom:

„O flens! enu elilob pöpalidi Rusänik: „Lid Grusiyänik (ü: Vitidasid)”. Oni plidob so vemo, das esludob ad tradutön vödemi onik ini Volapük. Poedot at labon binodi ela ,ABAB’. Liedo no suemob Rusänapükki saidiko gudiko, klu tradutod obik elicinon jenöfo de tradutods Linglänapükik e Deutänapükiks”.

A grape seed I will bury in the warm soil,

Dibiko in tail vamik osepülob vitidasidi.

And will kiss a vine, and pluck a ripe bunch.

Ed okidob tuigi, ed oplökob bälemi madik.

And will gather my friends, attune my heart to love,

Ed ovokob flenis obik; omaifükob pro ols ladi.

Otherwise, why do I live on this unchanging earth?

Voto, kikodo lödob-li su tal laidüpik somik?

Gather on, my guests, to my feast,

Kobikolsös! o lotedans obik! pö zäl oba!

Tell me straight to my face who am I known to be among you.

Sagolsös, kim verato binob in logs olsik!

King of Heaven will send me forgiveness for my sins,

Sinodis obik opardom obe reg süla.

Otherwise, why do I live on this unchanging earth?

Voto, kikodo lödob-li su tal laidüpik somik?

In her dark-red my Dali* will be singing for me,

In dofared ofik jiel ,Dali'* okanitof pro ob.

In my black-and-white I will bow my head before her,

In blägeviet obik obiegob lü kap ofik.

And I will listen, captivated, and will die of love and sorrow,

E petirädölo olilob, e sekü löf e lied odeadob.

Otherwise, why do I live on this eternal earth?

Voto, kikodo lödob-li su tal laidüpik somik?

And when the sunset will swirl, drifting about the corners,

E ven sol omodonikon virölo, flitölo disi horit,

Let the visions float by me time and again:

sveamonsös ai dönu bei ob visions jenöfik:

Blue buffalo, and white eagle, and golden trout,

blövabobub, e vietakvil, e goldakölatrüüt!

Otherwise, why do I live on this unchanging earth?

Voto, kikodo lödob-li su tal laidüpik somik?

* Jiel ,Dali': In miteod grusiyik binof jigod yaga ä jelan natädanimas.



YELOD TELDEGZÜLID NÜM: 2 2019 FEBUL PADS: 9 jü 16.

Glidis valanes,


Su pad lätik gaseda at kanols reidön vödemi lida Grusiyänik, kel ninädon nemi ,Dali'. Pö belatribüt elanas di ,Svaneti', yag äbinon dun saludik, ed älestimos jigodi yaga nemü ,Dali'. Dö ons kanoy reidön nitedikosi pö <https://en.wikipedia.org/wiki/Svaneti>.

Semikna bisarikos jenon: Yagan lelöfädikom nesavoviko dö jigod yaga: ,Dali'. Eperom ti-käli nätki dub ledesir lü of. Ziglibom enatädikölo in fots ad kolkömön jiledesiräbi. Täno atos dido jenon, e läb kion! jigod letof omi ad koiton ko ok. Ab lonülof stipi bal: Go föro mutom stönön vomis deadöfik. No kanom taetön desiri, e baicedom tefü stip at.

Ye ai nog yagan sekidom de voläd, e no fägom ad fölon dulöfiko lepromi saludik oka. Seimna viodom stipi. Trät sekon, ed ekö!, vindit sökon. Tevom ini fot ad kolkömön jilelöfabi. Nilü blegod vega loegom yebidön klifikapari vietik: nim pelevälöl ji-yagagoda. Len siem gufur, klifikapar jonon natäli veratik oka. Binos jiel Dali, kel süpo nepubof. Yagan, äso dub leklär pedreföl, jutom äl of — e deisturom ini gufur.

Poedot at su pad lätik ye no tefon jenoti löpo pemäniötöli. Lestimobsös jigodis, ab no bejäfobsös me ofs tu vemo. Lienetan in fövot „delabuka” no äföлом konsäli at.

Juitolsös reidi vödemas in gased at!



Elan di ,Svaneti'.

Hermann Philipp

DELABUK LIENETANA (2).*Fa el Nikolaj Gogol'.**Petradutöl se Rusänapük fa el Daniil Morozov: vicifal.***Novula d. 6^{id}.**

Sekionacif evutükom obi. Ven äkönmob ini diläd, äkoedom kömön lä ok obi ed äprimom ad spikön lü ob so:

„Benö! plänolöd, begö! kisi dunol-li?”

„Kis-li? Dunob nosi”, ägespikob.

„Ga meditolöd gudiko! fe ya labol lifayelis plu foldegis, kludo ya esötölöv dagetön sagati. Kisi ol magälol-li? Bo cedol-li, das no sevob ludunis valik olik? Ga sio pogolol dauti dilekana! Gudö! logedolöd oli it! te meditolöd kälöfiko: kim binol-li? ga no binol plu veütik ka ser. Fe igo no dalabol lubegafenigi bal. Pu lülogetolöd lü lok ad dialogön logodi olik! Kanol-la spelön nosi.”

Diabö! lindifos-la, das logod omik boso sümon ad pötekaflad, zuo labom su kap heratufili fomü töp petördöli, zuo lüodükom kapi okik löpio, zuo nugvetom oni me rosät seimik. Too cedom, das te om dalom-la dunön vali. Suemob, suemob, sekü kelos skanom kol ob. Glötom, bi ba eküpom malotis benomeuga obe pagevölis. Spukobös sui om! Äsva veütos-la, das binom kurakonsälal. Si! ekoedom lagön pö ok jänili goldik len glok, bonedom butis a ruabs kiltum. Diab ogleiponös omi! Üfo dutob-li lü sogät donik seimik, lü skrädans, u lü cils donafiziras? Binob nouban. Benö! id ob okanob papromuvön ad dinit löpik. Labob te lifayelis foldegtel, sevabo bälldot ut, pö kel fefo dunod tatik te primon. Stebedolöd! obo obinob konulan, u ba — if God uvilon osi — igo calan seimik löpikum. Obo id odagetob benorepüti igo gudikumi ka uti olik. Sekü kelos epladol-li oli sui tikädöp, das nek plä ol it binon-la cädan? Givoyös obe trelülaguni di „Rutsch”¹, ma vogäd nulädik pemeköli, e flabiülobös särvgi obik me särvigakravat ot, äsa lenlabol, tän leno oleigol-la lä ob. Mistad balik edavedon pö ob: no binob benolabik.

Novula d. 8^{id}.

Äbinob in teatöp. Äplösenoy fredadramati dö hiel Filatka: fopan Rusänik. Vemo äsmilob. Nog lopül seimik päplösenon ko poedotils drolik ta gitädals, pato ta cämaregistarans bal, e val so boldiko pilauton, das ästunob, vio sänsurans iletoms osi, id änunoy kleilikö dö tedans, das cütoms-la pöpi, e das sonils omas jovoms-la e steifoms-la ad dagetön noubi. Dö calonunodans id ätonon strof drolik, sevabo das lönfons ad blamön vali, e das lautan begon-la lüdalilanefe ad jelön oni. Nu lautans prodons dramatis vemo klaunöfikis. Löfob ad visitön teatöpi. Üf kopek opubonöv in pok obik, nos oneletonöv obi ad golön usio. Ye so nemiks svins somik dabinons bevü calasvists obsik: fümädiko leno ogolom-la luman et lü teatöp; te üfo glato ogivoyöv ome bilieti. Jiplösenan bal äkanitof legudiko. Atos äkoedon memön obi jietani... Ag! o kanay!... Saidö! saidö!... seilö!

Nu is binof, äs raänid len finot fada, lagölo len bal Jainas bigik. E gö! Bal, tel!... bal, tell!... so äsä eloegof dunön osi fa fatül oka, el „Marie Jeanne” tirof misuro. Bal, tell!... bal tell!... Jain mufon usio ed isio, tränölo jipulili detio e nedetio, ab klok no mufon.

„No vilon-li tonön?” el „Marie Jeanne” tikof. „Gö! o klok gudik! binolös löfik, e vololös yufi! Binos pro els „Larroque” badik, sevob osi, ab zesüdos ga, das toenobs kloki. Gö! o klok! tonolös sunädo! vilob osi, ed, ed ob binob tümagalan adelö!”

E tirof so nämiko e so gudiko, das fino klok gretik mufon, klöbü bronsötik vetik primon ad pendülön e sejedon voki oka zifanefe slipöl.

Balidnaedo el „Marie Jeanne” no dremof pö ton ditretakloka glumidik.

Ün timül pos atos rol pömömas e rönastepam lefilapoldanas tonons in süts ela „Saint-Geniès”.

Äbinos düp folid poszedela, ven el „Marie Jeanne” ägalikof in bedil vamik oka, no memölo bosí utosa, kelos ijenon de timül, tü kel of vokädöl ini spikamahorn isenälof, das näms ofa äläsikons, ed ifalof sui glun, nen sevälöf.

Nö! no ämemof, das fatül latikumo mö düpafoldil bal gekömöl ituvom ofi nesevälöfik su plated, ed ipolof ofi sunädo ini bed ofa, ai sagölo lü of vödis zadik... I no älabof niludi anik dö visit läda: „Larroque”, ni dö spikot ofik piropöl dub vokäds fäkik:

„Si! o tümagalan! nen jipül pöfik at dalabot valik obas ifelefilonöv; danädü of pömöms ekömons pötatimo... I flanü söl: „Larroque” sagob ole, o tümagalan! das säkäd dö frans teltum no plu dabinon; sekü yufot, keli jismalan at eduinof obes, kal pekiton.”

Ven älelilof atosi valik, jipulil velyelik at äseivof leigüpo e läbi bliga pifölö, e fredi svidik, das ebinof frutik pro utans, kelis älöföf. Ab mesedi gudikün ägetof sunädo tü timül, kü fatül logöl, das imaifükof logis oka, äbiegädom love of sagölo:

„O dautil löfik brafik oba! danö!” ■

DÖ KVAGAM E VAUL.

Noe mens abi nims jafädons tonis siämik. Pö mens nemobs onis: pük, pö nims spikobs dö brum, bruv, hag, kagam, krav, kvagam, leyäl, luy, mäy, mäyül, miovam, noidül, ror, snätör, tyilp, vaul, yäl e ret. Semikna i mens fägons ad jafädön tonis (ü pükis) nimik at, as sam ven sagoy, das ek „snätöron” u das cils smalik yälöns.

In Volapük tuvoy nimatons, kelas stamäds binons linteleks, as sams: kag! miov! kvag! Subsats tefik padefomons me poyümöt: -am, as sams: kagam, miovam, kvagam. Ön jenets votik mutobs niludön, das linteleks tefik padefomons me poyümöt: -ö! As sam: Dog äleadon lilön oki: „Vaulö!”.

Ön jenets valik ye kanoy fomön värbis tefik balugiko me poyümöt: -ön.

Äbinos düp telid göda. El ,Marie Jeanne' äsagof ninälo: „Bi el ,Jacques' binom malädik, e fatül esegolom, ob binob tümagalan.”

Täno älöädof se bedil plitiko vamik oka, ed ägolof senidölo lü nufafenät. Val binon blägik. Logoy nosi. El ,Marie Jeanne' röbof logis oka. Len sil stels nidons; in zif fenäts anik nog pelitükons, e fovo... kis lunid et, in fag, in fel, binon-li? Pün litik, kel gretikumon, dranölo ini neit blägik... In cemil luvokäd tonon:

„O ,Jacques'! lefilö!”

Ab el ,Jacques', peglepädöl fa fif, lilom nosi.

Täno el ,Marie Jeanne' klotof oki spido. Utos, kelos muton padunön, vö! atos binon vemo balugik: bi el ,Jacques' binom malädik, e fatül esegolom, zesüdos, das el ,Marie Jeanne' toenof kloki e vokädof ini spikamahorn.

Posä eklotof oki, filidof lantäri, täno, spelölo, das ba epölof-la, golof dönu lü nufafenät. Nu binos löliko fümik, binos vo lefil in dom soalik, len veg lü ,Saint-Jean’.

Ab sekü kod kinik el ,Marie Jeanne' üfo bladokvänof-li lantäri? Ekö! deflekoф logis oka de fenät, e primof dönu ad sälenükön jukis oka.

Atos stunükön-li oli? Oi ba no sevol, dom kinik ut binon, kel lefilon. Ab el ,Marie Jeanne' vo ememosevof oni, e sevof, das binon farm ela ,Larroque': mens badik, kels eblinädons fatüle badikosi so mödiki.

„Benö! lefilonsöd, badans et, mens et nen ladälöf!” el ,Marie Jeanne' ätikof. „Nö!... no ons,... ab dom onsik e val, keli dalabons,... plääamü kuns e jevods, kels no eblinädons badikosi...”

E ga, sagoyöv, das jipulii zogof-la. Logof lü nufafenät, täno lü bed gretik fatüla, täno lü lantär, kel nog smokon; täno, vifiko, filidof oni dönu, ed, igo nes lenükön dönu jukis oka, maifükof yani cemila. El ,Marie Jeanne': daut tümagalana, of i lihof ninälo vögi, kel äsagon tümagalanes de tims yönädik:

Züamo galedolsöd mönis!

„Galedolsöd! Noe palis olsik e flenis olsik, abi zifi, e züamöpi onik, kels pelükonfidons oles!”

Ekö! atos binon utos, kelosi konsien ofik lüvökädon daute tümagalana, ed at vokädon so vemöfiko, das el ,Maria Jeanne' no künof ad gebön timi ad lenükön dönu jukis oka.

Yan emaifikon knirölo, e cil geton stediko ini logod oka flumi luta gladakoldik. Lindifos, golof föfio. Is tridem dabinon: sagoyöv hogi blägik gretik, nen stabü... Glok gretik, len flan votik möna, dunon tikiti oka, e lad ela ,Marie Jeanne' gespikon: tiktö! tiktö!... No dredof, ye, of golof ai föfio. Su mön, jads gretik mufons mo e ge, vedons gretikums, vedons smalikums, golons föfio, golons pödö,... Finö! is cem klokas binon! El ,Marie Jeanne' ninikof ini on su tipots futas oka, taetölo natemami, dredölo, sagoyöv, das mosts bronsötik valik at ogalikonsöv e valiks oprimonsöv leigüpiko ad kaniton kanitis gretik okas.

Novula d. 9^{id}.

Tü düp jölid ädegolob lü diläd. Cif sekiona so äbitom simulölo, äsва no äküpomla kömi oba. Obo id äbitob ör mod sümik, äsва nos ijenon vü obs. Dönüamo äxamob ed äleigodob dokümis. Ämogolob tü düp: fol. Äbeigolob lödi dilekana, ab nek äjonon oki. Pos fided mödadilo äseatob su bed.

Novula d. 11^{id}.

Adelo äseadob in vobacem dilekana obsik, ätipükob pro om penis teldekkil, e pro ji.... ag! ag!... pro daut: jiklatala < penis fol. Vemo löfom, ven pens mödikum binons su tab. Ekö! vo binom tikodafulik! Suviküno seilom, e ninälo — niludob — betikom vali. Vilob seivön utosi, dö kelos tikom mödiküno, kis padesinodon ninälu tikäl at. Vilob küpedön de fagot nilikum lifi cädanas at, plütötis valik at e dinis kurik, vio bitons, kisi dunons in sogäl obsik. Ebo valikosi at vemiküno vilob seivön. Anna ädesinob ad primön spikoti ko hiklatal, ab — go diabö! — ör mod nonik lineg lönük älobedon obi: te plöpoy ad sagön, va binos koldik u vamik in yad, e leno fägoy ad pronön bosi votik. Vilob nülogön ini sogacem, lü top kelik yani emaifiköл te logoy semikna, e pos sogacem ini cem foviк nog bal. Ag! kioliegik dekam us binon! Kions loks e bösinacans! Vilob nülogön usio, lü dil et doma, kö daut: jiklatala < lödöf, lü top ebo et vemiküno vilob logön. Vomacem nitedon obi, vio us papladons fladüls, glätots valiks ats, flors soik, das igo dredoy ad natemön lü ons, vio us seaton klotem ofik pepemüköл, kel sümon ad lut vemikumo, ka ad klotem voik. Vilob nülogön ini slipacem... us — niludob — ga binos milagik, us — niludob — ga binos parad somik, das leigikos igo no dabinon-la in sül. Lülogobös bamili ut, sui kel pladof lögili oka, löädölo se bed, vio stog so vietik äsä nif palenükön sui lögil at... ag! ag! ag! saidö!... seilö!

Ye adelo edagetob tiketi, äsва lit seimik eklilükon-la vali, sevabo: ememob spikoti et dogilas tel, keli ililob su lesüt di ,Neva'. „Gudö!” ätikob ninälu ob it, „onu oseivob vali.” Omutob dagetön spodotis ut, kelis äsedons ode dogils bapöfik at. Ba bos oklülikon se peneds et. Koefobös! igo ya seimna älävokob lä ob balna jeli Medzhi ed äspikob: „Lilolöd! o ,Medzhi’! ekö! nu binobs telo, zuo okanoböv färmükön yani, if uviloi osi, dat nek ologen obis. Konolöd obe valikosi, kelosi sevol dö jidalaban olik, sevabo: kif e lio binof-li? Oyulob ole nämäti God, das osevädükob neke atosi.” Ab jidogil käfik älenpedof göbi oka, äsmalükof oki lafo medü blotükam, e seilo ämogolof da yan, äsва älilof-la nosi. Sis lunüp äniludob, das dog binon mödo visedikum ka men; igo äsüadob, das fägon ad spikön, ab labon todi seimik. Binon bolitan süperik, küpon vali, stepis valik mena. Vö! to nelets alseimik odelo ga ogolob lü dom ela Zverkov, odasäkob jeli Fidel', e — if atos oplöpon — odetifob penedis valik, kelis jiel Medzhi epenof ofe.

Novula d. 12^{id}.

Tü düp telid poszedela äsegolob ad tuvön fümo jeli Fidel' ä dasäkön ofi. No löfilob ad sufälön brasidasmeli, kel sejuton se lucaniselidöps valik süta: Sifanik; zuo mismel so hölöfik sekömon disaü yan doma alik, das ävifagolob mögiküno vifiko, ifäkipölo nudi oba. Febodans bapälik i koedons sekömön suti ä smoki se

voböps oksik ön mödot so vemik, das men cädik leno kanon spatön is. Posä irrivob teadi mälid ed itoenob yanakloküli, äsegolof luvomil, kel no älogotof vemo nejöniko ed älabof feelidis smalik. Ämemosevob ofi. Äbinof jiutan, kel ikegolof ko jibäldanil. Boso äredikof, e sunädo äsuemob: „Ol, o digikan! vilol dagetön higami.”

„Kisi vilol-li?” äspikof.

„Zesüdos pö ob ad spikön ko dogil olik.”

Luvomil äbinof stupik! sunädo iseivob, das äbinof stupik! Ün tim ot jidogil älürönof vaulölo. Ävilob gleipön ofi, ab of — jibadikan kiof! — tio ägleipof nudi obik me tut soka. Ye äküpob pö gul bäseti ofik. Ha! Neodob ebo ati! Änilikob lü on, äpemükob stoli in bok boadik ed ad koten vemik oba äsetirob tufi smalik papürabletilas. Posä jidogil gagik ilogof atosi, primo äbeitof obi len surad, e posä idatuvülof, das iramenob dokümis, äprimof ad luhagön ä flätilon, ab äspikob: „Nö! o digikan! adyöl!” ed ämorönob. Niludob, das luvomil äpölacehof-la obi lienetani, bi vemo ädredikof. Ikömölo lomio, ävilob nenzogo primön vobodi e leodükön penedis at, bi logamafäg obik boso badikon pö kandels. Ye el Mavra äreaeof ad tiket ad klinükön ko vat gluni. Luvoms fopik Suomiyänik at ai vedofs nepötatimo klinöfäliks. Kludo ämogolön ad spatön ä betikön jenoti brefobüük. Onu fino oseivob dunis valik, tikis, motivis valasotik at, e fino odadranob jü dasev vala. Peneds at odasevädükons vali pro ob. Dogs binons pöp visedik, sevons tefis dipik valik, e sekü kod at bo val obinon us: bepenot e dunots valik söla et. Us bos obinon i tefü jiutan, kel... saidö! seilö!... Tüi soar äkömob lomio. Gretadilo äseatob su bed.

Novula d. 13^{id}.

Benö! dialogobös! pened binon saido kleilik. Ye penät labon patöfis seimik dogik. Reidobös!

O ,Fidel” löfik! jünu no kanob kösümükön obi tefü nem lukomunik ola. Kikodo no äfagoy-li ad gevön ole nemi gudikum? Els Fidel’, Rosa... kio lukomunik binon stül somikas! Ye no plu bejäfobös säkädi at! Vemo fredob, das esludobs ad spodön ko od.

Pened pepenon vemo verätko. Malülam, ed igo tonat: „jat”² pöjenets valik binons in plad lönedik okik. Vö! so igo sekionacif obsik töbo kanom-la penön, do lesagom, das seimöpo elärnom-la pö niver. Reidobös fovo!

Fövot ofovon.

- El Johann Konrad Rutsch (pemotöl ün yel: 1793 in el Dühren) äbinom skrädan famik, kelan bevü zifs votik ävobom in el Sankt-Peterburg Rusänik ed igo äjäfidom as kurablünan pro lampör Rusäna. Ün yel: 1838 < älüvom Rusäni, ab äposblübük us skrädöpi oka, keli äguvons röletans omik. Rusänapiuko famülanem et pävötükön ad „Ruch” (Руч’), ed el Gogol’ ägebom ladyeki: „ruch-evskij” (sevabo: „руч-евский”).
- El jat’ (sümbol: „ѣ”) binon bal tonatas tefü Rusänapük ün yel: 1918 pefinidölas. Ya sis tumyel pu degjölid tonat Rusänik at ämalon toni patik nonik, ed äbaiädon ko tonat: „e”, in Rusänapük (i ko el „i” in Lukrayänapük). Kludo dü tumyels anik el jat’ págebon ma vönaoloveikod, julans Rusänik ämutons lärnön lisedi stamädas labü tonat at, ed igo daülans fasiliko äcänidons tonatis tel: „e” (i seimikna: „jo”), „jat”.

DAUT TÜMAGALANA.

Fa ,Thérèse Jeanroy’, petradutöl se Fransänapük fa ,Dr. Arie de Jong’.

Cem vemo smalik, go in löpot glügatüma; ekö! at äbinon löd ela „Marie Jeanne”: daut tümagalana ela „Saint-Geniès-sur-Gave”.

Ibä no kredoyös, das valöpo tümagalans se tims yönädk enepuboms-la! Nog in zifs ze mödiks, in sömit klokatüma fovan utanas lödom, keles äsagoy:

Tümao selogolsöd!
Züamo galedolsöd
mönis!

ed if no plu zesüdos ad lükön nilikami stänas neflenik, ga no läs zesüdos ad galön dü neit e del, ed ad toenön ditretakloki e vokön yufi üfü lefil.

Benö! el „Marie Jeanne”, kel iperof yuniko moti oka, ed älifof soeliko ko fat e blod gretik labü lifayels degtel, älöfot tümi oka plu, kas kanoböv sagön osi ole: de plated logam ofa älüodikon ini süts zifa, kel ätopon, leigoäs pledadin legik, len fut glüga, e dü stoms lämpik äkanoy logön jü Spanyän; ün neit cil älielof de bed oka flapön düpis fa glok gretik; ün dels lefila ädremof, ven älielof mu nilü lils oka flapis odis vifiko sökölis kloka, keli fat ofik ätoenom; ab igo jeikotis at of no äviloföv cänon tä lif balfomik cillas „de don”.

Jü bälđot lifayelas vel el „Marie Jeanne” älifof läbiko, äsä bödil in löpot kvärabima; ab tüi timül et kuds ätuwons spadüli jipulila ed äkomons ad visitön ofi.

Tümagalan, kel ädebom, äsä jinos, moni no nemödik söle: „Larroque” semik: farman se züamöp, no idagetom-li tiketi, diseinü reafön ini stad ad kanön pelön debi oka, ad plägön dü muls ömik cali smugana: cal riskädk ä – bos, kelos binon badikum – peproiböl? Atosi el „Marie Jeanne” äsevof, nes isagoy ofe vödi bal dö atos, ed ädredälikof vemo.

Tü del seimik, das blod gretik ofik: „Jacques” äbinom in bed kodü fif, el „Marie Jeanne” logöl, das fat ofa äblümükem oki ad bal lespatas neitik oka, änilikof lü om.

„O fatüll!” äsagof flätiko, „blibolös lä obs!”

„Blibön-li lä ols? E kikodo-li üfo? o smalani!”

„El „Jacques” binom malädk, o fatüll ed, if lefil dabinon-la...”

Fatül ävedom netakedik.

„Binos veratik”, äsagom. „Üfü lefil, el „Jacques” no kanom toenön ditretakloki. If no toenom oni, oküpoy nekomi oba, oseividoy, val potüvon,... E ga, ga... pö ob frans teltum nog defons, frans teltum, kels mutons papelön tü del balid yanula, ün vigs tel,...”

„Gö!” äsagom fino, „zesüdos, das segolob, o smalani! Ab no dredälikolös! obinob is bü prim dela; binosöv jenöfo mifät, if lefil obinonöv ün neit ebo at!”

III:24:2019

POEDOT FA JIEL DALI CAAVA HIELE IOSIF BRODSKIJ PEDEDIETÖL.

Ini Volapük petradutöl fa vicifal: ,Daniil Morozov'.

,V gorode, usyppannom mjortvymi list'jami,
nashe strjaslos' grekhopaden'e;
ty stal pokornee, chem vchera –
iskal spasen'ja.

V gorode, usyppannom mjortvymi list'jami,
byl traur,
i za syrymi stenami goroda
plakali deti
o neozhidannoj smerti
ryzhego klouna.

V gorode, usyppannom mjortvymi list'jami,
byl prazdnik:
ya narjazhalas', gotovjas' k kreshhen'ju.

V gorode, usyppannom mjortvymi list'jami,
Boga otrinuv,
ustalaja ot bestelesnosti,
proiznoshu tvojo imja –
Iosif.'

In zif, me bimableds deadik pibestüröl,
sinikam obsik äjenon;
ävedol mükikum, kas adelo:
sav fa ol päsunon.

In zif, me bimableds deadik pibestüröl,
lügod äbinon,
e plödü möns luimik zifa
cils ädrenons
demü süpik dead
klaunana ruilakölaherik.

In zif, me bimableds deadik pibestüröl,
zäl äbinon:
ädekob obi, blümikölo ad bluned.

In zif, me bimableds deadik pibestüröl,
edeimob Godi,
eböladon obi nenkoapöf,
nu pronob oliki nemi:
,Iosif'.



YELOD TELDEGZÜLID NÜM: 3 2019 MÄZUL PADS: 17 jü 24.

Glidis Volapükaflenes valöpo,

In gased mula pasetik poedot Grusiyänik äpubon, keli kadäman: ,Zhang Yutong' itradutom. Primü dekul ela 2018 vicifal: ,Daniil Morozov' ipenom sökölosi in Volapükagrup pö ,Facebook':

„Tradutod at binon vemo kuratik! Tefü el ,Dali' ereidob in bevüresodadiläd Rusänik, das noe binon-la nem jigoda, abi nem jipoedana Grusiyänik, jikeli el ,Okudzhava'* äsevom. Too mäniot planas, nimas, fitas e bödas jonülon, das luverati-küno lautan äkanitom dö jigod. Liedo plän verätik at no binon suvöfik pö bevüresodapads Rusänik ä Rusänapükiks. * ,Bułat Okudzhava': kanitan e lidipoedan.

Nüns anik dö jiel ,Dali Caava' (ü: ,Dali Tsaava', ,Дали Цаава') dabinons pö bevüresodadiläd Rusänik. Älödof as niverajistudan in zif: ,Leningrad' (nutimo: ,Sankt-Peterburg'); primo ästudof gasedimi u pükavi ä literatavi (nüns difik dabinons tefü atos), e poso ävedof jistudan stitoda literatavik (niver pro poedans e prosadans). Te balna u telna äkolkömof ko el ,Okudzhava', balidnaedo ün yel: 1967, kü älegivof ome konleti poedotas okik in grusiy. Sagoy, das nem ofik: ,Dali' so äpliton kanitani ä poedani famik, das äsludom ad näpladön oni ini vödem lida okik. Reto jiel ,Dali Caava' äbinof jisevädan poedana famik votik Rusänik, sevabo ela ,Iosif Brodskij' (kelan ädagetom premi di ,Nobel'). Älelöf of omi (nen gelelöf). Etan ededietom jiele ,Dali Caava' poedoti bal (sevabo: ,Nu, kak tebe v gruzinskikh palestinakh?' [,,Benö! Iio lifol-li in lomänaziläks Grusiyänik?"]]. Posä ifinükof niverastudi, ägekömof lü Grusiyän, kö ävobof as jitidan Rusänapüka ä literatava, älautof ed ätradutof poedotis. Edeadof in zif: ,Tbilisi' ün yel: 2003. Id ätuvober nenrimapoedoti ofik hiele ,Brodskij' pidedietöli."

E primü febul ela 2019 vicifal äpenom:

„Idesinob ad tradutön poedoti fa ,Dali Caava', jikel älesagof, das ebo ofi imäniotom-la el Okudzhava in vödem lida okik. Dido sumikos ämögon (samo kolköm hiela Okudzhava ko lädül ön nem: ,Dali' äkanon-la koedön süikön memoti dö jigod pö om, ed ämogos, das änupladom nemi jigoda ini vödem lida okik ya pos atos), too cedob, das jiel Caava äbinof ön jenet at tuvemo pleidülik.”

Ekö! nu kanols reidön e juitön in Volapük poedoti fa jiel Dali Caava su pad lätik gaseda at.

Valikosi gudikün oles ed olsikanes vipom

Hermann Philipp

DELABUK LIENETANA (3).

Fa el Nikolaj Gogol'.

Petradutöl se Rusänapük fa el Daniil Morozov: vicifal.

[Fövot nüpenota tefü novul, 13, in delabuk lienetana.] — Reidobös fovo!

Jinos lü ob, das binos bal benas veütikün in vol ad tököön ko votikan tikodis, fäkis e magädis.

Ö! tikamagot pedütülon de lautot seimik, se Deutänapük pitradutöl. No kanob memön tiädi.

Kanob lesagön atosi ma plak obik, do no äzirönob da vol fagikumo ka jii leyant doma obsik. Lif oba no paseton-li fulölo me juits? Jidalaban obik, keli el papa nemom eli Sophie¹, löföf obi lefákäliko.

Ag! ag!... saidö! saidö! Seilö!

,Papa' i suvo löfülom obi. Drinob tiedi e kafi labü krem. Ag! o ,ma chère'! mutob nunön ole, das leno plidob bomis gretik petuetöl, kelis hiel Polkan obsik lufidom in kvisinöp. Te boms de jibem binons plitiks, i zuo pöj net somik, das nog nek esugonöv löliko se ons pifi. Vemo gudios ad migön kobo sodis anik, ab bisü fabin elas kapersy² e härbata. Ye sevob nosi badikum ka kösömoti ad givön doges glöpilis binü bod perölölis. Seiman sölas len tab seadölas, kelan büö ekipom badädi valasotik in nams oka, primom ad knidön bodi me nams ot, lävokom oli e steigom glöpili sui tutt ola. Binosöv boso neplütik ad refudön, ekö! klu dinäd at koedon fidön; ko neplid, ab fidön...

Reided somik binon-la pötöfik pro diab. O nesiäm kion! Äsva no edabinon-la jegäd gudikum, dö kel ekanoyöv penön. Ologobös utosi, kelos binon su pad votik! Ba bos födöfik odabinon us.

Go vilöfo blümob ad nunön ole döjenots valik, kels ujenons lä obs. Ya ekonob ole bosi tefü söl cifik, keli el Sophie nemof eli papa. Atan binom man vemo bisarik.

Ö! ekö! finö! Si! esüadob: ons labons tikädöpi dipik tefü dins valik. Sevedikobös, kis tefon eli papa:

...man vemo bisarik. Gretadilo seilom. Spikom vemo nesuvu; too bü vig bal laidiko äspikom ko ok it: „Ogetob-li u no ogetob-li?” Suvo älösüsumom me nam bal papüradiledi, doatis votika vagika äfääflegülm, e poso äspikom: „Ogetob-li u no ogetob-li?” Balna älüspikom id obi me säk: „Lio cedol-li? o ,Medzhi’! ogetob-li u no ogetob-li?” Vero nosi äkanob suemön, te äbesmeilob buti omik ed ämogolob. Poso, o ,ma chère'! latikumo mö vig bal, el papa äkönömön ön fred gretik. Dü göd lölük söls labü galadaleigeds ävisitoms omi ed äbenovipoms demü bos. Len tab el papa äbinom so dalefredik, das büükumo neföro ilogob sümikosi, [äcogom me konotüls, e pos fided älopiousumom obi leni särvig oka, ed äspikom: „Logedolöd! o ,Medzhi’! kis atos binon.” Äküpob tanodi seimik³. Äbesmeilob oni, ab äfagob ad senön smeli nonik. Fino neküpoviko äläkob, äbinos boso salöfik.]⁴

B

Luman et äsludom ad lüvön leigo pöbi, ed äkönombs leni yan kobo. Ädaseivob desini oma, klu äsegolob vifiko bü om. No ävilom sagön bosi, ab äropob omi.

Äsagob: „Leno künolöd!”

Stuniko älogotom, äsva no ispetom taedi obik.

„No binob utos, kelosi cedol”, äspikülm. — „Ed ob no binob utos, kelosi spelol”, ägeob.

No nog äklemom. „Spelob, das no cedol ...”, äsagom, ab äropob omi: „Leno plu tikolöd dö atos!”

Täno ämogolob me steps fümik. Äbleibom stanön nenyufiko e kofudölo.

Bo äfikulos pro om ad sufälön perädi oma.

Äprimos ad reinön dönü, ye no ägolob lü pöb votik sunädo. Spat in rein ötakedükön obi pos skäns at. ■

Hiel Jan van Steenbergen esedom lü Volapükagrup pö ,Facebook' yegedis tel dö pük obsik in gasesdö vönik zifa: ,Leiden' in Nedän, sevabo els ① ,Leidsche Courant', 1931, yulul, 20 e ② ,Nieuwe Leidsche Courant', 1947, febul, 21. In yegeds bofik nem revidana: ,Arie de Jong' pamänioton.

VOLAPUK.

De uitvinder 100 jaar geleden geboren.

①

VOLAPÜK.

Datuvan pämötöm bü yels 100.

Zaterdag was het 100 jaar geleden, dat pastoor Johann Martin Schleyer, de uitvinder van de wereldtaal „Volapük”, geboren werd. Deze katholieke priester, kenner van meer dan 80 talen, gaf in 1879 aan de wereld een kunsttaal, welche bewezen heeft praktisch bruikbaar te zijn.

Volapük heeft in de jaren 1880—1900 een zeer groeten bloei gekend. In 1890 bestonden o.a. 283 volapük-clubs, 25 volapük-tijdschriften, meer dan 300 volapük-boeken, 1600 in volapük gediplomeerde personen. Door verschillende oorzaken werd de volapükbeweging gestopt. Zij is echter weder in een nieuw stadium gekomen. Het getal aanhangars van Volapük breidt zich uit. Voor enkele maanden is verschenen de zesde, door dr. A. de Jong opnieuw bewerkte uitgave van het grote Wörterbuch der Weltsprache „Volapük”, alsmede van denzelfden schrijver een Volapük-grammatica, waarin de nieuwste verbeteringen zijn aangebracht. Pastoor J. M. Schleyer stierf te Konstanz op 16 Augustus 1912. Prof. Albert Sleumer in Godesberg a/d Rijn is hem als leider opgevolgd.

②

Wist U

DAT wegens langdurige ziekte van den voorz. der Volapük-beweging, prof. dr Alb. Sleumer te Godesberg (Dld) diens bevoegdheden voor 1947 zijn overgedragen aan den Ned. pionier dr Arie de Jong te Voorschoten.

②

Äsevol-li,

DAS demü maläd laidulik cifa Volapükamufa: ,prof. dr Alb. Sleumer' tö ,Godesberg' (Deutän) gitäts e gitods otana bü 1947 pälovegivons pionire Nedänik: ,dr Arie de Jong' tö ,Voorschoten.' ■

Äküpedob ofi dü timil ed äsäkob obi, pösod kisotik äbinof. Me vob kisotik so vemo äjäföf-li? Ma klotem e herod ofa äbinof pösod dakipiälük. Kin üfo ai nog älenlabon-li klotemi dofablövik somik? Ämebon obe bordajuli Linglänik. E hers ofik, pödöi peköböl e pekobotanöl ad snob.... Äbinof tu vemo pated di „blue-stockings“ ma güt oba. Fümo vom fefik, täläktik, luveratiko labü gredät kadämik. Ba gitavan-li? Si! bo äbinof-la lavogan.

Ba ävobof me cödäd pro bal dunetäbas oka, mögiko pro kriman düfälük Sot krimanas, kels labons moni saidik ad pelön lavoganes gudik ä jerikes. Snatiko, äbedotob siti lölük at. Atos no plu binon gid, vo-li? Akodos smeki biedik in mud oba, e nu ätikädab votiko vomi et.

Süpo älölogof de skrin ed äküpföf obi. Dü pülatimül logeds obsik ädrefons odi, ab sunädo ädeflekof logedi oka. Äsevof-li, das iküpedob ofi, e das äminiludob, kin äbinof e kisi äbejäföf-li. Äskanof-li dö atos? Benö! so binosös. Ömutof sufälon osi. No ädesirob ad bejäföf gitädasäkädis.

Alogob plödio ed äküpob, das rein piano äfibikon. Sosus üfinikon, öfövob spati.

Vom älöükof dönü kapi oka ed älogof koldäliko äl ob, täno ye ageflekof küpäli oka äl vob okik.

B

Ituvob staudöpi stilik, kö ökanob bevobön padüli vigik oba, keli ömutob blünön redakane gaseda obsik mu latiküno ün asoar. Buükob ad penön in top notidik pla lomo. Ye no söton binön tufulik me mens, u lenoidik. Suvo in el „Bolero“ dinäds äpötöfons, e göliko ün del dido ästilos vemo us.

Ipenob dü tim anik, e tio iblümükob padüli oba, ven älabob senäli, das ek äküpedon obi. Älölogob ed äküpob mani visü ob seadöli, kel dido älülogetom obi. Man soelik, kel äslürfom kafi okik ed äküpedom nenjemiko obi.

Äsevob lumanis somik. Äbinom man boso voriko logotöl, bälldoti zänodik laböl, bo vemo soalik, kel äzigolom de pöb lü pöb ad tuvön vomi ed ädedietom oki magälodes valasotik. Ädeflekob logis oba, bi ilogob saidikosi. Äsevob lölöko utosi, keli ätikom. Älecedom obi dini te geniki. Ädremälob pö tikod dö duns lölöko neluveratiks, kels bo ätefons obi in magäl oma. No kanob sufidön lumanis somik.

Äsenob, das kom mana bälldik gagik at änosükön leküpäli oba. Dido ävilob finükön adelo padüli obik, klu ösötob tuvön topi votik ad penön oni.

Ägleipob vümanünömi obik ed älöädob ad lüvön staudöpi.

A

Rein äfinikon, klu äsludob ad fövon spati oba. Leigüpo vom et älüvom topi, ed äkömobs leni yan kobo. Plütölo äleadob bügolön ofi se pöb. Nog ävilob sagön bosi, ab äzogob. Älülogof ofi mu koldäliko ed äsagof: „Leno künolöd!“

Bluviko ätikob: Kisi atos sinifon-li? Kisi cedof-li dö ob? Äspikülob: „No binob utos, kelosi cedol.“

„Ed ob no binob utos, kelosi spelol“, ägeof.

„Spelob, das no cedol ...“, äsagob, ab äropof obi: „Leno plu tikolöd dö atos!“

Täno ämogolof. Äbleibob stanön kofudölo, bi no äkanob plänädön disputili at.

Äprimos ad reinön dönü, ye no ägegolob ini pöb. Spat in rein ömoükön-la senälis miik oba.

[Ag! Jinos lü ob, das jidogil at bitof bosilo tuboldo ... das no obatoyös ofi!] Vüö! eklülädom binön dinitiälük! Mutob memidön osi nämöfiko.

Adyö! o ,ma chère’! nu mutob spidön, e soms, e soms... Odeko ofimekob penedi. Benö! glidö! dönü binob ko ol. Adelo el Sophie: jidalaban obik...

Ö! ekö! osevedikobös, kis tefon eli Sophie. Ag! kanay kion!... Saidö! saidö!... bleibobös fövön reidi!

...el Sophie: jidalaban obik <äbinof ön bruläl vemik. Äblümükof oki ad baol, ed äfredikob, das dü fabin ofa ökanob ad penön ole. El Sophie obik ai fredof vemo ad vabön lü baol, do pö klotam tio ai favof⁵. Leno suemob, o ,ma chère’! kikodo binosla blesir ad vabön lü baol. El Sophie gekömföf lomio de baol tü diüp mälid gödo, e tio ai reafob ad kludod sekü maged paelik ä mägik ofa, das ose — jipöfülan kiof! — no edäloy ad fidön us. Koefobös! das neai ofägob-la ad lifön so. If no givoyöf obe sodi ko bonatamit, u loeti binü gokaflitäms, tä... no sevob, kis ojenonöf pö ob. Sod ko büi i binon legudik. Ye dauk, u rap, u tijod neföro ogevons juiti...

Notodamod binon vemo neleigafomik. Sunädo binos küpidik, das no men epenon. Fe so eprimof, äsä ebinos flagabik, ab efinükof me dogikos. Nülogobös ini penedil nog votik! Binon tuvemo lunik. Ag! igo no pedäton.

Ag! o löfikan! kio pasenon nilikam florüpa! Lad obik so pebon, äsva lan laidulo speton bosi. Noid nenfinik dabinon pö lils obik. Kludo suvo, löükölo lögili, stanob dü minutus anik e dalilob tonis plödü yan. Säklänedob pro ol, das labob lelöfädikanis mödik. Suvo ven seadob su fenätabam, lülogetob omis⁶. Ag! if te sevolöv, kio nejöniks binoms anans etanas! Ek binom vemo slapik, dutom lü ludogs glibik, binom jeikiko fopik, e fop logädon su logod oma, ab golom graviko su süt e tikodom, das binom-la cădătan löpikün, cedom, das valans no kanons-la stopedön ad lülogetön omi. Lenö! Igo no elüälükob küpäli ad om, äsva no elogob-la omi. Zuo doeg kiodredabik stopom donü fenät obik! If löstanomöv su pödalögs oka — tefü kelos om asä grobälan fümo no eskilikom — tän vedomöv geilikum mö kap lölük ka el papa jiela Sophie obik, kelan i labom geiloti vemo gretiki, zuo binom bigan. Doeg-fopan et jinom binön jeikiko mäpiüdik. Boso ämurob ta om⁷, ab leno äküpälom ad atos. Das nemu äfronikomöv! Plao esetenükom linegi okik, eleadom lagön lülis gretik oka ed elüülulogom fenäti obik. Vö! luman kiom! Cedol-li üfo, o ,ma chère’! das ladäl obik lindifon tefü steifs valanas?... Ag! nö!... If te logolöv kavieli bal, labü nem: „Trezor“, lovegrämöli kiudi doma nilädik. Ag! o ,ma chère’! logodili kion labom!

Fi! boyadö!... O gagot kion!... Lio kanoy-li ad fulükön penedi me stupots somik? Gevoyöf obe meni! Vilob logön meni; flagedob nulüdoti ut, kel koedon-la satikön ä fredön lani obik. E pla etos reidob smalotis somik... Maipadobös padi fovik, ba us obinon-la bos gudikum:

...el Sophie äseadof len tabil ed äbrodof bosi. Älogob da fenät, bi löfob ad lelogön beigolanis. Süpo dünan änugolom ed änunädom: „Hiel Teplov!“ — →

Letolöd omi!” el Sophie ävokädof ed äjutedof ad bradön obi. „Ag! o ,Medzhi’! ,Medzhi’! If ga sevolöy, kim binom atan: ko hers blägik, leskvair; e logis kion labom! Binons blägiks ä litiks, äs fil.” Poso el Sophie ärönof lü cem okik. Pos minut bal leskvair yunik ko cügabalibs blägik änükömom; änilikom lü lok, ämenodom herodi oka ed äzilogom in cem. Ämurob dü tim anik ed äseidob obi sui plad obik. Suno el Sophie änükömof ed äbiegoffredo as geäd ad kieneds plütavik oma. Otiupo obo lindifiko, äsya äküpob-la nosi, äbleibob logetön da fenät; ye boso äblegükob kapi obik flanio ed ästeifob ad dalilön utosi, dö kelos komans äspikodons. Ag! o ,ma chère’! dö nesiäm kion äspikodons! Äbespikons, vio läd bal pö daniüd pla sökod seimik mufas ijafädof uti votik; i das hiel Bobov seimik isüümom vemo demü jabot okik ad stork, e tio idofalom; das jiel Lidina seimik ipölacehof logis okik blövikis, do jenöfö ibinons grüniks — e somiks. [„Liö!” ätikob ninälü ob it, „if leigodoyöv leskvairi ko hiel Tresor, ekö! Sülö! o dist kion!” Balido, leskvair labom logodi löliko smufediki ko cügabalibs züö, äsya eflabüllom-la oni me särvätil blägik; el Trezor ye labom logodili feinik sa topili vietik kurato su flom. Zekoap ela Trezor binon neleigodoviko jönikum ka ut leskvaira. E logs, dunamods, jästs binons vero votiks. O! dist kion!] Leno suemob, kisi gudik etuvof pö leskvair⁸ okik. Kikodo so fanatilofli tefü om?...

I cedob, das bos no baibinon is. No mögos, das leskvair Sovemo kanom-la löfükön ofi. Dialogobös fövoti:

Jinos lü ob, das üf leskvair at paplidom, suno poplidom i calan ut, kel seadom lä el papa in vobacem. Ag! o ,ma chère’! das sevolös, kio nejönik binom man at! Vö! tuvemo sümom ad tortug ninü sakäd...

Calan kinik pemäniotom-li us?...

Labom famülanemi vemo bisariki. Ai seadom e tipükom penis. Herem su kap oma vemo siimon ad sigayeb. El papa ai lesedom omi asä dünanani...

Jinos lü ob, das jidogil gagik at ediseinof obi. Herem kinik oba binon-li äs sigayeb?

El Sophie neföro kanof taetön smili, ven logedof omi.

Ol vo lugol, o dogil maleditabik! Kio deäтик binon lineg olik! Äsif no sevob-la, das atos pedunon sekü glöt. Äsif no sevob-la, kim dunom käfedis somik. Käfeds at pedunons fa sekionacif. Sio etan eyulom nefleni nerekosilovik, e sis ettim ai dönü ludämom obi, pö step obik alik ludämom. Ye dialogobös penedi nog bali! Ba pos atos dinäd podatuvülon nen töbids patik.

O ,ma chère Fidel”! säkusadolös obe! das no äpenob so lunüpo. Estadob in lejuit lölöfik. Go gidetiko lautan seimik äküpetom, das lelöf binon lif telid. Zuo votükams vemik enu ejenons pö lom obsik. Nu leskvair komom lä obs aldelo. El Sophie lelöf ofi bleinäliko. El papa fredom vemo. Igo elilob de hiel Grigorij obsik, kelan svipom gluni e ti ai spikom ko ok it, das suno matedizel ojenon-la⁹; ibä el papa fümkö vilom, dat el Sophie ud omatikofös ko generan, u ko leskvair, u ko konulan militik...

Diabö! no fägob ad laifovön ad reidön... Valöpo u leskvair, u generan binoms. [Gudikünos valik, kelos dabinon in vol, u ledutikon lü leskvairs u lü generans. Kanoy tuvön pro ok divi pülik, desinoy ad dagetön oni, bi binon fagotilü oy, ab u desumon oye vali leskvair, u generan. Diabö!] Obo i vilob vedön generan, ab no ad matikön, e ret. Nö! ovedobös generan, te dat oloegoböv flätön ä dunön valikis dinis kurik e plütotis valik onis, e dat poso osagoböv ones: lindifo spukob olis bofik. Diabö! Ereafob ini skan. Edäsleitob ad papürarägs mu smaliks penedis de jidogil fopik.

Fövot ofovon.

Noets:

1. Jidogil ägebof nemi Fransänik, ab äpenof oni me tonats lafabla Rusänik. Ägebof i vödis Fransänik votik anik (as sam: „ma chère”), äsä noubans ettimik Rusänik.
2. Els kapersy binons gnobs u fluks pebevoböls bimüla ko nem ot (latino: „Capparis”), kels jonidons ad pitön zibi.
3. Jiniko fatül pedekotom me dek-ot seimik, kel pelägon len tanod u jarp (ma notodot oma, fino ga „egetom” dekot).
4. Is e fovo vödemadiled vü kläms gulöfik ädabinon in namapenäd, ab ädefon — luveratiküno sekü proib sänsurik — in pübots dü lifatim ela Gogol': lautan. Mödadilo pö jenets somik vödemadileds zuik ma namapenäd no pamoädons in pübots nutimik Rusänik, ab kanons defön in tradutods mödik sevädkini püks votik. Ba ek reidanas, kelan ya ereidon lautotis ela Gogol' petradutölis, oseivon nulikosi danädü tradutod Volapükik at.
5. In namapenäd pos set at sagod nog votik jidoga sa geäd lienetana ädabinons, sevabo: „No kanob suemön, sekü kod kinik mens klotons okis, kikodo no spatons so, as sam, äsä obs, sevabo: e gudiko, e takediko.” — „Ö! o jifopan kiof! Sunädo täläkt dogik eklülädon. Ed ek pö jenets somik fümköön-la diniti mena votik?”
6. In namapenäd pla set at vödemadiled sököl äkomädon: „Ven plödikob lü yad, sunädo lemödot gretik böfülanas rönon pödü ob. Koefobös! o ,ma chère’! das löföf kurugik omas ya böladon obi.”
7. Ma namapenäd, pla el „Boso ämurob ta om”, mutos-la pareidön: „Fino äflekob obi ed äbeitob omi len lög”, e ret.
8. Ma pübots mödik pareidos-la: „Teplov' pla el „leskvair”.
9. In namapenäd pos el „matedizel ojenon-la” esökon: „Too dotob, das obinons läbiks. Lä mens senäls, äsä jinos lü ob, mödo nevemikums ka uts obas.”

JENOT SKÄNIK.

,The Confrontation' fa ,Frank Roger', ini Volapük petradutölf fa ,H. Philipp's'.

A

Ebo pötatimo ituvob pöbi, büä äprimos ad sturareinön. Äslürfob kafi ed äzilogob. Mens nemödiks äbinons is so gölagödo. Len tab visü ob vom yunik ävobof mu leküpäliko me vümanünöm. Löliko äjäfälöf me atos, ed äjinof töbo sevedön züädi oka ud igo obi it.

VEDOLSÖS SAPIKS MEDÜ EL AISOPOS!

THE BUNDLE OF STICKS

A certain Father had a family of Sons, who were forever quarreling among themselves. No words he could say did the least good, so he cast about in his mind for some very striking example that should make them see that discord would lead them to misfortune.

One day when the quarreling had been much more violent than usual and each of the Sons was moping in a surly manner, he asked one of them to bring him a bundle of sticks. Then handing the bundle to each of his Sons in turn he told them to try to break it. But although each one tried his best, none was able to do so.

The Father then untied the bundle and gave the sticks to his Sons to break one by one. This they did very easily.

"My Sons," said the Father, "do you not see how certain it is that if you agree with each other and help each other, it will be impossible for your enemies to injure you? But if you are divided among yourselves, you will be no stronger than a single stick in that bundle."

In unity is strength.

Se ,The Æsop for Children',
Rand McNally & Company', 1919.

TUF STAFAS.

Fat semik älabom famüli binädöl me sons anik, kels ai äfeitoms bevü ods. Alseimikos, keli äsagom, äfruton nosi, klu äsukom in tikäl okik sami vemo magädabik, kel otidon-la omes, das teläl ökodon-la omes mifäti.

Seimna, posä feitam ibinon igo nog vemikum ka kösömiko ed alan sonas äfavoms glumäliko, äbüedom bali omas blinön oke tufi stafas. Poso ägivom turno tufi alane sonas okik ed äbüedom omis steifülon ad breikön oni. Ab do alan ägevöm töbidi lölük oka pro atos, nonan äplöpom.

Täno fat äsätanom tufi ed ägivom stafis sones, dat öbreikomsöd onis bali pos votik. Atosi ädunoms mu fasiliko.

„O sons obik!”, fat äsagom, „bo nu kanols-la suemön, das neflens olsik no okanons-la dämükön olis, if obaiädolsöv ko ods ed oyufonsöv odis. Ab if oblebols balatiks, no obinolsöv tönikums ka staf balatik in tuf et.”

Baläl jafon nämädi.

Tradutod fa ,Hermann Philipp's'.



Glidis Volapükaflenes valöpo!

Tü del lätki mula büik äkanobs zälön yubidi.

,Johann Martin Schleyer' äkonom in oklibepenam okik Deutänapükik utosi, kelos äjenon ün mäzul yela 1879 (kludo bü yels 140). In tradutod Volapükik vödas teföl fa cifal telid: ,Dr. Albert Sleumer' reidobs:

„Tiket so pipreparöl e pösodiko vero rigik Volapükä (ibä äsevob nosi de büans valik obik: ,Leibniz', ,Wilkins', ,Bachmaier' ... ed ad blebön rigik ävilob sevön nosi de atans) täno jenöfiko peledunon teoriko ün neit nenslipik pro ob it rätöfik ä klänöfik in pädanöp in ,Litzelstetten' nilü ,Konstanz', in gulacem teada telid, kel ätopon öl pädanöpagad, ün zän mäzula de 1879, ün neit kelik äbetikob vemo jäfiko valikis fopis, mistadis, döfis e miserabotis tima obsik. Ad temunön verato e koefön notodälo, vio fäkik ladäl obik äbinon ün neit seledik et, so kanob te sagön ko danöf e mük gretiküns: Jelalanen gudik ova änugivon ettimo obe süpo siti lölük valemapükä: Volapük. Tü 1879 mäzul 31 älautob täno balido penädo stabanomis gramata obik.”

Pötü yubid at vödabuk Deutänapükik läfulüköl penotükon pö Volapükagrups in els ,Facebook' e ,Yahoo Groups'. Kanols kopiedön oni de resodatopeds at. Vödabuk at ninädon vödis in „Fövots” fa hiel Arie de Jong, vödis valik, kels pälishedons in yelods ela „Volapükagased pro Nedänapükans”, kelis läxcifal: ,Brian R. Bishop' isestratükom, e vödis votik, kelis mödadilo vicifal: ,Daniil Morozov' äkonletom se vödemis calöfik. Izesüdos ad vestigön e verätükön milatis anik vödas, bi el Arie de Jong no äbinom Deutänan; suvo ägebom vödis „Deutänik”, kels äbinons neverätiiks, negeböfiks u dotabiks. Spelob, das ofrutan.

Zu – klülo! – vipob valanes pasatazäli jönik.



Hermann Philipp's

DELABUK LIENETANA (4).

Fa el Nikolaj Gogol'. Petradutöl se Rusänapük fa el Daniil Morozov: vicifal.

Dekula d. 3^{id}.

Atos leno mögon. Val binon cütid! Matikam no omutonöd jenön! Si! binom leskvair, ab nos sekodon se atos. Ibä dinäd at te tefon diniti: no din seimik logamovik, keli kanoy-la ramenön me nam. Ibä sekü utos, das binom leskvair, log kilid no poläükön-la sui flom oma. Ibä nud oma no pemekon-la binü gold, güo leigon lä ut oba, lä ut alana; ibä me nud okik smeilom, no fidom, e snidom, no kögom. Semikna ya ästeifülob ad daseivön, kikodo dists valik at davedons. Kikodo binob-li titulakonsälal¹ e sekü kis binob-li titulakonsälal? Ba jenöfo binob-li seiman votik, samo graf u generan, e te sümedob-li titulakonsälal? Ba ob it no sevob, kin binob. Kiomödikis samis sümik jenav egevon!: man seimik kommunik ädabinom, kelan leno ädutom lü noubans, güo äbinom sifan pülik ud igo feilan, e süpo äklülädom binön dinitan, semikna igo reigan!² If semikna igo luman kanom vedön dinitan so löpik, kim üfo nouban okanomöv-li vedön? Samo sunädo onükömob-la in leinged generana, ed olabob-la peoläti su jot detik, ed olabob-la peoläti su jot nedetik, id olabob-la jarpi blövik love jot — e kis-li? täno lio jijönan obik ospikoföv-li? i kisi ospikomöv-li el papa it: dilekan obsik? O! atan binom vemo dinitiälik! Atan binom lelivamasonan, fümo lelivamasonan, do simulom, äsва binom-la somik u votik, too sunädo eküpob, das binom lelivamasonan, bi ven getiokipom pro ek nami, setenükom doatis te telis³. Sekü kod kinik no mögos-li, das onu pogevon-la obe titul generan-proviniguverana, u leguvana, u samo cädätana alseimik votik? Vilob sevön, sekü kod kinik binob-li titulakonsälal? Kikodo ebo titulakonsälal-li?

Dekula d. 5^{id}.

Dü agöd lölük äreidob gasedis. Jenots bisarik jenons in Spanyän. Igo no äkanob säbrülükön lölöfiko dinädis valik. Penoy, das monäk pefinidon e das dinitans stadons in ditretül demü daväl gerafovana, i sekü atos feits splodülops. Atos jinon binön lü ob tuvemo bisarik. Lio monäk kanon-li pafinidön? Penoy, das jiel doña seimik osötof-la kömön sui tron. Jiel doña no dalof kömön sui tron. Pö jenets alik leno dalof. Hireg mutom seadön su tron⁴. Ye — sagoy — hireg no dabinom. No mögos, das hireg no dabinom-la. Tat no kanon dabinön nen hireg. Fe hireg dabinom, ab nu seimöpo blibom as nesevädan. Ba blibom in plad ot, ab sekü kods famülik seimik, u demü dods flanaü nämädareigäns nilädik, sevabo: Fransän e läns votik, pamütom ad klänedön oki, u kods votik alseimik flunons.

Dekula d. 8^{id}.

Fe primo äsludob ad golön lü diläd, ab poso difiks kods e betiks äneletons osi. Jens Spanyänik leno kanons änepubön de tikäl obik. Lio atos mögon-li, das jiel doña ovedof-la jireg? No odäloy osi. E balido Linglän no odälon osi. Zuo demölo jäfis bolitik Yropa lölük: lampör Lösteränik, [reigan obsik] ... Koefobös! jenots et so vemo iteifülops ed ifäkükons obi, das vero leno äfägob ad jäfikön me bos dü del

Kadäman: **Danny Zhang** ätradutom vödemi lida Rusänik at.

Änotükom oni pö el Facebook ün febul, 2019. Kanols lilön oni pö:

https://www.youtube.com/watch?v=2CFhpiSHYfM&feature=player_embedded.

SLEDI ZA SOBOJ !

Segodnja komu-to govorjat: "Do svidan'ja!"

Zavtra skazhut: "Proshchaj navsegda!"

Zaalet serdechnaja rana.

Zavtra kto-to, vernuvshis' domoj,

Zastanet v ruinakh svoi goroda,

Kto-to sorvijotsja s vysokogo krana.

Sledi za soboj, bud' ostorozhen!

Sledi za soboj!

Zavtra kto-to utrom v posteli

Pojmjot, chto bolen neizlechimo,

Kto-to, vyjdja iz doma, popadjot pod mashinu.

Zavtra gde-to v odnoj iz bol'nic

Drognet ruka molodogo khirurga,

Kto-to v lesu narvijotsja na minu.

Sledi za soboj, bud' ostorozhen!

Sledi za soboj!

Noch'ju nad nami proletel samoljot,

Zavtra on upadjot v okean,

Pogibnut vse passazhiry.

Zavtra gde-to, kto znaet gde?

Vojna, ehpidemija, snezhnyj buran,

Kosmosa chjornje dyry...

Sledi za soboj, bud' ostorozhen!

Sledi za soboj!

PRÜDÖ !

Adelo sagoy eke: „Dönulogö!”

Odelo osagoy laidüpo: „Adyö!”

Vun lada bludon nenstopo.

Odelo ek egetävöл lomio

otuvon teiko lönazifi rübik.

Ek ofalon löpao de tovian.

Prüdolös! Prüdö!

Prüdolös!

Ogödo ek egaliköl in bed
osuemon, das no obinon sanovik.

Ek ekömöl lomao potuvon dis tood.

Odelo in malädanöp semik

nam kötetana yunik odremon.

Ek in fot obestepon spranodi.

Prüdolös! Prüdö!

Prüdolös!

Aneito flitöm fliton sus obs.

Odelo odofalon ini sean.

Tävans valik odeadons.

Odelo seimöpo, kin sevon-la kiöpo

odabinons krig, päst, nifatep,

hogs blägik levala.

Prüdolös! Prüdö!

Prüdolös!

IV:30:2019

POEDOTILS KIL FA HIEL GONÇALO NEVES.

Portugänan: ,Gonçalo Neves' binom bal slopanas sevädiskün mekavapükas: ,Esperanto' ed ,Ido'. Äbejäfom i Volapüki ed älautom ün yel: 2010 poedotilis kil me pük obsik. Äsä kanoy kludön se poedotils at, el Gonçalo Neves labom täläkti spiritälik.

Keif.

Vöd jönik,
jönikum siäm:
disins mödik in map,
kum vilas in kap,
ab nosi dunön dü dels;
si! nosi...

Du vol lölük spidon,
fimiko stopön,
nosi spetön,
nosi vipön,
nosi flagön,
nosi dunön,
teiko takön,
keifi lärnön,
nen jäf...

Vöd jönik,
jönikum siäm.

Adelo.

Adelo, adelo
obes nidon stelil
jonöl vegi difik
menes valik su tal,
ab ted, noid e jin
bleinükons obis
adelo, adelo.



Gonçalo Neves

https://io.wikipedia.org/wiki/Gonçalo_Neves
https://eo.wikipedia.org/wiki/Gonçalo_Neves

Grod.

O bälid grodik!
Kelosi klänedol-li?
Ba diktoranı,
bo saludani...
Kelosi-li? o bälid!



IV:27:2019

äfagob ad jäfikön me bos dü del lölük. Jiel Mavra äküpälükof obi, das len tab äbinob vemo disipik. Dido ön disip, äsä jinos lü ob, äleadob falön bovedis tel sui glun, kels sunädo ätrogons. Pos koled ägolob lü lubels, kö slifavaboy. Nosi frutik ekanob dagetön. Mödadilo äseatob su bed ed ämeditob dinis Spanyäna.

Yel: 2000, prilula 43^{id} del.

Adel binon del lezäla gretikün! In Spanyän hireg dabinom. Pesetuvom. Hireg at binob ob. Ebo adelo eseivob osi. Koefobös! äsва lit seimik süpo ekleilükön-la vali. No suemob, vio äkanob cedön ä magälön, äsва äbinob-la titulakonsälal. Lio tika-magot so lusapik ekanon-li süikön pö tikäl obik? Gudos, das nek ettimo äreafon ad tiket ad seitön obi ini lienetanöp. Nu val pesävilupon pro ob. Nu logob vali so klüliko, äsvo palm pemaifüköl seaton-la fo ob. Ye büö — no suemob atosi — büö val pö ob äsва päklänedon-la dub fog seimik. Atos valik jenon, äsä cedob, bi mens pölaceadons, das brein menik binon-la ninü kap. Lenö! brein pablinon fa vien flanaü Kaspiyamel. Primo ädanotükob jiele Mavra, kelan binob. Ven ililof, das reg Spanyäna ästanom lo of, äkoedof löpiojutedön namis oka, e tio deadio ädredikof. O jifopan kiof! nog neföro ilogof hiregi Spanyänik. Ye obo ästeifob ad takedükön ofi, e me vöds benädafulik ästeifob ad süadükön ofi tefü gön obik, e das leno skanob tefü utos, das semikna badiko äklinükof butis pro ob⁵. Ga somans dutons lü lumens. No mutoy spikön ones dö yegäds sublimik. Ädredikof, bi ästadof in süad, das regis valik in Spanyän sümoms-la ad ,Filipp' II⁶. Ab äplänob ofe, das süm nonik dabinon vü ob ed el Filipp, [e das no labob kapütülanı igo bali]... No äkömob ad vob in diläd. Diab omosumonös oni! Nö! o flenädans! denu no bätols usio obi; no ojäfikob me depenam dokümas ledredodik olas!

Mäzulonovula⁷ d. 86^{id}. Vü del e neit.

Adelo kontrolan obsik äkömom, dat ögolobös lü diläd, bi ya dü tim lunikum ka mö vigs kil no ikömob ad dunod. Ad yofön obi, egolob lü diläd⁸. Sekionacif ibüocedom, das öbiegob foi om ed öprimob ad begön säkusadi, ab elongedob omi lindifikasi, nen notods zuna u benäda tuvemikas, ed eseidob obi sui plad obik, äsва eküpob-la nosi. Älülogob bapöfanefi lölük bürik ed ätikob: „If sevolsöv, kim seadom bevä ols, tän... Godö! Brul kion odavedonöv pö ols! Zuo sekionacif it oprimonöv ad biegön talio so foi ob, äsä atimo biegom foi dilekan.“ Ädoseitoy dokümis seimik foi ob, dat öjafädöbös setrati se ons. Ye ädunob nosi, igo no ädoatob papürabledis. Pos minutis anik valans äzirönons. Äsagoy, das dilekan ägolom isio. Calans mödik ärönoms ad jonetükön okis lo om; pö atos alan äzilälom ad fokömön votanis⁹. Obo güö äblibob pö plad ot. Ven äbeigolom da sekion obsik, valans äfääknopons trelülagunis oksik; ab ob ädunob vero nosi! Bö! dilekan seimik! Bos okoedon-li löstanön obi lo om? — go neföro! Voiko binom-li dilekan? No binom dilekan, ab binom buon. Buon kösömk, buon kommunik, e nos plu ka buon. Sevabo ut, me kel buonoy fladis. Äbinos mu drolik pö ob, ven äpladoy dokümi foi ob, dat ödispenobös oni. Bo äcedoy-li, das öpenob sui finot

smalik bleda: „Donasekcionacif labü nem: ...” vo-li? Ye sui dil cifikün, kö dilekan diläda dispenom, äpenob vifo: „El Ferdinand VIII”. Äsötoy küpedön, seil kio dalestümik idareigon; ab te ävinegob me nam, sagölo: „Jonüls nonik sumäta zesüdonsöd!” ed äsegolob. Usao nenzogo ädetävob lü löt dilekana. No äbinom lomo. Domahidünan ävilom neletön obi ad nügolön, ab äspikob ome somikosi, das sekü nenämükam ämutom leadön lagön namis oka. Äkripädob ebo ini klotöp. Äseadof lä lok, älöjutedof ed ädestepof de ob. Ye no änunob ofe, das binob hireg Spanyänik. Te äsagob, das öfütüron pro of läb so vemik, das no kanof-la magälön dub tikäl okik oni, e das — to trigs neflenas — öbinobs kobo. No plu ävilib spikön dö bos ed äsegolob. O! jidabinans at, efe voms, binofs lukäfiks. Pas enu kuratiko eseivob, kif binof vom. Jünu nek sevon, dö kim lelöfädof; binob balidan, kel etuvedom atosi. Vom lelöfädof dö diab. Si! no cogob. Füsüdans penons stupotis, das of dunof-la atosi ed etosi, ab of lelöfot te baliko diabi. Ekö! logols-li, vio dese lojad teatöpik keda balid lüdüükof ballogalünni okik? Bo cedols-li, das lülulogof hibigani at ko dekot stelafomik? Lenö! voiko lülulogof diabi, hikel stanom pödü bæk oma. Ekö! diab eklänedom oki ini dekot stelafomik¹⁰ len om. Ekö! vinegom usao ofi me doat. Ed omatikof ko om. Omaticof. [E atans valik: fats ä dinitilabans ofas, atans valik, kels mudünoms valaflanio e besteifoms kuri, i lesagoms, das binoms-la lomänälans, zuo etosi sa atosi... Periodapeloti lifüpik desiroms lomänälans somik! Oseloms moti, fati, Godi demü mon, ga binoms dinitiälans, Kristusiselans!] Valikos at binon dinitiäl, e dinitiäl sekodon se utos, das dabinon dis lineg bälunül smalik, in kel dabinon vumil smalik laböl gretoti no plu ka peänakap. Jeifan seimik mekom vali at, kelan lödom pö süt: Pisälik. No memob, vio panemom; ab sevoy fümiko, das om ko luvom-jikujörän bal diseinom ad pakön slami da vol lölik, e sekü etos, äsä sagoy, in Fransän dil gretikün pöpa ya lekoefon lejoni ela ,Mohammed’¹¹.

Fövot ofovon.

Noets:

- 1 Titul semik (äsi leskvair, kurakonsälal in koned at pemäniötöls) ma el „Taib dö dinitis” (gredätälsed pägebon in lampörän Rusänik sis timädi ,Pjotr’ I Gretik: lampör.), kel pägebon in lampörän Rusänik sis timädi ,Pjotr’ I Gretik: lampör.
- 2 Reigan no pemänioton in pübots tumyela degzülid, kö äkanoy reidon sökölosi: „...e süpo äklülädom binön dinitan, u baanon, ud etan — lio patitulom-li?”
- 3 Lelivamason päproibon in lampörän Rusänik. Us lelivamasonans pälecedons voltiälans e spionans. Ettimo sagäds mödik tefü mals klänik lelivamasonanas päpakons.
- 4 Mäniot Spanyäna binon natöfik pro reidan laidak ela „Bien nolüdik”. Sis tobil yela: 1833 < el „Bien nolüdik” änunon reidanes dö krisid bolitik Spanyäna ettimik. Posä reg: „Fernando” (ma penäds Rusänapükik: „Ferdinand”) VII ideadom, jiel Isabel: geraaledaut < bälidotü yels kil pästetof jireg (reiganamu jiel María Cristina de Borbón: mot jiplina). Leigüpo hiel Don Carlos (ü „Carlos María Isidro de Borbón”): blod rega ideadöl ä geraleson < älesagom, das te man (sevabo om) äkanom-la vedön reg. Fino sekü feits vü palets difik igo sifanakrig äsplodülon in Spanyän. Ad bepenön jü in pats smalikün jenotemi konflita et pö gased: „Bien nolüdik” igo rubrig patik tiädi „Dinäds Spanyänik” pädavedükon.

- 5 Ma pübots mödik, set at muton pareidön so: „Ye obo ästeifob ad takedükön ofi, isagölo, das leno skanob tefü utos, das semikna badiko äklinükof butis pro ob”.
- 6 Ma penamamod Spanyänapükik: „Felipe’ II (yels lifüpa: de 1527 jü 1598). Palecedom däspotan kruälk. Bevä timakompenans ela Gogol’ in Rusän mödadijä äsevädom demü dramat fa el Schiller tiädi „Don Karlos, Infant von Spanien”.
- 7 El Gogol’ eponem: „ela martobr” (,мартобря’). Vöd at in pük alseimik nedabinöl sümön ad uts Rusänapükik: „mart”, „martovskij” (mäzul, mäzulik), „nojabr” (,ноябрь’, novul), „oktjabr” (,октябрь’, tobul). Äsä jinos lü reidans Rusänapükik, pö jetet at lienetan ekoboyümom stämädi vöda: mäzul < e poyümoti nedabinik mulanemas: „-obr”. Too säkäd bal dabinon: ma dönuam fädik pö mulanems anik finota in Rusänapük kanoy-la distidön poyümoti magälik: „-abr”, ab no eli „-obr”!
- 8 In namapenäd pla set at pepenos: „Ab mens negidetiko mafons timi me vigs. Yudans änüdugons kösömoti at, bi rabinans onsik ün tim at lavoms okis. Too ad yofön obi, egolob lü diläd.”
- 9 In namapenäd pla set at pepenos: „Calans mödik ärönoms lü yananöp ad sälenükön mänedi de om; pö atos alan äzilälam ad fokömön votanis.”
- 10 So in namapenäd. In pübots mödik pla el „dekot stelafomik” pääbükos: „trelülagun”.
- 11 Ma namapenäd: „No memob, vio panemom. Ab mufädükä cifikün atosa valik binom sultan Türkänik, kelan remädom jeifani e kelan diseinom ad pakön slami da vol lölik. Soäsä sagoy, in Fransän dil gretikün pöpa ya lekoefon lejoni ela ,Mohammed’.”

Volapükaflen: Michele de Russi < esedob Volapükagrupe obsik pö Facebook’ nuni at se gased: „Rund um die Welt” (zi in vol) yela: 1889.

vom 11. Nov. 1889). In dem italienischen Ministerio dell’ istruzione sind fünf Beamte mit dem Studium des Volapük beschäftigt; auch hat diese Behörde gestattet, dass Schleyers Sprache an drei Schulen gelehrt wird (Leipziger Tageblatt vom 16. Februar 1889). Königin Margherita von Italien soll Volapük fertig sprechen und schreiben. In Brisbane (Australien) hatte Meyerbeers Oper „der Prophet“ im Volapük-Gewande einen solchen Erfolg, dass die Vorstellung zehnmal wiederholt werden musste (Vbl. No. 107 § 1734). Und um auch — last, not least — das Urtheil einer wissenschaftlichen Grösse anzuführen, so stimmt ein so berühmter Sprachforscher wie Max Müller in Oxford den Prinzipien, auf welchen die Schleyersche Weltsprache beruht, vollkommen bei.

... ela 1889 novul 18). In „Ministerio dell’ istruzione“ Litalyänik calans lul bejäfons studi Volapük; cifod at id edälon tidi püka ela „Schleyer“ pö juls kil (ma „Leipziger Tageblatt“ ela 1889 febul 16). Sagoy, das jireg Litaliyäna: „Margherita“ de Savoyän < spikof e penof nendöfiko Volapuki. Tö „Brisbane“ (Stralop) lop ela „Meyerbeer“: „Der Prophet“ (= Profetan) < in Volapük äbinon so benosekik, das ämutoy dönöön degna plöseni. Mäniotobs – „last, not least“ – cödoti nolavana cädik, sevabo pükavana famik: „Max Müller“ in „Oxford“, hikel löliko baicedom dö prinsips, kels binons stab püka di „Schleyer“.



„Margherita“ de Savoyän (1851-1926), jireg Litaliyäna ä Volapükän.

VEDOLSÖS SAPIKS MEDÜ EL AISOPOS!

Lup e Grud.

Lup ilufidom tu zibidesiriko, klu bom ibleibon stegön traväro in gug oka. Äkanom ni sespukön ni nüslugön oni. Lenosi äkanom kluo fidön plu. Klülo atos äbinon stad nesufovik pö lup lufidiälük.

Äspidom kluo lü Grud. Äfumom, das medü särvig e honed luniks ofa äkanof fasilioko rivön e setirön bomi.


„Omesedob oli bundaniko”, Lup äsagom, „if osetirol bomi et pö ob.”

Grud – äsä kanoy-la fomälön osi – äsenof neplidi vemik ad stegön kapi oka ini caf Lupa. Natälo ye äklienof ad gleipön, klu ädunof utosi, keli Lup iflagom de of.

Sosus Lup isenom, das bom ämoon, äprimom ad mogolön.

„E mesed obik-li?”, Grud ävokof teafüliko. „Kisi-li?”, Lup ämurom, ed ägeflekom oki. „No üfo esuemol-li osi? No saidos-li, das eleadob kapi olik letön plödiü mud obik, nes debeiton oni”

No spetolöd mesedi, ven eduinol yufoti badane !



The Wolf and the Crane

A Wolf had been feasting too greedily, and a bone had stuck crosswise in his throat. He could get it neither up nor down, and of course he could not eat a thing. Naturally that was an awful state of affairs for a greedy Wolf.

So away he hurried to the Crane. He was sure that she, with her long neck and bill, would easily be able to reach the bone and pull it out.

“I will reward you very handsomely,” said the Wolf, “if you pull that bone out for me.”

The Crane, as you can imagine, was very uneasy about putting her head in a Wolf’s throat. But she was grasping in nature, so she did what the Wolf asked her to do.

When the Wolf felt that the bone was gone, he started to walk away.

“But what about my reward!” called the Crane anxiously.

“What!” snarled the Wolf, whirling around. “Haven’t you got it? Isn’t it enough that I let you take your head out of my mouth without snapping it off?”

Expect no reward for serving the wicked.



O Volapükafens valöpo!

Ven älovesumob cifalami ün mayul yela: 2014, äsäkob obi: „Kis obinon-li zeil voba at?” Ya büö iprimob ad koräkön tradutodi Linglänapükik fa „Ralph Midgley” vödabuka gretik Deutänapükik fa „Arie de Jong”. Zu ipromob ele Ralph, das öfövob gasedi: „Vög Volapük”. Latikumo läxcifal: „Brian R. Bishop” äsedom obe lisedi gretik vödas nulik, kels päninädons in „Volapükagased pro Nedänapükans” de 1932 jü 1957. Äzögob bevobi vödabukatradutoda ela Ralph, e plao äbevobob vödis nulik et. Nek, kel föro ädunon vobi somik, kanon fomälön, vio töbik e timiflagöl atos binon. Alo älabob pöti saidik ad küpön säkädis tefü vödifomam Volapükik ed ad studön dibätikumo gramati püka obsik.

Klülos, das dü tim at äküpob dinis bisarik, nekuratik, nekludöfik e tu fikulikis pö vöds e gramat Volapük. Sümo ätikon-la bo Volapükans valik, kels äbejäfons püki obsik. Go vilöfo anans vilons menodön, balugükön, votükön kluo Volapük, dat – spelo – mens mödikum olärnons-la oni.

Säk reton: If omenodobsöv, obalugobsöv, ovotükkobsöv Volapük, mens mödikum-li olärnonsöv ed obleibbonsöv gebädön Volapük? E säk telid osükönöv: Lio vemiko omutobsöv-li votükön Volapük, dat sek somik kanonöv porivön? Okanonöv-li nog blebön Volapük sevädovik?

No cedob osi. Fümo Volapük binon bisarik e bo no nedöfik löliko. Jenöfiko natapüks laidüpo votikons, igo nen zesüd. Volapük ye no binon natapük. No zesüdos, das züpadon vogädadinis nelaidüpik valik. Binon äs bim bäldeik e seledik, keli sötöy kälön e jelön stümiko. No sötöy träiton oni grobiliko, ab tödo. Kanoy gebön Volapük, äsä joför toodon in „oldtimer”. E leigoäsä joför muton sevön eli „oldtimer” verno gudiko, dat no dädükön oni, somo sötöy sevön Volapük gudiko, büä primoy ad prodön vödemis me pük at. Atos igo lonöfon tefü vödemis smalik, äs sams els „memes” (magods sa vödemis smalik, kofik u yofik) in medäds sogädik.

Valanes juti täläktik dub Volapük vipom redakan ä cifal:

Hermann Philipp

DELABUK LIENETANA (5 Ä FIN).

Fa el Nikolaj Gogol', petradutöl se Rusänapük fa el Daniil Morozov: vicifal.

Dät nonik. Del no älalon däti.

Äspatob nesevädo da lesüt di ,Neva'. [Hilöpätal lampörök äbeivabom. Zifanef lölik ädeükön hätis, id ob ädunob otosi;] ye äjonülob ön mod nonik, das binob reg Spanyänik. Äsludob, das no äpötös-la ad sevädkön obi sunädo lo valans, bi büüküno ösötob jonodön obi pö kur¹. Te dinäd bal estöpädon obi: jünu no labob klotemi regik². Binosös vipabik ad dagetön pu regamänedi³ alseimik. Primo ävilob bonedön oni skrädate, ab atans binoms lölöfiko cuköfiks, zuo vemo slapoms tefü vobod oksik, ejäfädikoms ko midun, e mödadilo pavoms süti me stons. Esludikob ad mekön mänedi biniü dündaleiged nulik, keli älenükob te telna. Too dat mifätans at no ökanomsöv dämükön oni, äsludikob ad skrädon ito, üfärümkölo yani, dat nek öbelükönös osi. Ebekötob me jim kloti lölik, bi skrädeg sötonöd binön vero votik⁴.

No memob numati dela. Mul i no edabinon.

Brul nesuemovik seimik edabinon.

Mäned lölöfiko perfimekon e peskrädon. El Mavra äluvokädof, posä ilenükob oni. Ye nog no kanob sludikön ad sevädkön obi pö kur. Jünu depütäbef se Spanyän no elükömon. No pötos ad desinodön bosi nen depütäbs. Veüt nonik osüikonöv pö dinit obik. Spetob, das okomikons ünü tüp brefifikün.

Del 1^{id}.

Nevif depütäbas vemo stünükon obi. Kods kinik kanon-li neletön onis? Bo Fransän-li? Si! at binon nämädareigän mu neflenik. Ägolob lü potöp ad seividön, va ikömons-la depütäbs Spanyänik. Ab potastajonacif binom vemo stupik, e sevom nosi: „Nö!” spikom, „is no dabinon igo balan depütäbas Spanyänik, ed if plüdol ad penön penedi, tän odasumobsöv onis ma tarif pelonöl.” Diabö! Lio pened veüton-li pö ob? Pened binon jod! Pötekans penoms penedis...⁵

El Madrid. Telul⁶ kildegid.

Ekö! binob in Spanyän, ed atos ejenon so vifiko, das töbido eplöpob ad säkofudikön. Adelo tü göd depütäbs Spanyänik äkomikoms lä ob, ed ob kobü oms äseidob obi ini bökavab. Vif plödakösömkä äjinon binön bisarik lü ob. Ävabobs so spidiko, das ünü düpalaf ärivobs miedis Spanyäna. Bio jenöfo da Yeurop lölik nu dabinons trenavegs binü gifafer, e stemacins vegons vemo vifo. Spanyän binon län bisarik: ven inükömobs ini cem balid, älogob menis mödik ko kaps nenherio pijkeiföls. Ye nilud esüikon pö ob, das atans mutons binön u dominigans, u kapütülans⁷, bi jeifoms kapis. Träitamod reigänalebürala, obi len nam dugöla, ejinon vemo bisarik lü ob: enüjoikom obi ini cem smalik, ed espikom: „Seadolöd is! ed if onemolöv oli it regi: ,Ferdinand', tän oseflapoböv desiri at se ol.”

Dido äklienob ad ninälön in tikods e magälöds, igo ven äspetoy de ob, das äküpälob ad bligs votik. Semikna iditretülikob sekü atos. Semikna sekionacif büsi-da, kö ivobob, iriprodom obe neküpäli. No äsevom ga, das pö leküpäli ad vobod dunabik, drimäl äglepädons obi. Nog äkanob fomälön gudiko obis tel in här oma. Äseadob us mu neplidiko, du om äspikom veitöfiko dö „säkäd ut, keli omutoy bejä-fön draniko”. Atos äbinon mod omik ad klüükön, das ävilom moreifön obi.

Snid vemik nog bal änosükön mema-magoti at, e dönü äbinob in trenavab. Ävilob fövon spikoti ko jiblonan, ab ämoof. Läd bäldeik detü ob – jikel nendoto isnidof – ye nog äkomof. Bi ägalof nu, äsäkob ofe: „Pardolös! Eloegol-li ba mogolön jiblonani fo ob eseadöli? Nog ebinof is bü sekun bal.”

Läd äfronükof flomi, äsva ilonülob-la säki negidöfik, e fino äsagof: „No suemob utosi, dö kelos spikol. Nek föro äbinon fo ol. Te obs tel binobs in vabadiläd at.” Äjedof logedi säköl nog bali lü ob, e täno deflekof logodi oka spelo, das no plu öböladob ofi me säks bisarik.

Va ba ägidetof-li? Idrimälob-li dö spikot oba ko jiblonan? Äbinof-li magälöd drimäla obik leigoäsä vilag nenmenik et, keli ivesigob? Äbinos bisarik, das drimälöds kanons jinön so jenöfiks. Semikna töbo ämögos ad distidön onis de jenöf. Atos ömna ädredälükön obi. If öreafoböv ad stad, das no plu ökanoböv distidön onis, östetoyöv-la atosi soti lana-maläda, e pöpladoböv-la ini lienetanöp. Ömutob prüdön e bleibön bemastön dinädi at. Ädalob fe drimälön, ab no ädalob letön, das mieds vü vol jenöfik e fomälöds magäla obik övedons neklüliks ne-savoviko.

Ämemob, vio jiblonan isagof lü ob smililölo: „Edagetob magädi, das eninälöd in drimäl.” Kludo mens anik äsevons utosi, kel äjenon in siens obik. Ba ösötob steifön ad klänedön drimälami oba. Ab timülü! Jiblonan et voiko no ijenöfikof. Äbinof te tikaspäk. No sötoböd cedön utosifefiki, keli jipul magälöd äsagom obe in drimäl, bi ga no äjenöfos. Ikudob dö nos!

Älöseidob obi ed ästeifülob ad konstatön, kö voiko äbinob. Magälöd jiblonana fo ob änosikon. Sunädo ägevob obe fümi dö kom läda bäldeik, ibä ädredob, das id of äbinof te magälöd. Äjinof senön utosi, keli ädunob, bi äflekof kapi äl ob.

„Gudos, das nog komol”, äsagob.

„Begö! lio-li?” äsäkof. Äklülos, da leno äsevof, dö kis äspikob.

„Binol jenöfik”, äsagob, jästi nefümik dunölo züamöpio. Äküpob, das utos, keli äsagob, abinon nensiämik pro of. „Lindifos. Tu fikulos ad plänön.”

Dönu ädefleko logodi, ed ob äleküpälob ad seadöp vagik fo ob. Ai nog äkanob fomälön jiblonani us. Jenöfo äbinof mu tirädabik. Ilüsmilof obi ön mod patik et, ven äsäkob obe, va ininälöb-la in drimäl.

„Fümol-li, das nog drimälol?”

Älölogob. Kin isagon-li atosi? No äbinos läd bäldeik detü ob, jikel dönü islipüli-kof. Nek äbinon ini lilamaportat. Ed imemosevob vögi: äbinon ut jiblonana. Ye jiat no äkomof. Kludo atos ämuton ebinön te in magäl obik.

„Löliko fümol-li?”

Fövet ofovon.

no binon saido veitöfik ad suem kuratik) Lelogolöd (u: „logol”), kio kruäliko trättoy obi demü löf! Sevol (u: „Logol-li”), lio dränäloy obi.” Niludo pö stadäd seimik lauta el Gogol’ ävilom ämäniotön klülo Jivirgali ad kazetön, dasjenotem lienetana noe binon drolik, abi lügadramatik.

- 16 In namapenäd (äsi in dabükots konfidovik anik timäda sovyätki) pla ,dey’ Laljerränik pämäniotom reg Fransänik. El dey äbinon titul proviniguverana in Laljerän, kelani primo äcälom sultan reigäna porta sublimik. Els dey äreigoms in Laljerän de yel: 1671 jü 1830, kü Fransän äkonkeron läni at. ■

DRIMÄLAN.

The Daydreamer’ fa ,Frank Roger’, ini Volapük petradutöl fa ,Hermann Philipps’.

Älogedob rietalinagloki obik. Minuts nog kildegs öretons, jü tren öriven zeilstajoni. No plu änitedälob tefü täktifana-lekoned, keli ikesumob; plao äzilogob. Mens te tels äbinons in levab. Detü ob lä fenät, läd bältilik gedaherik äseadof, kel äreidof buki e semikna äslipikof. Visü ob jiblonan labü bälidot zenodik äseadof; älogotof vemo plitiko. Ävobof me vümanünöm, du älilof musigi me kapa-kosädöm.

Älogob plödio, ed eloegob beimufön topädi: yebaläns me difüls mödik grüna, bimagrups, lak smalik, fago farms anik, in pödaglun lubels, kels dilo älogädöns töbo dub fogül. Täno vilagil älogädikon süpo, saido nilik ad küpön patis ömik, sevabo glügi dub degtelats anik domas vönik pezuöli. Bisaro no älogob mufi seimik. Nek äbinon su süts; tood nonik ämuon.

Ätikob, das nek plu älödon in vilag at. Valans imogolons sekü kod seimik, e nu vilag at piano tifailon. Ba peideim ideidon valanis. Äfomälob obi in süts zigolöli, kels nu no älogädöns plu. Nog ye äkanob logön onis tiko. Äloegob golön obi da vilag vestigölo domi alik demü elifädölnas u funs, e demü retods belödanas büätik u nuik. Ätuvoob ye nosi belödanas vilaga at.

Prüdölo ägolom ve süts me stons pepavöls, kö tufs yeba e bimülas smalik ägekonkerons gluni, keli igividon nelaiduepo menefe. Ömna älogob kroligi u yati, kels äblebons nenmufiks, ven iküpons obi. Ba äsäkons okis, kiöpao nüdranölan at ikömom. Äbinom-li ba seividan nüteva vilagibelödanas nulik?

Äfövob dalogama-goli ed ävestigob toodis su süts. Vätälölo me rifis lutavagik e föfavütrs miotik okas, no pigebons sis lunüp. Ebo ven ävilibö vestigön glügi spelo, das ötuvoob-la gespikis tefü säks obik, noid vemik snida äsesleiton obi de fomälod oba.

Dönu äbinob in trenavab, ed äküpob, das snid läda bältilik iblinon obi ge ini atim. Jiblonan fo ob älüsmilof obi sevölo ed äsagof: „Edagetob magädi, das eninälol in drimäl.”

„Vö! so ebilos”, ägespikob.

„Eniludob osi. Suvo-li drimälol somo?” In logod ofik smilül äpubon, ed äsenob, das spikot nitedik e ba mödipromöl ösökon-la.

Vom at älabof-li kodi demü säks oka? Kisi älecedof-li obi? Ästebedof-li leigo ad setuvön seki kolköma obsik?

Äsmilülob e plu u läs as cog äsagob: „Dido semikna senob, äsva älfädob lifi obik mödadilo drimälo.”

Ye äsevob, das atos äbinon nos plu ka bätod, ed ägespikob noölo, demü kelos lebüral äflapom obi telna me staf ta bär, ikodölo doli so vemiki, das tio älu-vokädob, ab ätaetob luvokädi, bi memot äsüikon pö ob, das atos binon kösömot lesiörök pö dasum dinita löpik. Vo in Spanyän jünu nog kösömots lesiörök pakipe-dons. Posä ileadoy binön soelik obi, äsludob ad jäfikön me säkäds tatik. Etüvob, das Tsynän e Spanyän binons län ot bal, e te sekü nosev lecedoy onis tatis difik⁸. Konsälob valanes ad penön desino sui papür: „Spanyän”, e täno papenosöv: „Tsynän”. Ye äglifükon obijenot bal, kel öjenon odelo. Odelo tü düp velid pubod bisarik ojenon: tal oseidon oki sui mun. Dö atos kiemavan famik Linglänik: „Wellington” < id epenom. Koefobös! ladäl obik äfavikon, ven ifomälob plöda-kösömkis breikovi e nedulöfi muna. Jenöfo mun kösömiko ga pamekon in „Hamburg”; zuo pamekon mi. Stunob, vio Linglän no egevon nitedäli dinäde at. Tübel boatik mekom muni, e klülos, das fopan at sevom vero nosi tefü mun. Elämigom jaini tarik e bosílearaleüla; e sekü atos nu da tal lölik mismel ledredö-dik vebon, sodas mutoy fäisteigädön nudi oya. I sekü atos mun it binon glöp so breikovik, das mens leno kanons lödon us, ed us nu te nuds lifons. I demü dinäd ebo at no fägobs ad logön nudis obsik, ibä valiks binons su mun. E ven äfomälob, das tal binon stöf vetik e pö seid ökanonöv brekülön nudis obsik ad meil, fäkad vemik äglepädon obi. Ilenükölo stogis e butis, ävifagolob lü lecem tatakonsälalefa ad büdön poldanefe, dat öneleton tale ad seidön oki sui mun. Kapütülags⁹, kelanis ön mafäd gretik ikolkömob in lecem tatakonsälalefa, ädutoms lü mens vemo visediks, e ven äspikob: „O söls! osavobsöd muni, bi tal vilon seidön oki sui on!” valans ün minut ot äjutedoms ad ledunön vipi monäkanik obik. Mödikans ägrämoms love völ ad donioramenön muni, ab ün timül ot lebüral löpikün änükömom. Iküpölo omi, valans ämojutedoms. Obo as reg äblebob soelik. Ye lebüral ad süpad oba äflapom obi me staf ed ämomofom obi lü cem obik. Nämäti kion labons kösömots pöpik in Spanyän!

Yanul yela ot, pos febul ikömöl.

Jünu no kanob suemön, län kisotik binon Spanyän at. Kösmots pöpik e plütav pö kur binons vero nekomuniks. No suemob, no suemob, sio no suemob löliko nosi. Adelo ejeifoy nosöfio kapi obik, do ävökädob me näm lölik, das no vilob vedön hikleudan 10. Reto ya no fägob ad memikön, kis äjenon lä ob pö timül et, kü äprimoy ad töfö vati koldik sui kap oba. Büükumo neföro äbelifob seni so hölöfiki. Tio äreanob ini vutalienet, sodas töbido äplöpoy ad stöpädon obi. Lölöfiki no suemob siämi kösömota bisarik at. Kösmöt kio fopik ä nesiämöfik!

Nentikäl regas ut, kels jünu no finidoms oni, binon nesuemovik pö ob 11. Vätälölo mögis luveratik valik, dotob: va päfanob-la fa kvisitanef, ed etan, keli primo ilecedob lebürali, va jenöfo binom-la kvisital it. Te leno kanob suemön dini bal: lio hireg kanom-la pasufükön kvisite. Dido valikos mögon-la sekü flun Fransäna e pato hiela ,Polignac’. O! käfan kio maleditilik binom el ,Polignac’ at! Eyulom ad ludämön obi jüi dead. Ed ai dönu pöjutom obi. Too sevob, o flenädan!, →

das jenöfo binol marionät sumätöfü Linglänanef¹². Linglänans binons bolitans skilik. Valöpo trigons. Ya volanef lölük sevon, das ven Linglänanef snüfon tabaki, Fransänanef snidon.

Del 25^{id}.

Adelo kvisital äkömom in cem obik, ab ililölo stepis omik ön fagot gretik, äklänedob obi disi stul. Iloegom fabinön obi, äprimom ad lävökön. Primo ävokädom: „O ,Poprishhin!“¹³ Obo ägespikob nosi. Poso: „O ,Aksentij Ivanov!“ o titulakonsälal! o cädän!“ Obo äbleibob seilön. „O ,Ferdinand’ VIII!“¹⁴ o reg Spanyänik!“ Primo äsludikob ad lötirön plödio kapi obik, ab poso ätikob: „Nö! o flenädan! no oplöpol ad cütidön obi! Gudiko sevob oli: dönu ogifol vati koldik sui kap obik.“ Ye äküpom obi ed ämomofom disaü stul me staf. Staf maleditabik flapon vemo doliko. Too tüvot adelik bundaniko äbläfon vali obe: ereafob ad sevön, das higok alik labom Spanyäni, sevabo das topon dis plüms omik. Ye kvisital ämogolom de ob ön stad vutik, tädölo obi me pönod seimik. Ab änedomob lölöfiko vuti vanik omik, bi sevob, das bitom as cin, as stum Linglänanefa.

D34el Mla ylea. Febul 349.

Nö! no plu labob nämi ad sufodön. Godö! kioträtoy obi! Gifoy vati koldik sui kap obik! No daliloy, no logoy, no liloy obi. Kisi eblinädob-li oye? Demü kis tomoy-li obi? Kisi flagoy-li de ob: man so pidabik? Kisi kanob-li givön oye? Dalabob nosi. Dädädob, no fägob ad sufälön tomis valik de oy, obik kap lehiton, e val viron fo ob! Savolsöd obi! mosumolsöd obi! givolsöd obe kilati jevodas, kels binonsös so vifiks, äsä tepavien! Seidolöd oli! o bökan obik! tonolöd! o klokül obik! löpiojutedolsöd! o jevods! e deveigolsöd obi de voled at! Fagikumo, ai fagikumo, dat val ovedonöd nelogamovik, nelogamovik!... Ekö! sil viron fo ob; stel smalik nidülon fago; pabeivegon fot ko bims dofik e ko munafodül; fog gedablövik vebon dis futs; stin nedumiko tonon in fog; balfano binon mel, votaflano binon Litaliyän; ekö! i feilanadoms Rusänik logädons. Dom ut, kel blövon fago, bo binon-li obik? Jiutan, jikel seadof nilü fenät, bo binof-li mot obik? O motil! savolöd soni pidabik olik! leadolöd falön dreni olik sui kapil omik dolöl! logolöd, vio tomoy omi!¹⁵ pedolöd ta blöt ola nenpalani pidabik at! top nonik voleda binon-la pötöfik pro om! pöjutoy omi! — O motil! pidolöd cilili malädik olik!... Vüö! sevols-li, das el dey Laljeränik¹⁶ dis nud labom böli? ■



Aksentij Ivanovich Poprishchin.
Pänot fa „Ilja Repin“ (1882).


NOET FA TRADUTAN. Koned fa el Gogol' pepübón balidnaedo ün yel: 1835 < ko tiäd: „Papürarägs se delabuk lienetana“. Tiäd pevotükön latikumo fa lautan it. Pö tradut egebom dabükötis sököl vobotas fa el Gogol': konlet lölük lautotas, toun kilid („Moskva“, yel: 1938, dabüköp kadäma nolavik Balatama Sovyätarepublikas sogädimik), „Morots“ (üd: els „Arabeski“, el „Nolav“: dabüköp kadäma nolavik Rusänik, sököd: „Mebamals literatava“, pübäyel: 2009), el „Konots di „Peterburg““ (el „Nolav“: dabüköp kadäma nolavik Rusänik, sököd: „Mebamals literatava“, pübäyel: 1995).

Noets:

- 1 Pla finot seta at in namapenäd pos vöds: „lo valans“ pepenos: „Bi kesvist lüpik obik bo ösäkomöv, kikodo hireg Spanyänik no nog üsevädüküm oki pö kur. Vö! büüküno osötob sevädükön obi pö kur.“
- 2 In pübots mödik pla „klotem regik“ (sotül namapenädik) el „klotem netik Spanyänik“ pämänioton.
- 3 In pübots mödik pla „regamänedi“ (sotül namapenädik) päbükos: „purpuramänedi“.
- 4 In namapenäd pla set at pepenos: „Ebekötob me jim kloti lölük, bi äsötob feafomön lölöfiko oni, dat klöf lölük ösumädon göbilis härminik.“
- 5 In namapenäd set lätik äbinon lunikum, sevabo: „Pötekans penoms penedis, pas if büükumo eluimükoms linegi me vinig, bi nen atos logod löllico petegonöv me xaan.“
- 6 Lienetan egebom mulanemi ivönüdiköl: „fevruarij“ (феврварий, sevabo: febul). In tradutod pagebon mulanem tefik Volapükik evönüdiköl.
- 7 So pepenos in namapenäd. Ma pübots ettimik: „u gretädans, u soldats“.
- 8 Leig tatas tel in tikods lienetana kanon paplänön dub mäniot länas ot kojenots sümik su pads ela „Bien nolüdik“, sevabo pö nüm kildegid yela: 1834, kö pänunos dö kronam jilampöra: jimatan lampöra Tsyinäna < e dö volf krisida demü kronam jiela Isabel in Spanyän.
- 9 Pö pübots mödik pla sotül se namapenäd: „Kapütülangs“ < päbükos: „Gretädans pijeiföll“.
- 10 In namapenäd pla hikleudan is pämäniotom papal.
- 11 In namapenäd pla set at pepenos: „I no suemob nentikäli regas ut, kels jünu no moükoms oni. Dü düp lölük ätikob: „Pro kis dabinon-li?“ Ye no äkanob, leno äkanob datikön bosí, vero äbrulälikob demü niluds.“
- 12 In namapenäd pla sets anik de vöds „Dido valikos...“ jüesa el „...sumätöfü Linglänanef“ pepenos: „Jinos lü ob, das pö jenet at Fransänef tupon, e das valikos binon letrig fa hiel Talleyrand, ab snatiko sagölo, kodian klänik pö atos binon Linglänanef.“
- 13 El Poprishhin ma poyümot: „-in“ (Volapüko: -ik) binon famülanem. Famülanem at no binon-la benotonik. Stamäd: „poprishh(e)“ sinifon elis karier, jäfüd.
- 14 In namapenäd po nem rega numat Romänik votik pepladon, sevabo: II.
- 15 Namapenäd ninädon sotüli votik vödemadileda de vöds „O motil! savolöd soni ...“ jüesa el „logolöd, vio tomoy omi!“, sevabo: „O motil obik! demü kis tomoy-li obi? O jireg! (sevabo: „O Jivirgal!“, latino: „Regina“; sotüli votik lüspikota ot se namapenäd: „O kap obik kleilik!“; is el kap kanon sinifon eli cif, ab tikodayumät →

VEDOLSÖS SAPIKS MEDÜ EL AISOPOS!

Cuk e mofan oka.



Cuk semik pämonon donio su veg ve belakliv. Süpo ädageton tiketi stupik ad lonädon lüodi okik lönik. Äkanon logön leceki okik dono len bel, ed äjinos lü on, das veg brefikün äbinon-la love siem klifa nilikün. Ebo ven ävilon bunön loveo, siör oka ägleipom jutedo göbi ona ed ästeifülm ad getirön oni. Cuk fümädälik ye no äylädon, ed ätiron me näm valik oka.

„Benö!”, äsagom siör cuka, „gololöd su veg fa ol pevälöl, o nim löniälik! Oküpol ito seki.”

Me atos äleatom göbi liviki, e cuk lunulik ästuron ko kap foloveik donio ve belakliv.

Mifät tädon utanis, kels no lobedons täläkti, ab laidälons fümädäliko pö desin okas taädu konsäl flenöfik utanis, kels binons sapikums ka ons.

The Ass and His Driver

An Ass was being driven along a road leading down the mountain side, when he suddenly took it into his silly head to choose his own path. He could see his stall at the foot of the mountain, and to him the quickest way down seemed to be over the edge of the nearest cliff. Just as he was about to leap over, his master caught him by the tail and tried to pull him back, but the stubborn Ass would not yield and pulled with all his might.

“Very well,” said his master, “go your way, you willful beast, and see where it leads you.”

With that he let go, and the foolish Ass tumbled head over heels down the mountain side.

They who will not listen to reason but stubbornly go their own way against the friendly advice of those who are wiser than they, are on the road to misfortune.

KORÄKOT TEFÜ GASED PRILULA.

pad: 33, bagaf balid: **piao** ipromom ele Ralph ... → **zu** ipromob ele Ralph ...



O Volapükaflens valöpo!

In gased mula büik pemäniotos, das kanoy leigodön Volapuki lä „oldtimer” ü tood yönädk, keli käloy löfaliegeko. No plu votükoy seimosi, ab geboy oni leigo so, äsä binon. Nätükoy döfis medü pla-ädots riganatälik, plas gebön dilis löliko nulädkis. In mekavapük obsik atos sinifon, das fomoy suemodis nulik medü stamäds e ma noms dabiniöls, if atos mögon. Läxcifal: ,Brian R. Bishop’ epenom nuni tefü yegäd at, keli kanols reidön in gased atmilik. In ot mäniotom motivis anik, kodä sötoy kälön vönaolovekodi at



Vicifal: ,Daniil Morozov’ elautom yegedi dö töbids ela Schleyer ad cälodön fovani oka, e dö zan e ba igo trigs bevü lisitans mögik. In yeged at, nunis anik se el „Volapükabled zenodik” tefädo „lezenodik” pasaitons me Volapük ettimik e me Volapük nutimik, sodas kanols leigodön sotülis Volapük bofikis.

Pö pöt at vilob danön Volapükani: ,Oleg Temerov’, kel änotükom elis „Volapükablers” valik, sodas nitedäb alik kanon reidön u kopiedön onis. Resodatoped omik tefik binon „tuvaserböp” magifik. Ladet pö bevüresod binon: <http://volapuk.temerov.org/Volapükane/vol/cifapad.php>, ed els „Volapükablers” topoms pö:

<http://volapuk.temerov.org/Volapükane/vol/gaseds/Volapükabled zenodik.php>.

Delis jönik hitüpa gölik vipom reidaner valik,

Hermann Philipp

DÖ FOVANS CIFALA BALID VOLAPÜKANEFA (I).

Fa ,Daniil Morozov': vicifal.

Tapladü el Zamenhof, el Schleyer sis benoplöps balid jafota okik ästeifom ad kontrolön votikamis pülik püka okik. Ba ma sam kösömotas katulik datuval ädesinom ad vobädön plädätemi kleilik in Volapükavol ed ad bitön äs papal kol slopans oka, labölo nepölovi pö tuved säkädas valik Volapük tefölas. El Schleyer igo äcälodom fovani oka asä cifali fütürik. Ma gased tiädü ,Le Volapük' (redakan: ,August Kerckhoffs'), pö Volapükakongred di ,Paris' kadämans ettimik ätaspikons stiti cifalama ed äsludons, das te cifal balid ä datuvan Volapükä ölabom gitätis patik tefü cifam kadäma. Bo atos äbinon bal kodas ut, kels äkoedons feitön datuvali e kadämi dilekü ,Kerckhoffs'. Äsä doküms fovi k Jonüls, cifal telid Volapükanefa: ,Albert Sleumer' < no äbinom lisitan balid pro cal at. Büükumo el Schleyer iväalom balposvotiko hielis ,Rupert Kniele' e ,Karl Zetter'. Lätikan äbinom Volapükä vemo zilik. Jinos lü ob, das timakompenans mödik äglötöns kol om demü cälod fa ,Schleyer'. Samo el Jakob Sprenger no äklänedom glöti okik, ven äbepenom Jenotis tefik (saitob eli „Lifajenäd brefik cifala: ,Jakob Sprenger' " ma el „Volapükagased pro Nedänäpükans", yel: 1949, pad: 18):

„De timül balid, das älogobs odi, ,Dr. Zetter' ed ob älecedobs odi mätedianis. E nog tü soar dela ot ,Schleyer' äsagom obe, das äbinob-la ga nog tu yunik (yels 22) ad pacälön as fovan, du ,Dr. Zetter' älabom ya bälldotii stüenöfik e cali lestümabik, sodas binosöv frutikum pro Volapükamuf, if cäalom eli ,Zetter' asä fovan. Ob okanoböv mögädo pademön latikumo. Ämutob siön motivi, äsagob ye, das ön jenet at ävilob motävön sunädo, kelos nog äjenon ün soar ot.”

E fovo:

„...äkanob blöfön, das se ,Graz' sabot pidunon ta dunikam obik [sevabo tefü püb bukas fol in Volapük pilautölas]. Äloseidob ele ,Schleyer' blöfadinis, ed ämutom gidetükön obi, ab äsagom, das no äkanom nu zunükön söli: ,Zetter', ed ob binobös so gudik ad no dunidükön dini demädü Volapük! Atosi ädunob kluo plitü söli: ,Schleyer', bi ,Schleyer' äsagom, das el ,Zetter' älabom-la klieni malädülik. In pened balid okik lü ob ,Dr. Zetter' äprimom me vöds: „Ob: güm-nadaprofäsoran lampör-regik ä kardinalacäman plin-lebijopik... no leadob träitön obi fa ol as leigagredätan olik.” Atos äbinon ga bümal kleilik gretamalieneta. Edeadom latikumo kluo jenöfiko in lienetanöp. Demü def livüpa ed ad no kosikön fovo ko ,Zetter' äsäbejäfob täno Volapükamufi, ab no Volapük.”

Dido söl: ,Zetter' ämäniotom malädi seimik nevas, ven änunom, das iklemom redakami gaseda cifik ettimik Volapükanefa. Too dotob, das bälldot stüenöfik äbinon-la buäd balik ela ,Zetter'. Äbinom plödakösömiko vobiälik in Volapükadins, bevu votikos itradutom ini Volapük se Deutänapük lekonedi veitöfik oka: „Famülavindit u Taladlem in Kalabräin in yel 1783” (sevabo: „Bludavindit, ü taladrem in Kalabräin ün yel: 1783”, tiäd Deutänapükik: „Familienrache, oder: Das Erdbeben von Calabrien im Jahre 1783”), e se Linglänapük kapitis mödik lekoneda dö ventürs ela Robinson Crusoe. Ga el Sprenger otüpo äpübom penädi nonik oka in Volapük. Zuo binos nitedik, das ,Sprenger' äkazetom lieneti ela Zetter. Cedob, das äkanoyö lecedön desiri tuvemik ela Sprenger it ad vedön cifal i bümalí gretamalieneta sota semik.

In gased prilula äkanols reidönfovödi redakana dö kalad Volapükä nutimik. Dö atos läxcifal: ,Brian R. Bishop' esedob redakane nuni.

... danis patik tefü ceds kleilik ola tefü pük no pavotüköl obsik.

„Volapük binon bisarik.” Nö! Püks valik binons bisariks semo pro mens, kelas no binons motapük. Linglänapük no binon-li bisarik tefü gramat pro spikan püka fomaliegik äs Deutänapük, tefü pron pro spikan püka fonetik äs Spanyänapük?

Volapük no votikon äsä motapüks, bi no binon pük motas. Somo neai kanobs votükön latini u püki: ,Esperanto', do binons püks vemo geböfiks, vemo pageböls. Votükans labons cedis mödik no baicedölis ko ceds utanas, kels no sevons püki dibätiko sis rig ona. No valikans obaicedons. Nu labobs püki e vönik e fümik e staböfik. If mens ömik viponsmekön püki nulik, kel labon tefi ad Volapük u pük votik – benö! ab no obinon Volapük.

Nedobs gebön stämädis valik, kels komädons in pübotts, liseds e vödabuks tima ela de Jong ma gramat (ab no zesüdo malülam no-gramatik!) in ,Gramat' ela de Jong. Äsä in latin – kel binon pük e lifik e vönik – nedobs staböön nulavödis te üf atos binon löliko zesüdik. Dö latin, dokan ,Caelestis Eichenseer' kälöfiko äpenom lio e ven sötoy jafön nulavödis. Kanoy-li, sötoyli, votükön vönaoloveikodi 140-yelik?

Si! Binon äs bim e tood ets ola. Ekö vöds cifala Johann Schmidt: „Vilobs kälön püki at leigoäsä käloy Vöna-Grikänapük u vöna-saxadi”.

Ab kikodo kälön vönaoloveikodi at?

- (a) bi medü pük at kanoy tikön difiko dinis difik;
- (ä) bi ebinon pük sogeda menas e literata (sio smalik), kels digädons ad pabetikön;
- (b) bi us dabinton juit somik, keli binos fikulik ad miedetön;
- (c) jinon labön gramati komunik lölo nomotiki;
- (d) bi kodon, das betikoy kälöfiko sinifi vöda alik; e.r. ...

Glidis flenöfikün,
Brian

GALEDANADOG DEUTÄNIK, DOG DI ,DOBERMANN', E KAT EDEADONS.

In sül nu äbinons lo God, kel ävilom sevön, kisi älekredons.

Galedanadog äsagon: „Lekredob tütedi, benodräti e fiedi kol siör obik.” – „Gudö!” God äsagom. „Seadolöd detü ob!”

„O ,Dobermann! Kisi lekredol-li?” God äsäkom. El ,Dobermann' ägespikon: „Lekredob löfi, käli e jeli siöra obik.” – „Benö!” God äsagom. „Dalol seadön nedetü ob.”

Täno God älülogom kati ed äsäkom: „E kisi lekredol-li?” – E kat ägespikon: „Lekredob, das seadol su stul obik.” ■

DRIMÄLAN (FIN).

„Löliko fümol-li?“

Ekö! dönu ililob vögi et. Kiöpao äkömon-li? Älogob se fenät; äküpob fago vilagi dilo fa fog pevilupöli. Glüg e doms vilaga at ämebons obe zifili no pebelödöli, keli investigob bü brefüp – visit et piropon fa snid läda bäldeik. Ab nu ga äslipof, klu bo äkanob fövön vestigi et.

Älogob da fenät ed äleadob gekömön vilagi späkäfik et ini formälam obik, jüs mageds ota älogädikons kleiliko pro ob. Dönu äbinob su süts me stons pepavöls, lölöko soalöfiks e me mikebs pebegloföls.

„Esagob: Löliko fümol-li?“

Kiöpao vög at äkömon-li? Ba de glüg-li? Nevikiko ägolob usio ed ästopob fo yan lemaifik ona. Jiblonan isefädof-li oki is? Änugolob ini glüg ed ästebedob, jüs logäm oba ilönedikon ad dag nino. Täno prüdiko ägolob latario, kö äküpob nekleiliko magedi menik – no ämögös ad logön patis in glüg no pelitüköl. Abinos-li jiblonan? Ispikof-li of lü ob?

Ven änilikob lü latar, äkanob fino küpön kuratikumo logodi vomä. Ad süpäd oba äbinos läd bäldeik. Lio ireafof-li isio? Büä äkanob sänkön ofe, älusmilof badöfiko. Äkofof-li obi? Ätovof bradis, älogob löpio äsvo ad dabegön dugi Godik, e daror ädavedon in lut. Äsuemob utosi, kelos öjenon, ed äjutedob ge lü degolöp, du nuf ädästurom, e vom et äseatof dis failots; bisariko atos no äneleton ofi ad lusmilön

Tio ireafob sefio, ven äsenob, das ek änokon sui jot obik. Atos sunädo ägeblinon obi ini trenavab. Äbinos bilietikontrolan, kel iletiröm obi se drimälod obik. Äsumob trenabilieti obik se pok ed ädajonob oni kontrolane. Ädanom obi ed äfövom kontrolagoli okik.

Ästunob dö magäd süadüköl drimäloda obik. Ijinon lü ob vemo jenöfik – plu kas äkösömob. Älogob detio ed äküpob, das jiblonan nu ässeadof us. Retod nonik läda bäldeik ädabinon. Kis, diabö! äjenon-li is? Kis äbinon-li drimäl e kis jenöf-li? Kiöpo äbinob-li nu? In jenöf-li?

Jiblonan kluo jenöfot, läd bäldeik ye äbinof magälod. Bo äperob reigi tefü dinäds at.

Ven jiblonan äflekok kapi oka ed älogob lü ob, äsagob: „Gudos, das binol is dönu.“

Äsagof nosi, te älogetof lü ob dü timül. Klülo leno äsuemof sinifi vödas obik.

„Lindifos“, äsagob, e dönu älogob se fenät äspelölo, das ökanobös gekömön tiko ini vilag späkäfik sa kläns jänälik oka. Liedo no äjenos, do me tik mu vemo äleküpälob ad atos. Äjinos lü ob, das lölöko pedeteilob de on.

„Ag! fimob in jenöf“, ätikob. „Spelob, das atos no odulon tu lunüpo. Drimälods äbinons so mu plitöfiks. E me kis kanoböv jäfükön-li tikäli obik pläo?“

Tren älainoidülon. Ob e jiblonan äbinobs in vab ot, ye tiko äfagobs vemo de od. Drimälod oba äfagikon ai plu – nu plödü portat obik binölo –, e desir ad gegölon usio ai ävemikon. ■

Vödem balid pevotüköl.

3150*. Fovan datuvana Volapüka.

Vätälölo kuratiko dini leveütik at, me atos stetob asä **fovani oba** tefü valiks gitäts e bligs Volapükiks pos dead obik, id asä *cifali ä dilekani* kadäma söli ledinitik: **Zetter Karl**: profásoran ä kardinalacäman ä senätan... Volapükik, in „Graz“, Stirän, Lösterän, efe *demü* omiks: a) *nols* süperik Volapüka e pükas votik, e) *fied* fümik kol din gretik ä datuvan Volapüka, i) *patöfs* votik benodistik: *plag*, *zil*, *nol*, *pak*... tefü Volapük. — Binob suädk, ä spelob vemo, das no plu pomütob dü lifatim oba ad cälödon *fovani votik*. Ibä leno binos fred ad pölon tefü „flens büük“... Alo *sets* Volapükik kil bagafa: 2078, <nümeda:> 196, näma: 119 yeloda: 1890, padanüma: 515, *de vöds* kedeta kilid: „*Fovan flena*“... *jüi* vöds kedetas: 6 e 7: „*alseimik as Volapükän*“ <bleibons laidükön (in Geltung); te nu mutos pareidön us pla, Kniele R.: „söl ledinitik, *Zetter Karl*“. — *Klubi* Volapükik in „Graz“ benovipob demü cif onik ä *fovani* obik ot: *söl ledinitik*: „Zetter“.

(,Konstanz‘, datuvan Volapüka, 1894, 7^{ul}, 1.)
(,Volapükabled lezenodik“. Yel: 1894. Nüm: 164 (gustul). Pad: 693.)

Vödem balid rigädik.

3150*. Sukal datuvela vpa.

Esüenöl kurato dini leveütik ati, atoso *danemob*, aso **sukali** o b a tefü valiks gits e bligs vpk., posü deil obik, id aso *c i f a l i*, *ä d i l e k a l i* kadema: söli ledinitik **Zetter Karl**, profesani ä konsälali konsistorik, ä *s e n ä t a n i*... vpk., in Gräz, Stirän, Löstan, efe *d e m ü* omiks: a) *s è v s* bizugik vpa. e pükas votik; e) *f i è d* fümik kolü dini gretik ä datuveli vpa.; i) *l ö n ü g s* votik lesikiks: *plak*, *zil*, *nol*, *pak*... vpa. — Binob *pesuadöl*, ä spelobs fümo, das no nognà po<?>os dü lifatim oba, danemön *sukali* v o t i k . Ibo leno binos fred: *paciton* tefü „*iflens*“... Lemäniko *s è t s* vpk. kil bagafa 2'078, 196, n. 119 yelota 1'890, fn. 515, d è s vöds tonabaliena kilid: „*Sukal flena*“... *jüi* vödis tonabaliena 6, e 7. „*semkimik aso vpn.*“ bliböms *aisöladöl* (in géltunj); te nu mutos, *pa'lilädön* uso, pla, Kniele R., s. 1. *Z e t t e r Karl*. — *K l u b i* vpk. in Gräz benovipob tefü (al) *cif* omik ä *sukal* obik ät, s. 1. Zetter.

(Kz.: dat. vpa., 1894, 7, 1.)
(,Volapükabled lezenodik“. Yel: 1894. Nüm: 164 (gustul). Pad: 693.)

Vödem telid pevotüköl.

2078*. Penets.

196) **Fovan** oba tefü valiks *gitäts* e *bligs* obiks obinom *söl*: „Kniele Rupert“, sanan in „Allmendingen“ nilü „Ehingen“, Vürtän, senätan Volapüka, demü gretiks töbs, *zil*, *fräds*, *nols*, *plags* e *meritabs*... tefü Volapük, e demü kalad e stedäl voiko Jvabäniks ä Deutäniks. Ötan ogetom pötätimö *diplomi* patik fa ob. — *Fovan flena*, *Kniele* omutom *fovo* pos dead otana (ed oba) padavälön fa söls: *senätans* Volapüka, zuo <omutom binön> man laböl lifayelis nemu kildeglulis, zesüdikis *tugis*, *nolis* (pato Volapüka e pükas votik), kaladi nobälik, stedäli e stimabi ön tefs valik. Posä pudavälom, fovane alik oba omuton paflägön *notäd* lezälik mudöfik e penamik ko ninäd e siäm uts, kels oblöfonsöv, das ai fölom ed ai ofölom fiediko ä

* Nums at malons nüمام nunas.

konsienöfiko prinsipis, stabis, sludis e nomis oba e kadäma fa ob u fa fovan obik pedasevöla. — Alikan, kel no dasevon fovani u kadämi oba gitöfikis, no binon Volapükän, e no labon gitätis alseimik as Volapükän.

,K_{onstanz}> D<atuvan> V<olapükä>

197) Volapükans veratik sevonsöd e dasevonsöd te **bali kadämi** Volapükik, efe uti, keli söl datuval *egitöftikom*, sevabo kadämi *nulik*, kel balik denu ai panemonöd: „*kadem volapükä*” (sevabo: kadäm Volapükä)!

K<onstanz>

B<ür> z<änik>.

198) If söl datuval in *Jveizän* löfik ä jönik sukomöv seimüpo dönusauni nevas oka mödo ai patomölas, tän te men nenobälk kanon *glötön* kol om demü atos.

199) **Diplomis** *blacifa (vipresedana), sekretana (*penädana), *bukala (bukemana), kädana, *zälileodela (zälileodükana), *läsiedana (presidaniyufana), *klubapänala (klubapänana), *cifekopanala (cifefana) u limanas kluba seimik Volapükik, julanas e klubadünana... ogetons utans, pro kelans **cifs** teföl klubas sa *klubans* okas *ubegons* onis *datuvale*, asä *sikotis* patik. — Te *selediko* sedob diplomis at de ,Konstanz’ sekü primät lönik oba.

200) Söl: datuvan Volapükä < getom makis mil *bäldapänsiona* <a yel>, e makis mil at segivom dü yel alik as *potamon*. Me mon kinik kanom-li üfo kosididön oki, if no me mon a *literat* oka? — Kludo remoyöd e bonedoyöd **literati** söla: datuval <püliko kosidöla! —

201) If **nem** eka **no** pareidon, **leigoäsä** reidoyöv oni ma noms **Volapükik**, laban (,Besitzer’) nema at penonöd *nemi* ot (famülanemi ä pösodanemi, ü fonemi) **lölöfiko** obe so, äsä: 1^{ido}) *penoy* nemis ot in lomän oka, 2^{ido}) *pükoy* otis in lomän okik. Atos vo zesüdonöd, ven penoy obe *balidnaedo!* Liomödotikna omutob-li üfo dönüön atosi?! — Ibä sekü *neverätiks* penamamod e pron ya esufob lemödikis lezuni ä peri tima e mona. I tefü *nems zifas e vilagas...* otos ai binosöd ko löpikos papüköl!! — Too mens dabinons, laböls mödikis trögi e badöfi, ab nemödikis tikäli e gudaladäli...

202) *Löniäl* vemik süikon lä *Babülonänans...* tefü *spiked* Volapükä. Ibä semans sagons: „Menef bal, pük bal”, e votikans: „Menef e pük bal”; e nog votikans: „M. b. p. b. nen däm alik pro pük lomänik” (do spikeds ai mutons binön *brefiks!*); e nogna votikans i votiko... Ye Volapükän *legik* ä *veratik* ai laidälon pö spiked *rigädk*, *brefik* ä jönökün datuvala, e no küpälon ad mens löniälk *Babülonänik*. Güö! spiked datuvala binonös äd ai laibinonös sököl:

M e n e f e b a l , p ü k i b a l ! ,K<onstanz> B<ür> z<änik>. („Volapükabled zenodik”. Yel: 1890. Nüm: 119 (novul). Pad: 515.)

Vödem telid rigädk

2078*. Noteds

196) **Sukal** oba tefü valiks g i t s e b l i g s obik obinom söl **Kniele** Rupert, sanel in Allmendingen lä Ehingen, Vürtän, senätan vpa., demü gletiks töbs, zil, delids, sevs, plaks e melids... tefü vp., e demü kalad e stedäl lego jvabik ä deutik.

Ot ogetom *pötatimo* d i p e d i patik fa ob. — S u k a l flena K n i e l e mutom f ö v o pos deil ota (ed oba) pavälön fa söls s e n ä t a n s vpa., efe man laböl luüno lifayelis kilselul, zesüdikis t u g i s , s e v i s (pato vpa. e pükas votik), kaladi nobälk, stedäli e stimadigi lüdü flanis valik. Alike sukale obsa mutom padeflagön, fövo pos pevälon oma, zelik m a n i f ä d mudik e penädik ata ninöfa e siäma, das aitönöd ed oitönöd fiedik ä konsienik plisipis, stäbis, sludotis e lonotis obik e kadema pezepöl fa ob u fa sukals obik. — Aikel no läsevom gitomafikis sukalis u kademi oba: no binom vpn., e no labom gitis semkirimik aso vpn.

K.

D. v.

197) Vpns. velatik sevoms e läsevoms te **bali kademi** vpk., efe uti, keli s. datuval vpa e z e p o m , o. b. kademi n u l i k , kel fövo painemom baliko , k a d e m v p a .

K.

B. z.

198) If s. dat. in J v e ì z löfik ä jönik sükom alüpo denusauni neves oka mödo paitomöles: men te nenobälk demüs kanom g l ö t ö n omi.

199) **Dipedis** blacifa, sekretana (penädana), bukala, kädana, zälileodela, läsiedana, klubapänala, cifekopanala u kopanalas kluba sembal vpk., julanas e klubadünana... getoms ùts, plo kels **cifs** teföl klubas sa k l u b okas u d a b e g o m s omis de d a t u v a l , as s i k a m i (sikoti) patik. — Te s e s u m i k o sedöbs dipedis at de Konstanz l i b a v i l i k o .

200) S. datuval vpa labom makis mil b ä l e d a m o n a , e makis mil atis segivom du yel alik plo p o t a m o n . De k i s nu lifom, ifno de l i t e r a t oka? — Sikod lemonöz e bonedonöz **literati** söla **datuvela** püliko bemedika! —

201) If **nem** eka paililädom **votiko**, ka lilädon omi **vpo.: laban** (besizär) ata nema penomöz n e m i ä t (famülanemi ä pösodanemi (bionemi) **lefulnik** obes also, äso: 1) p e n o n nemis öt in lom oka; 2) p ü k o n otis in lom ok’ik. Atos zesüdos leo, if penon obse b a l i d n o ! Nogo kimidno mutobs osagöön atosi?! — Ibo sukü d ö b i k s penam e lilädam ya elaböbs lemödikis lezuni ä böldü tima e mona. I tefü n e m s z i f a s e p a g a s ... ötos binosöz atoso paisagöl!! — Abu mens sibinoms, laböl mödikis nedüti e badugi, ab nemödikis kapäli e ladi...

202) V ü l gletik jonomok lä b a b ü l o n a n s ... tefü v ä l a p ü k e d vpa. Ibo balans sagoms: „Menad bal, pük bal“, e votikans: „Menad e pük bal”; e denu votikans: „M. b. p. b. nen däm alik plo pük lomik“ (abu välapükeds aimutoms binön b l e f i k !); e nogna votikans denu votiko... Ye vpn. l e g i k ä v e l a t i k ailibibom lä välapüked r i g ä d i k , b l e f i k ä jönökün datuvela, e no lilom vülamenis b a b ü l o n i k . Abu välapüked datuvela binom äd ailibibom:

M e n a d e b a l p ü k i b a l !

K.

B. z.

(„Volapükabled zenodik”. Yel: 1890. Nüm: 119 (novul). Pad: 515.)



Fövet ofovon.

VEDOLSÖS SAPIKS MEDÜ EL AISOPOS!

Hobubs e vabaluibs.

Pär hobubas ätiron veigömi vemo pefledöli ve länädasüt slämik. Ämutons gebön nämädi lölük okas ad müfon veigömi, ye no äplonons.

Vabaluibs veigöma älabons kaladi votik. Do blig, keli ämutons duinön, äbinon mödo fasilikum ka ut hobubas, äknirons ed ähagons pö tul alik. Hobubs pidabik, kels ätirons föfio vabi da släm dibik me nämäd valik okas, ämutons lilön plonis laodik luibas. Ed atos – äsä bo sevols – nog plu äfikulükön ones ad sufädön vobi onas

„Stilö!”, hobubs fino ärorons nesufädiko. „Dö kis plonols-li so laodiko? Obs tirobs löliki fledi vetik – no ols –, ab too blebobs stiliks tefü atos.”

Utans plonons vemiküno, kels sufons nemödiküno.

The Oxen and the Wheels

A pair of Oxen were drawing a heavily loaded wagon along a miry country road. They had to use all their strength to pull the wagon, but they did not complain.

The Wheels of the wagon were of a different sort. Though the task they had to do was very light compared with that of the Oxen, they creaked and groaned at every turn. The poor Oxen, pulling with all their might to draw the wagon through the deep mud, had their ears filled with the loud complaining of the Wheels. And this, you may well know, made their work so much the harder to endure.

“Silence!” the Oxen cried at last, out of patience. “What have you Wheels to complain about so loudly? We are drawing all the weight, not you, and we are keeping still about it besides.”

They complain most who suffer least.

Koräkots tefü gased yunulik yela: 2019:

pad: 43, set läistik: Nums at malons nümam  nunas → Nums at malons nümami nunas;

pad: 48: KORÄKOT TEFÜ GASED **PRILULA**. → KORÄKOT TEFÜ GASED **MAYULA**.



YELOD TELDEGZÜLID NÜM: 7 2019 YULUL PADS: 49 jü 56.

Glidis Volapükaflenes valöpo!

In gased yunulik läxcifal: ,Brian R. Bishop’ änotodom cedi okik – as gespik ad fonun gaseda mayulik –, das Volapük leno binon bisarik, bi „püks valik binons bisariks”. Ön tef at fümo gidetom, e ba sötoy gebön vödi: „nekösömk” pla eli „bisarik”. Lönäds tel binons pato küpidiks in Volapük, sevabo, das stämäds nemirik valik [1] mutons primön e finön me konsonat e [2] no dalons finön me sijidatonat (c, j, s, x, z). Noms sevärik at no komädons in natapüks*. As sek atosa tio nemögös ad lönedükön vödis bevünétik nen mitul plu u läs vemik. Pro elans di ,Esperanto’ ud ,Ido’ binos vemo kovenik: balugiko pladons vokati: „o” leni fin stämäda (ömna pla vokat votik e plä pülik vökükams fotografik): ,la aüto’ pla el „tood” obsik, u ,progreso’ pla „proged”. Sevobs atosi e blebükobs osi soiki, bi voto no plu binonöv Volapük.

* Noms at mebons obe mekavapükis tel. Balid otas binon ,Vorlin’ (Rick Harrison, 1991), kel nu äreafon ini glömäd. ,Vorlin’ ye no labon nomi tefü sijidatonats. Logolsös eli <https://conlang.fandom.com/wiki/Vorlin>.

Telid binon ,Langue bleue’ – „pük bluvik” – (Léon Bollak, 1899): https://en.wikipedia.org/wiki/Bolak_language.



Ab nu hitüp ekömon lü lafataglöp nolüdik, e bo reidans mödikün nitedälöns dö dins löliko votiks, samo dö utos, kel pa-sümbolon fa magod nedetik.

Kludo reidanes hitüpavakenis jönik e juitikis vipom cífal e redakan:



DÖ FOVANS CIFALA BALID VOLAPÜKANEFA (FIN).

Fa ,Daniil Morozov': vicifal.

Vödem kilid pevotüköl Volapükanes valik!

Nüm at binon *läтик*, keli redakan jünuik pübom. Saunastad oma emüton omi ad begön bäldepänsioni tefü cal oma, e pato fib logama e nevas emütoms id omi ad gegivön monsinyore ledinitik: *datuval* < redakami, e pübi gaseda at. *Nüm balidfovik* opubon kludo ün yanul ela 1907 in ,*Konstanz*'. Bonedans valik palevidöns kludo ad potön bonedasuämi, yegedis, penetis, nunodis, e r<eti>, ladetü *monsinyor ledinitik*: ,*Schleyer Joh. Martin*', ,*Konstanz*' len ,*Bodensee*', *Badän*, ,*Schottenstraße*': 37. Pabegons leigüpo, das **leno** sedonsös somikosi redakanefe u guvanefe jünuikes, *pläämü bonedasuäm nog pelabik* pro yel u yels (igo!!) läтик(s). Guvanef e redakanef dabinons nu in ,*Konstanz*'. Redakan jünuik i notodom Volapükanes valik, flenes fiedik gaseda, kels enüsedons jünu yegedis, e Volapükanes valik, kels ai epelons bonedasuämi, dani ladöfikün e begom ones, das kipedonsös i füttöö kol söl ledinitik: *datuval* < e Volapük löfidigädik lanäli e fiedi okas.

Söl: datuval e Volapük löfik lifonsös! Ko fied laidüpik kol mastal! Adyö!
,GRAZ', dekul ela 1906.

,Karl Zetter':
redakan.

(,Volapükabled lezenodik". Yel: 1906. Dekul. Pad: 1285)

Vödem kilid rigädik Volapükanes valik!

Nüm at binom l ä t i k , keli redakel jünuik pübom. Saunastad oma emütom omi begön bälemonami tefü cal oma e pato fib logas e nevas emütoms id omi gegivön m<on>s<inyora>le. led<initik>. *datuval* redakami, e pübami gaseda at. On üm opubom sikodo in balul 1907 in Konstanz. Bonedels valik pasuflagoms sikodo potön bonedasuämi, laltügis, notedis, nunodis e. l. ladetü M s l . 1 e d . Schleyer Joh. Martin, Konstanz len Bodanlak, Badän, Schottenstraße 37. Pabegoms togo, das **leno** sedomsös somikosi ali redakef u govef jünuik, sesumü bonedasuäm nog debik plo yel u yels (sägo!!) läтик(s). Govef e redakef sibinoms nu in Konstanz. Redakel jünuik sepükom togo vpanes valik, flenes fiedik gaseda, kels eninsedoms jünu laltügis, e vpanes valik, kels eipeloms bonedasuämi, dani gudikün e begom omis, das konsefomsös i füdo sölle led. *datuval* e volapükë pöörlöföl betikälami e fiedi okas.

Söl datuval e vp löfik lifomsös! Aifiedü masal! Lädyulö!

GRAZ, balsetelul 1906.

Karl Zetter,
redakel.

(Volapükabled lezenodik. Yel: 1906. Dekul. Pad: 1285) ■

BAKÖPAHIPULS DE ,ANDERNACH'.

Se *Volapükagased pro Nedänapükans*, yel: 1937, pad:23.

Dö zilif: ,Andernach' in Rinän, kö ün tumyels yönäidik äkomipoy suvo, konotil sököl dabinon:


Ven krig ädabinon dönu, e neflen iniliköön lä zifil, äsludoy ad tutataköön lödanis ün göl göda balidfovikk. E töbo gödaprime ikömon, e trups neflenik ägrämons ed äkripädöns ta klivs skapik bela ad rivön mönis zifila. E lebüden trupas klüliko änitudom, das elans di ,Andernach' nog äbinons in takäd lölöfik.

Ab hipuls baköpas äbinoms ya vemo göliko se bed, ed äbakoms ziliko bodi, keli äseablinoms aldeliko menes pro janed. E süpiko balan hipulas, kel ävobom in baköp, älogom da bal fenätas rovik plödio ad logön, va övedos stom gudik. Ba ävilom i loegön sülöpikön soli, ab alo no älogom te solastralis balid, ab äküpom i in lulit numi magedas foginik, kels älöpiokripons ve belaklivs.

Ün timül ot äsuemom, das äbinons neflen, e sunädo änunedom kompenanis oka. Balan omas ärönöm sunädo lü tüm, ed ätoenom sunädo tepakloki, sodas ya vemo spido lödans valik äbinons galiks, ed ägleipons vafis oksik, du num baköpahipulas votik ägoloms lü möns, ed älepladoms okis us ad taedön nefleni änilikööl. Ab no älaboms sunädo vafis lä oks; kisi ämutoms-li dunön? E süpiko tikod gudik äsüikon pö oms. Sevabo valöpo bienabäsets ädabinons. E nu äbinos vob brefüpila ad jedön donio bäsétis at. Soldats ömik ägetoms bäsétis sui kaps oksik, sodas äperoms stütädis oksik, ed ämoslifoms ini dib; ed ad vemükön nog mifati biens ivutikööl äprimons ad ste-gülön soldatis valatopo, kö atos ämögon.

Äluvokädölo sekü dol soldats neflenik ämorönoms pos atos.

Nefleni somik no äkanoms taedön, e baköpahipuls, kels dub kom okas isavoms zifi: ,Andernach' de päridikam, ägetoms mesedi de sifal, du heroeda-dun omsik pänücidon sui ston in tüm. ■



Mebamal tö ,Andernach'
tefü baköpahipuls.

Nos patik äjenon ün dels fovik, e vestig oba no äprogedon. Ädrinob kafi, äküpälob ad seimos miniludik, äperob gasedi oba, älogob, das i votans äbetifons. Ätefos te dinis smalik, neveütik. Alutan, kel äbinom tifan at, no änitedälom dö dins jerik. Ma utos, kelosi ililob, äbinom jäfedik valöpo in selidöps e staudöps trenastajona, ye äplöpom ad no pafanäbükön fa poldanef.

Ün del kilid tikod äsüikon pö ob. Ökanob penön bosí tifane et su diled papüra e pladön oni vü pads gaseda obik. Ba pökupon e pöreidon. Mögiko atos ösüükon-la pubeti seimik.

Klu äpenob peneti brefik: „*No sevob, kin binol e kikodo dunol atosi, stopedolöd ye ad betifön obis, begö! Mu taobs ta atos.*”

Äslürfob kafi, e leno päsüpädob, ven delagased oba änepubon. Atna ga äfredob dö atos. Kis öjenon-li odelo? Tifan ötvuvom-li peneti obik, öreidömlí oni, ed ögeädön-li ad on ön mod seimik?

Ün del fovik äblümob – sa kaf e gased obiks. Ön mod kösömk gased änepubon to küpäl obik laidälik, ab pla on bos votik äseaton su tab. Kludo dunäd oba iplöpon. Lä kafabovül obik äbinon papürabled fronülik pepliföl. Äsäplifob oni ed älogob vödemi pepenülöl me penät töbo reidovik. Pas pos timil anik iletuvob oni:

„*No tupolöd obi! No baiädob ko utos, keli cedol dö ob. Sumob te utosi, keli neodobs e keli ols kanols nelabön. Spelob, das kanol suemön atosi.*”

Älöseidob ed äreidob nuni dönu. Fino äseivob bosí. Ikosükob obi ko man. If öbejäfob osi verätko, ökanoböv-la primön spodi e datuvülön kläni tifana nelogädik at – ud okbepenami omik.

Dönu äreidob nuni at, bi ävilib tüvön modi ad fövön spodi.

„*No baiädob ko utos, keli cedol dö ob*”, ipenom. Lio äkanom-li sevön utosi, keli äcedob? Ävilom-li notodön, das no binom tifan? „*Sumob te utosi, keli neodobs*” iplänom. Kin üfo ätefon-li eli „obs”? Röletanis-li omik? Ud ävobom-li komitü votan? Äpladulom-li grupi u mufi? E kim äbinom-li, das äkanom ciòdön utosi, keli ökanobs nelabön? Plas lofön gespikis, nun at äsüükon sakis zuik. Too äsenob, das fino öprogedob.

Bo sötob nogna sedön ome peneti. Alo ökanob spetön gespiki. Atos ba öbinonöv prim spoda.

Fövot ofovon.

DIS HORIT SIENOVA (1).

Tiad rigik: ,Under the Radar’ fa lautan Belgänik: ,Frank Roger’, ini Volapük petradutöl fa: ,Hermann Philipps’.

Äjenos in kafibötöp Litaliyänik trenastajona. Plidob oni, bi no binon tu menagik, kaf ona süperon, e binon top gudik ad küpedön voba- e teda-tävanis, vio spidons lü büsids dranik okas. Löfob ad logön atosi. Us i reidob delagasedi, keli remob lä kiosk züi gul. Sis pänzionam obik golob usio tio aldelo, klu äsevob ze gudiko eli Giancarlo: bötni.

Ün del ebo at iremob delagasedi, igolob ini kafibötöp, ibonedob eli „cappuccino” kösömk oba, iseidob oki lä fenät ed iprimob ad reidön, ven älielob vomi plonön, das jokoladakekil ofa inepubon.

„Kekil äseaton ebo is nilü kafabovül oba”, äsagof, „e nu moon.” Älülogof kusadölo eli ,Giancarlo’, kel ämufom namis ön mod säkusadöl, sagölo, das no äsuemom atosi ed no äkanom yufön ofi. Vom vifo äfidrinof kafi oka, e zuniko ämogolof.

Ven ävilib fövön reidi, äkonstatob ad süpäd obik, das leigo delagased inepubon. Dü timüls anik te älogetob. Ävestigob, va ba äfalon-la glunio. Gased ye ämoon.

„O ,Giancarlo’! gased obik ämoikon”, äsagob. „Leigo äsä kekil voma et. Diabö!, kis üfo jenon-li is?”

Bötan äkömom lü tab obik ed äsagom: „Bisarö! Ya pluna atos äjenon. Äküpoy, das dins anik süpo moon. Atos binon bisarik. No äloegob seimani nükömön e gleipön gasedi ola tabi olik beigolölo. Ols äseadols is, e täno ...” No älaispikom ed äjestom nefümiko.

„Gidetol”, äsagob. „id ob äloegob neki nükömön e gleipön kekili et e gasedi obik. Ab yegs no nepubons ön mod somik. Plän muton dabinön.”

El Giancarlo äsiom kapo. „Baicedob, ab pläni no tuvob.”

Äfidrinob kafi ed ämogolob. Lä kiosk äremob gasedi nulik ed äsludob ad reidön oni lomo. Äcedob, das us gased bo no önepubon klänöfiko. E so äbinos. Del retik äjenädon nen pats.

Tü del fovik äremob gasedi, ägolob lü kafibötöp ela Giancarlo, äbone-dob eli „cappuccino” kösömk, ed äsäkob, va val änomädon.

Älülogob obi dodiko ed änoom kapo: „Liedo nö! Spikoy dö smalatifs pö notidakvisinöps in züamöp at. Kludo küpälolös tefü dins pösodik ola!”

„Enunoy-li osi polde?”

Äsiom kapo. „Sagons, das bejäfons osi. Spelob, das ofanons tifani pö midunotidun. Atos jünu ye no nog eplöpon.”

„Ba jäpan et plu prüdom-li, nü poldanef sukon omi?”

„Bedotob osi. Ya elabob säkädis adelo me tifs somik. Jäpan at binom lekäfik, bi no elogob omi. Lio plöpom-li ad dunön atosi?”

Äseadob, äslürfob kafi, ed äzilogob. Mens anik ävobons me vüma-nünöms u telefonöms polovik okas, man bältilik äreidom pokabuki. Val älogoton kösömiko. Pos minutus anik ägleipob gasedi obik ed äprimob ad reidön. Too äküpälob ad noid nekösömik seimik, ed älölogob ai dönü ad küpön osi, üf bos miniludik äjenon-la.

E jenöfo bos äjenon. Bältilan äplonom, das buk okik inepubon, du ädalogram telefonömi polavik oka; de votane ‚croissant’ imoikon. Äfümob ye, das nek ininikom ini kafibötöp, igolom bei tabs ed imosumom dinis, kelis ädesirom. Äkonstatob, das dins te nejeriks pätfons. Nek iperon telefonömi polovik u vümanünömi oka. Alutan, kel imosumom dinis et, vo no äbinom tifan kösömik.

Älülogob, vio el Giancarlo ästeifülon ad bemastikön dinädi at ed ad takedükön bältilani, kel pianiko ävedom nesufädik. Süpo äküpob, das delagased obik ämoon. Go no äkanob kredön, das ek ikömom lü tab obik – no pelogölo –, ed ämosumom gasedi fo logs oba.

Äbinos-li späk, kel äkonleton vali, kel äpliton oni? U nelogädikan-li? U pu ek-li, kel äsevom, vio bleboy löliko neküpädik? No äkredob späkis e nog läs nelogädikanis, ab lio äkanoy-li plänön tifis at?

Äspikob lü ,Giancarlo’ dö gased oba ed äsäkob: „Daküpedakäms binons-li is?”

Äsiom kapo. „Si! käms binons valöpo is, ab no in kafibötöp obik. Niludob, das pold ya ätikon dö atos. Klülos ye, das sumods no äfrutons onis.”

„Mutobs datuvülön dinädi at”, äsagob.

„Vipob ole plöpi”, el Giancarlo ägespikom.

Fe no äsevob, lio ökanob vobädön atosi.

Tü del fiovik ivätälob ad golön votaseimio ad drinön kafi e reidön dela-gasedi, ab täno äsludob ad golön lü ,Giancarlo’ to riskod ad pabetifön. Ömutob binön us, if ävilob datuvülön verati dö tifan klanöfik et.

Kludo äfölob kösömi obik: remön gasedi, bonedön eli ‚cappuccino’, zilogön kafibötöpi.

Jiyunans anik äbejäfofs telefonömis mödigebovik oksik, man äreidob gasedi. Dog oma nilo äfnülon göbi okik ta stulalögäd, kelos äprodon toni bisarik ritmutik.

„Adelo säkäds seimik edabinons-li?” äsäkob, ven ,Giancarlo’ äblinom kafi.

„Jünu val enomädon”, ägespikom.

Äzilogob e vemo äküpälob. Äseitob nami sui gased, dat nek ökanon mosumön nenkürido oni. Säkäd mu patik äbinon, das no äsevob, ad kis ämutob küpälön. Lio kanoy-li logön eki nelogädik?

Ebo ifidrinob kafi obik ed ävilob reidön gasedi, ven äloegob löbunön dogi, kel äprimon ad vaulön.

„Takedö! o pul!”, dalaban doga äsagom flapilölo bäki ona. Dog ye älaivaulon äl ek nelogädik. Bos bo ifäkädükon oni, do no ilogob seimosi u seimani. Älibob is nog dü timil, täno ye äsludob ad lüvön topi at. Äpelob pro kaf ed äsäkob ele Giancarlo: „Jenots nonik adelo-li? Nos petifon-li?”

„Nö!”, ägespikom. „Spelob, das oblebos soik.”

„Fredob, das ai nog labob gasedi obik”, äsagob. „Ab dog et äbiton klatiko.”

„Ön mod kinik-li?”

„Äbinos-li üfo fädik, das nos pätfon adelo, du man ko dog äbinon is?”

,Giancarlo’ älülogom obi säkölo. „Kikodo cedol-li atosi?”

„No eloegol-li löikön e vaulön dogi tü tim semik?”

„Si! kludo kis-li?”

„Ba dog iküpon bosi, keli obs no äküpobs.”

„Ö!” äsagom siölo kapo. „Dogs lilons gudikumo ka obs. Bo gidetol.”

„Dogs i smeilons gudikumo ka obs. Ba äilon ud äsmeilom bosi ud eki, keli no äküpobs. Täno dog äprimon ad vaulön, e tifan nelogädik äsludom ad nepübön ed ad golön votaseimio.”

„Binos teor nitedik”, äbaicedom. „Ab blöfastab at binon boso pülik.”

„Vö! ab pu nu labob bosi, kel oyufon obi pö vestig.”

„Läbö! sevükolös obi dö atos, keli otuvol!”

VEDOLSÖS SAPIKS MEDÜ EL AISOPOS!

Leon e mug.

Leon äseatom slipölo in fot me kap gretik oka su kluvs. Mugil dredilik äkolkömon süpo omi, e demü dred e spidiäl ad skeapön, ärönon love nud leona. Pegalükölo leon äseitom kluvi gretik zuno sui jafäbil ad deidön oni.


„Spalolös obi!” jimugil pidabik äbegof. „Gevolös libi, begö! Seimikna fümö oblafob osi ole.” Leon äyofom vemo oki pö tikod, das mugil föro ökanon yufön omi. Ab nobaladäliko ägevom fino libi jimuge.

Pos dels anik, du äpöjutom kripädölo fanoti in fot, leon äreafom ini mails filäta yagana. No äkanom libükön oki, ed ärorom zuniko, sodas päliloy osi

valöpo in fot. Äsevölo vögi, jimug suno ätuvo leoni, kel letöbidom in filät. Ärönof lü bal lefadas, kels ädakipons Leoni; ätuetof len lefad, jü äsleaton, e suno leon älivon.

„Äsmilol, ven ipromob, das öblafob oli”, jimug äsagof. „Nu elogol, das igo mug kanon yufön leoni.”

*Plitod neföro binon
nenfrutik.*



The Lion and the Mouse

A Lion lay asleep in the forest, his great head resting on his paws. A timid little Mouse came upon him unexpectedly, and in her fright and haste to get away, ran across the Lion's nose. Roused from his nap, the Lion laid his huge paw angrily on the tiny creature to kill her.

"Spare me!" begged the poor Mouse. "Please let me go and some day I will surely repay you."

The Lion was much amused to think that a Mouse could ever help him. But he was generous and finally let the Mouse go.

Some days later, while stalking his prey in the forest, the Lion was caught in the toils of a hunter's net. Unable to free himself, he filled the forest with his angry roaring. The Mouse knew the voice and quickly found the Lion struggling in the net. Running to one of the great ropes that bound him, she gnawed it until it parted, and soon the Lion was free.

"You laughed when I said I would repay you," said the Mouse. "Now you see that even a Mouse can help a Lion."

A kindness is never wasted.



Glidis Volapükaflenes valöpo!

Enu, ven ätradutob konotili (dili lätit kela kanols reidön in gased ebo at) fa hiel Frank Roger dö man nelogädk, säkad äsükon dö mod ad notodön Volapükö seti Linglänapükik: ,Communication lines were down forever’.

Demü tikodayümät löpo pemäniötöl vöd at sinifon: „Cän tikodas, nunas, u somikas medü spik, malets, jästs u penam” (ma ,Webster's').

Jenöfo vöd kuratik eli ,communication' siniföl no dabinon in Volapük. Plao labobs vödi: **kosäd**, kel labon sinifis valemkum, efe Deutänapükö: ,Umgang, Verkehr, das Umgehen, das Verkehren', kelosi hiel Ralph Midgley ätradutom verätko as ,*aquaintance, association, communication, company, social intercourse*'. Vöds Deutäna- e Linglänapükiks at tefons eki u bosi, kel kanon gespikön. In vödabuks calöfik tuvobs vödedis sököl: *kosädamedöm**, *kosädanef*, *kosädapük kosädfik*, *kosädon (nel.)*, *kosädom, benokosäd, monakosäd*. **Stopö!** monakosäd-li? (Volapükagased, yelod: 3, pad: 6).

Deutäna- e Nedänapükö, vöd: ,Verkehr/verkeer' labon sinifi nog telidi, efe Linglänapükö ,traffic, transport' äsä in ,*öffentlicher Nahverkehr / (public) local transport*'.

In Volapük i vöd: *dakosäd* < dabinon, kel voiko malon mufis toodas, saikulas, trenas, flitomas, nafas e somiks. Logolsös vödis calöfik: *dakosädlitöm, ~poldan, ~stob, nafamadakosäd*'. Vöd at leigo labon sinifi telid, sevabo Linglänapükö ,*doings and dealings*', äsä in „*ted e dakosäd, maketa-dakosäd, potadakosäd*”.

Jinos, das mastans ettimik boso pemükons sinifis at. As sam tuvobs in Volapükagased yeloda: 21, pad:12 < vödi: *dakosädapük pla kosädapük*.

Alo egebob notodoti: „*Yümetam kosäda no plu ädabinon laidio*”.

Hitüpadelis jönik valanes vipom

* El ,de Jong' ätradutom ati dobiko as: ,Verkehrsmittel'
(= vegöm) pla ,Kommunikationsmittel'.

HPL-Lipps

VOLAPÜKAN BALID ELA EKATERINBURG... SE FRANSÄN.

Fa ,Shido Morozof': vicifal.

Enu eprimob ad spodön ko hiel Anatolij Sidorov: jenavan ela „Esperanto“ (äbegom ad nunön oke notetis anik Volapiüki tefölis), danädü kelan eseivob, das netabukem Rusänik (in el Sankt-Peterburg; lepals e dalepals obiks inemons oni publögabukemi, ab cifodans attimik Rusänik äsludons ad ceinön nemi at ko seväd teltumyelik) labon lisedi Volapiükanas lampöräna Rusänik (pämod at pepübon medü segivots tel, sevabo ün yels: 1887 e 1888). Spordan nolaliegik igo äsedom obe kopiedi (sotüli ito pidepenöli nen vödem leigätik Volapükik) lebuka et. Poso äbonedob bukeme sotüli fomü magods rigik pidigitüköli pämoda pemäniötöl, ed äüpübob bevüresodo dokümi tefik leáktronik, fa ob boso pibevoböli (samo pö ragiv ela ,Yahoo!“ [1].

Pö vestig liseda et ekuipob, das Volapükkan bal älödom in zif ot, äsä ob, sevabo in ‚Ekaterinburg’. Jenöfot at vemo enitedälükön obi, bi nutimo el Ekaterinburg i labon slopanis Volapüka. Is plä ob nog hiel Oleg Temerov lödom: Volapükkan zilik, kelan ämekom bevüresodatopi vemo frutiki labü maters valasotik dö pük obsik [2], äpreparom vödabuki e tidamedömis votik pro Rusänapükans Volapüki lärnöls, ed änotükom dü yels anik vigagasedi Volapükik. Desir ad seividön mödikumosi dö büan obsik in ‚Ekaterinburg’ esüikon pö ob. Fonät ot tumyela degzülid enunon dö om sökölosi: hiel ‚Grandchamp’ (Rusänapüko: ‚Granshan’), ‚Alexander’ (Rusänapüko: ‚Aleksandr’): tidan in el Ekaterinburg. Luverätiküno otani tefon penet somik de tataragiv jenavik Rusänik [3]. Pemotöl tü del deglulid prilula yela: 1853. Äcalom as tidan Fransänapüka pö realajul di ‚Aleksej’ in el Ekaterinburg (jul so pinemon stimü leplin: ‚Aleksej Aleksandrovich’) ün yel: 1887.”

Läbo etuvob yegedi jenavana: „Vladimir Mikitjuk’ tiädü „Kariers e fäts esetevöläns se Fransän in provin di ,Perm’ de laf telid tumyela degzülid jüesa prim tumyela teldegid” (se gased nolavik: „Nunian jenavik Lur-länik”, yel: 2016, nüm: 3 (ü: 52), pads: de 112 jüesa 121). Ma penäd at nunob lifanotetis anik tefü Volapükän bo balid ela Ekaterinburg.

Hiel Aleksandr Viktorovich Pinel'-de-Granshan (pimotöl tü 1853, VI^{ul}, 30; liedo notets fonätas difik dö dät fümik moteda no baibinons tefü od) ävedom balan tidanas ela Ekaterinburg ün yel: 1882. Älifädom cilüpi e yunüpi oka in Fransän, kö äfiduinom juli privatik in el Orléans. Finü degyel miljöltumveldegid äfealotädom lü Rusän.

Algödo ai nog drinob eli Cappuccino pö kafibötöp di ‚Giancarlo‘, e reidob gasedi obik. Ai nog lielob plonön pösodis, ven yegs klänöfiko inepubons. Pold jinon äklemön dinädi at. To töbidam obik, neai äplöpob ad tüvön tifani klänöfik, do äsevob – pu teoro –, vio äplagom febädi okik. Semikna äcedob, das ilogom magedi lunidöl, bosi vefafomik da logama-veitot obik muföli, tupi pülik. Neföro ye äfümob; ba te imagälob osi. Ömna äloegob vaulön dogi dunetäba kos nek. Täno äluxamob kuratikumo topi, bi äsüadob, das man et äkomom, Ai ye leno äkanob logön retodi pülikün koma omik.

Ba äbinom nenlödan u vimäd nata, hikel ästeifom ad lovelifädön deli balatik alik. Äbinom-li soelik? Ätifom-li i benü flenädans u röletans oka? Ibuükom ad beseilön atosi; neföro öseivob osi.

No äkanob suemön, vio ek äfagom ad vöpladön oki ini pödaglun so skiliko, das tio änelogädom. Äbinos bisarik ad sevön, das semikna man at vemo änilom lä ob, nendas äküpob omi. Dido änendöfükom skili okik. Tü dels anik delagased obik änepubon, kösömiko ye pas, posä ifireidon oni. Bo äbinom tifan demafulik.

Seimna ädagetob tiketi ad pladön peneti vü pads gaseda obik, spelölo ad fövön spodi obsik, ab no ädagetob gespiki. Benö! soti gespika ädagetob: Ün del fovik pen obik petifon se jakätapok, ebo dis logs oba. Fümo äbinos mod oma ad sagön obe, das ösötob klemön penetis zuik. Yümetam kosäda no plu ädabinon laidio.

Alna ye, elielölo vaulön dogi, lölogob, e spelob ad logön bosi mana nelogädik, spetölo, das glömom prüdi oka dü sekun bal, do binos neluveratik.

Jünu atos no äjenon. ■

Pö reid gaseda yulula, vicifal: ,Daniil Morozov' eküpom pökis sököl:

„Binob ebo is”, ägeom. Älogob lü leod vöga, ed äkredülob ad elogön mufi. Äkanob küpon magedinofümik: difüllis geda, fomi in lulit fikuliko sevädoviki, nofümiki e lunidöli len siems.

„Cedob, das logob oli, pu plu u läs”, äsagob. Töbo logädol.”

Man äsmilom nelaodiko: „Ologol gudikumo obi bo neföro”, äsagom.

„Lio dunol-li atosi – e kikodo?” äsäkob.

Pülatimilo äseilom, täno äfovom: „Äbinob hipul plafik, kel älönedom neseimo. Äsludob ad blebön neküpidik e ad fölon vegami oba lönik. Ai äsenob, das nek äküpon obi. Äplöpob ad ceinön fibi at ad näm.”

„Etuvol-li modi ad nelogädikön?”

„No nelogädob, ye no logoy obi. Vüpladob obi pödaglunio. Frutidob guliita nükömöl, klots obik labons kölis pötik, neai bleibob stanön, neai mubob vifiko, ai golob kobü menaflum, sleafob vü slitods, e beigolob nenkürido. Äflagos timi mödik ad nendöfükön skili at.”

„Ab kikodo töbidol-li so vemiko?” Älaidälob ad säkön, nes mäniotilön doti obik dö plän oma.

„Somo kosididob obi”, äsagom. „Ön mod votik no kanob lifön. In lulit lödob, e sumob utosi, keli neodob, ab kriman no binob. Gleipob bämäis, toedilis e jokoladis lafo pefidölis, drinedis lafo pedrinölis, dinis fa nek jenöfo peneodölis, bukis e gasedis, dat getob bosi ad reidön. Mödikosi no kanob sagön ole.”

„Blibolös nog boso! Säk bal lätik: Kisi cedol-li dö dogs?”

Man äsmilom neladoiko, dredälabiko. „Dogs leigo no logons obi, ab smeilons obi. Atos bluvükön onis. Hetob nimis et. Ed ons hetons obi. Nu mutob moikön. Labol gespikis pevipöl. No glömolöd balädi obsik! Kolköm at no ejenon!”

„Dönuologö!” äsagob, e tio no äküpob nepötöfi vödeda at.

„Neluveratö!” ägespikom, e maged nofümik änepubon. Imogolom-li? U balugiko imufom se portat logama? Ästebob dü minuts anik, ab ädagikos, ed äbinos nenfrutik ad blibön us. Kisi äsötob-li cedön dö utos, kelosi man at isagom obe? Balflano atos itonon asä nesiäm dastunüköl, votaflano ye äplänon vali, keli ibelifob.

Äsludob ad küpälön ad man at, nü äsevob dunädi omai. Öküpälob dö pats pülikün, dö val, kel ösäkläänädon-la eki, kel vero ävilon blibön dis horit sienova.

Tü gustula del 31^{id} yela: 1878 < äcalükoy omi asä tidölan nelaidüpik Fransänapüka pö gümnad di „Novocherkassk”. Latikumo mö yels tel ,de Granshan’ äsetevom lü zif: „Vol’sk”, kö ätidom pö donagümnad e realajul.

Neplid demü kosid nesaïdik äkoedon tuvön eli de Granshan vobapladi gudikum. So sis yel: 1882, setula del 23^{id} ädunodom as tidan pö realajul eli Ekaterinburg. Ye dü lunüp no ävedükoy omi kevobani laidacalik, sodas äcalom as tidolan ma vobükam lelivik. Klülo stad somik änepliton eli Aleksandr Viktorovich. Äbinom man desinodiälik, klu in Luralän äprimom ad nitedälön dö goldinijafäd e dunamods tefik. Ün yel: 1884 < äbenoplöpom pö beg ad leadön guvön omi goldineraglunis in glunidalabots di „Berjozovskaja” e di „Kamenskaja” (provin di „Perm”). Tü 1885, dekul, 31 äleadoy guvön omi goldinameinädi di „Rafael”, lü glunidalabot: „Monet-naja” in provin ot dutöli. Luveratiko el ,de Granshan’ äsevädükom oki asä jäfüdisevani ön räyun metodas ettimo nulädikas goldinijafäda. El Aleksandr Viktorovich äjäfom me goldinijafäd dü degyels anik. Fe no ävedom büsidan famik ä gretakatädan, ab äplöpom ad ceinön oki de lödiloatan ad domidalaban, bi äremom blögadomi in el Ekaterinburg.

Ün yel: 1891 < bos veütik äjenon pö el ,de Granshan’, sevabo tü del 16^{id} novula älasumoy omi as liman laidacalik stäfa realajula. Ün degyel 1890^{id} el Aleksandr Viktorovich ädagetom sikotis mödik. Tü 1894, VII^{ul}, 16 ägevoy ome, pötü benoseks realajulanas pö maturaxam, danamapenedi calöfik nemü kälädan tidaziläka di „Orenburg”, in ziläk kelik tidastitods eli Ekaterinburg ädutädons. Tü 1895, 11^{ul}, 16 päpromuvom ad titulakonsälal, ed ün yel foviä avedom cämacalan. Latikumo nog mö yels tel ägevoy ome tituli kurakonsälala. Ün degyel ot äbenodistükoy omi me sikots löpik, sevabo pädekotom ko dekot stimü saludan: „Stanislav’ greda kilid (tü 1895, I^{ul}, 1), e päbelegivom me kön mebü regam eli Aleksandr kilid: zar Rusänik, efe ad lenlabön su blöt len jarp di „Aleksandr” (köön pägevon tü del 24^{id} febula yela: 1896).

Finü tumyel degzülid el ,de Granshan’ id äkompenom pö sogädalif eli Ekaterinburg. Ävedom liman jäfidik famika soga Luralänik natavilöfanas (sevabo: „UOLE”, – „Ural’skoe obshhestvo ljubitelej estestvoznanija”), e periodiko ävisitom kobikamis notidik ona, samo ün yel: 1888 < äkomom pö kobikams tel limanas eli „UOLE”, ed ün yel: 1889 < pö kobikams kil.

Latikumo tidan äfinükom kosami oka ko klubäd sogälik nolavik at. Ün laf telid degyela lätik tumyela degzülid äkompenom pö fün soga di „Ekaterinburg” pro löfans lekanas jönök (sevabo: „EOLII”, „Ekaterinburg-skoe obshhestvo ljubitelej izjashhnych iskusstv”). →

Dü tim anik igo äguvom pö nogan et dilädi lekanadustoda (ma gased: „Vig ela Ekaterinburg”, yel: 1896, nüm: 14). Zuo äkompenom vilöfo pö disputes literatik fa klub ot pinoganüköls.

Primü tumyel teldegid in el EOLII feits ädavedons sekü säkäds ä teläls bolitiks, e ,de Granshan’ äsäkosädom ko klub at. Äjäfom te me tid e büsid. Yel: 1900 < äblinon ome tituli cämakonsälala. Nun läbik no ädefon id ün yel fovik, sevabo tü del balid yanula pädekotom ko dekot stimü jisaludan: „Anna’ greda kilid. Ün prilul yela: 1904 ävedom tatakonsälal, ab atos äbinon benoplöp lätik kariera omik. Sekü badikumam kosama ela de Granshan ko cifef omik ün yanul yela: 1907 < päfeaplalom ini febodajul di „Krasnoufimsk”. Fealotäd lü el Krasnoufimsk leno äfredükön tidani, bi äposplibükom in el Ekaterinburg domi lönik, zuo el Krasnoufimsk no älalon mögis so mödikis ad büsidajäf. Ün degyel 1900id el ,de Granshan’ äkosikom ko bankals anik Fransäna, kelans änitedälikons in el Ekaterinburg. Etans ävilons jenöfükön desinodis gretik tel monifienida. Tü del zülid novula yela: 1907 < zifadail ela Ekaterinburg äbejäfon mobi de el Pinel'-de-Granshan ad getön de bankals Fransänik anik moni tökü bligods. Zuo finenans medü el ,de Granshan’ ämobons ad prünön moni födü bum maketabumäda gretik in el Ekaterinburg. Primäts at no päjenofükons.

El ,de Granshan’ – bo demü feapladam neplitik – äsedom begapenädi ad sädünükön omi de cal tidana ed ad gevön ome plödüünastadi lölik. Begapenädi et pidafölon, sodas tü del balid mayula yela: 1908 < el Pinel'-de-Granshan äfinükom calajäfi okik tidana. Ün degyel 1910id äbleibom paregistarön as dalaban doma in el Ekaterinburg, e poso no äposbinükom retodis seimik pu ma doküms ragivik.

Binos rätöfik, kikodo man so desinodiälik ä plagälük äsä el ,de Granshan’ ilärnom Volapuki. Niludob, das äkonfidom reklami de ,Kerckhoff’s’ e Volapükans votik, kelans älesagons, das suno pük ela Schleyer övedon pük bevünétik teda e büsida. Bo el ,de Granshan’ id äspetom, das Volapük öbinon ya ün fütür nilikün tidajäfüd vemo zesüdik in juls e nivers, e Volapükkitidans ögetons mesedi bundanik. Spets somik öklülädons binön drima-magotiks, ab büocedob, das düps, kels pädedietons fa el ,de Granshan’ stude Volapüka, ädutons lü nitediküns in lifüp jenotaliegik oma. ■

[1] ladet leáktronik: ,<https://yadi.sk/i-lxIANpSCkVxKw>.

[2] ladet: ,<http://volapuk.temerov.org/Volapükane>

[3] Resodatoped calöfik (Rusänapükik): ,<http://www.fgurgia.ru/old>): „Hiel ,Aleksandr Viktorovich de Granshan”.

DIS HORIT SIENOVA (2 Ä FIN).

Fa ,Frank Roger’, etradutöl fa: ,Hermann Philipp’s’

Kludo, ven äbinob lomo dönu, äpenob peneti nog bali: „*Mutobs spikötön. No suemob nuni olik. Dredolöd nosi! No vilob dämükön oli; te vipob ad sevön dinis anik.*”

Löliko no äsevob, kisi öcedom dö nun nulik oba. Ba örefudom ad kosä-dön, ed ön jenet at neföro „ölogobs” plu omi. Luveratiko ömogolom ad plagön fevädi okik votaseimo. Ud önonükom peneti oba ed öfovom duni oka nentupiko. Ab id ämögos, das ögespikom dönu, ed atos ba öbinon nitedik.

Kludo ün del fovik äseadob in kafibötöp kafi slürfölo e stebedölo, das tifan nelogädik ömosumom delagasedi obik, kel äninädon peneti oba. Öplöpos-li telidnaedo?

Tü del fovik äbinob vemo närvodik. Kisi äkanob-li spetön? Äsagob ele Giancarlo, kisi idunob, ed älülogom obi säkölo. Bo no äsuemom, kisi äbesteifob me atos. Täno äseadob us spelölo, das nun seimik öpubon – dönu penet pepenülöl u seimosi votik; sot alik geäda äbinon vipabik.

Ad fred oba ägetob gespiki, efe diledili papüra se penetabuk pesleitöli ko set te bal: „*Ya sevol tu mödikosi.*” Äjinor, das spod obas ya äfinon.

Ab no ävilib klemön so vifiko, klu äpenob ome peneti dönu, e atna ävilib mütön omi: „*Mobob balädi. Kolkömobs, ol begespikol säkis obik, ed ob no plu otupob oli. Voto obegob fleni labü dog ad datuvülon oli, e täno omutol spikön. No löfol dogis, vo-li?*”

No päsüpädob ad dagetön gespiki tü del fovik: „*Kolköm bal, e poso oglömol obi. Okondötöld so, äsva val at neföro ijenon. Voto okoedob binön neläbik obi. Asoaro pö modonikam sola. Dis pon, keli beigolol algödo.*”

Man jenöfo äkredom-li, das äbinom in stad ad tädon obi? Votaflano, leno äsevob, man kisotik äbinom, e ad kis äfagom, kluo äsötob prüdön. Samo äsevom zugoti algödik oba. Jenöfo äsevob poni, keli imäniotom, ab neföro ilogob us seimani u seimosi miniludikis. Fe man at äfagom ad blibön plödü portat logama, e kolköm at ägevon obe pati ad suemön fägi at. Äsötob frutidön mögodi at nen zog. Ga äkanob bejäfon poso tädi omik.

Pö modonikam sola ägolom lü pon, ab nek äkomom. Man at äzedom-li desini oka, e no ävilom kömön? Ävilom-li fopülükön obi? Ud älatikom-li? Täno süpo älibob vögi nelaodik: „*Ekö! is binol.*”

Älogob kuratikumo, ye äküpob neki. Kiopo man at iklänedom-li oki? „*Ek komon-li?*” äsäkom.

Pos dels anik galedanahipul dönü ävokom: „Lupö! Lupö!”
Dönü vilagans älürönons ad yufön omi, e dönü hipul äbesmilom onis.

Täno, seimna soaro, dü sol ämodonikon pödü fot, e jads äkripädons love bälät, jenöfiko lup äsübunom de fotül, ed ätutatakom jipis.

Me lejek vemik hipul ärönom äl vilag ed ävokädom: „Lupö! Lupö!” Ab do vilagan ililom vökädi, no älürönons ad yufön omi, äsä idunons büö. „No kanom fopülükom dönü obis”, äsagons.

Lup ädeidom jipis mödik hipula, e täno äkripädom mo ini fot.

No kredoy luganis, id üf spikons naedilo verati.

The Shepherd Boy and the Wolf

A Shepherd Boy tended his master's Sheep near a dark forest not far from the village. Soon he found life in the pasture very dull. All he could do to amuse himself was to talk to his dog or play on his shepherd's pipe.

One day as he sat watching the Sheep and the quiet forest, and thinking what he would do should he see a Wolf, he thought of a plan to amuse himself.

His Master had told him to call for help should a Wolf attack the flock, and the Villagers would drive it away. So now, though he had not seen anything that even looked like a Wolf, he ran toward the village shouting at the top of his voice, "Wolf! Wolf!"

As he expected, the Villagers who heard the cry dropped their work and ran in great excitement to the pasture. But when they got there they found the Boy doubled up with laughter at the trick he had played on them.

A few days later the Shepherd Boy again shouted, "Wolf! Wolf!" Again the Villagers ran to help him, only to be laughed at again.

Then one evening as the sun was setting behind the forest and the shadows were creeping out over the pasture, a Wolf really did spring from the underbrush and fall upon the Sheep.

In terror the Boy ran toward the village shouting "Wolf! Wolf!" But though the Villagers heard the cry, they did not run to help him as they had before. "He cannot fool us again," they said.

The Wolf killed a great many of the Boy's sheep and then slipped away into the forest.

Liars are not believed even when they speak the truth.



Glidis Volapükaflenes valöpo!

Äsä sevobs, datuvan Volapükä: „Schleyer’ e dönulifukan ona: ,de Jong’ älemekons pas gramati e täno vödastoki püka obsik. Fe klülos, das jenöfiko dins bofik plu u läs päästukon leigüpo. Alo gramat äbinon stab voboda omas. Tapladü atos, natapüks ädavedons vemo lunüpo, büä ek ävestigon utosi, kelosi nu nemobs „gramati”. Kludo kanoyöv sagön dö natapüks: „Primo pük ädabinon e täno gramat”, e dö mekavapüks: „Primo gramat ädabinon e täno ret pükä”.

Tefü pük obsik, atos älabon seki bisarik, das igo mastans ettimik Volapükä pääkofudükons tefü geb konyunas, präpodas e ladvärbas.

As sams kanoy mänötön vödis: as – asä, äs – äsä, klu – kluo – kludo, tän – täno, ti – tio, za – zao, zu – zuo, ...

El „Gramat Volapükä” fa ,Arie de Jong’ ninädon miedetis vödabidas at:

§ 105. Ad fümetön kuratikumo värsi, ladyeki, vödi votik seta u seti it **ladvärbs** pagebon.

§ 108. **Präpods** malons tefi, ön kel vöds fa ons pareigülös binons tefü dils votik seta.

§ 111. **Konyuns** pagebons ad koboyümön setis u dilis seta.

Ekö! is binons sams anik fa ,Arie de Jong’ de „Diatek nulik” e „Gramat Volapükä”:

„Me poyümot at kanoy fomön värbis de vödabids **ti** valiks.”

„Tü jabat fovik, elans **tio** valiks zifa äkömons ad dalilön vödi Goda.”

„**Tän** ämaifükom mudi okik, ed älejonom ones.”

„**Täno** ägolons lü om elans di ,Hierusalem’, ...

„**Klu** no kudolsöd tefü odel!”

„Fövolsöd **kluo** püdo vegami olsik!”

„Sukolsöd **kludo** balido regäni Goda, e gidi omik!”

Ön jenets mödik bo kanoy lecedön notodoti u seti somikis asä ön mods distik pestukölis, ab suvo daloy bedotön setastukis süpädik soik. Alo mutoy studön vödemis calöfik mödik ad lölöko suemön dinädis somik.

Büfo ye latahitüpadelis juitik vipom valanes
cifal e redakan:

HPL-L-BFS

VOLAPÜK IN KANADÄN.

Mekavapük: ,Martin Lavallée' etuvom nunis sököl in gaseds vönik zifas
Kanadänik: ,Québéc' e ,Montréal'.

,Le Quotidien', 1888 gustul 20, zif: ,Québéc'.

La langue volapuke

Cette langue aura son dictionnaire bientôt, s'il faut en croire un confrère qui annonce que M. G. de Boucherville, greffier du Conseil Législatif, est à mettre la dernière main à un dictionnaire de la langue volapuke. Nous avions sans peine que celle œuvre a dû lui coûter beaucoup de patience et de travail pour arriver à un mince résultat.

,L'Étendard', 1889 mäzul 7, zif: ,Montréal'.

Un canadien et le volapuk

On sait que depuis plusieurs années, M. George de Boucherville travailloit à un dictionnaire de langue volapuk. Son dictionnaire est terminé et il vient de le faire distribuer aux députés provinciaux.

DATUVOT.

Se „Volapükagased pro Nedänapükans” yela: 1951, nüms: 5 & 6.

Bü milats yelas in Lasüriyän man älfom, kela nem äbinon: ,Tem'. Älödom in ,Ninive', kel ün tim et nog äbinon te zifil smalik, du prim rigik de ,Babel' igo no nog ädabinon.

,Tem' at äbinom man vemo sapik, ed äbinom fümiko löföb jigoda: ,Astarte', kel stepof me futs largentik okik ve sil neitik. Dü yels mödik iletikom dö disin so sublimik, das seks ona no äbinons lovelogamoviks, e kelas flun ölonöfon in fätots menädas valik, kels öfovons pos ut, kel äbelödon läni vü el ,Euphrates' ed el ,Tigris'.

Ädäsinom figuris mödik in sab, e me stafil tipik in platots binü taim müdik.

Fino, ven äsevom, das disin äbinon blümik ad paledunön, äprimom ad dunön vobodi.

Äremom zeadaboadi gudikün, keli äkanoy tuvön in län lölik, ed ämekom de at platotis klöpik tel. Pos atos ämekom ko kälöf gretikün boedis e bemis votikis, kelis äsmudükom ed äsmufetom. Dü yels tel bevob boada ädulon. Tän del äkömon, das ,Tem' äkanom koboyümön diledis.

Pük: Volapük.

Pük at olabon suno vödabuki, if kredobs-la calasvisti, kel nunom, das hiel M. G. de Boucherville, sekretan kobanefa lonilonöl, nu fimekom vödabuki püka: Volapük. Fasiliko kredobs, das vobot at nendoto äflagon de om sufädi e töbi mödik ad rivon seki smalik.

Kanadänan e Volapük.

Sevoy, das söl: ,George de Boucher-ville' äbevobom vödabuki Volapükik dü yels anik. Vödabuk omik nu pefimekon, ed enu eseagivom oni limanes provinadaila. ■

„Plän te bal esüikon pö ob”, äsagob. „Mistom at bo ädojedon müsätani; omi eleluimükön ed emosveimon. Ba leklär edrefon omi, u tonär enosükön omi; no sevob osi. Alo sevob, das go leneföro olilobs musigi at.”

„Ab atos no labon siämi”, ätaspihof obe. „Äsagol, das no ituvols seiman, das ipöjutols späki. Kim üfo älenlabom-li guni Skotänik at? Kludo atos ga fümo binön fädot.”

„Ab no binos fädot, das musig äfinikon”, äkonstatob. „Aneito no kudolös tefü slipapiluls. No plu neodobs onis.”

Äjedof – bo nog dotölo – logedi lätik lü gun Skotänik, e täno ägolobs lü leselidöp.

Ün neit et äslipobs nentupiko, e leigoso ün neits fovi. Ai nog leno äsevob, kiöpao musig ikömon, lio mistom imoükön säkädi at, e kikodo müsätan späköfik iposblibükom guni Skotänik, ab atos voiko no äveüton.

Neits obsik dönü ästilons. ■

VEDOLSÖS SAPIKS MEDÜ EL AISOPOS!

Galedanahipul e lup.

Nilü fot dagik no fagü vilag, galedanahipul ädaküpedom jipis söla okik. Suno lif su bälät änaüton vemo omi. Te äkanom yofön oki dub spikam lü dog oka u bepläyam ridafluta okik.

Seimna, äseadölo ed äküpedölo jipis e foti stilik, e dö utos, kelosi ödunomöv, if ölogom lupi, disin ad yofön oki äsüikon pö om.

Söl oma isagom ome, das ölä-vokomöd yufi, üf lup ötatakon jipajepi! Täno vilagans ökömons ad momofön oni. Kludo – do no ilogom seimikosi sümü lup – ärönom äl vilag ävökölo me vög laodikün: „Lupö! Lupö!”

Äsä ispetom, vilagans vokädi at ililöls älüvons vobi okik ed ärö-nons lü bälät me fäkad vemik. Ven usio ikömons, älogons, vio hipul äblegikom dub smil demü cog, me kel ifopülükom onis.



„Steigolsöd müsäti et löpio ini glüet oma!” äsagof. Sot at spika löllico ängeböfon pö of – slipadef e geb pilulas bo äludämon okreigi ofa.

Ün neit et äkobikobs in lödöp mana ut, kel inoganükom pojuti. Äbinobs pösods degfol mödadilo maniks; ömans ikeblinons klöbis u stafis di ,baseball’; votans, äs ob, no älabons vafis, ab äbinons löllico fümäliks ad moükön visitanis nevipabik se nilädöp. Tü düp telid tonäd müsata äjäfidükon obis. Ägolobs plödio, balan pos votikan, ed äprimobs yagi. Ai ägolobs äl top, de kel musig äjinon tonön.

Suno äklülikos, das äyagobs späki. Musig ätonädon in lut, ab äbinos, äsvo no päprodon fa müsätan binü mid, blud e boms. Späks kanons-li musigön? Atos ye äbinon plän balik mögik. Too äfövobs yagi, ed ädasukobs topis valik jü in spadüls e gulils valik onas, jüs iklülikos pö alans, das töbids obsik äbinons vaniks, do musig älaitonädon vemöfiko.

„Binos nenfrutik”, noganükana pojuta äsagom. „Leno suemob dinädi at. Binos kojmar everatiköl.”

„Liolunüpo atos nog odulon-li?” vom äsäkof. „Laidio-li?”

„Ba müsätan omoikom pos timil”, man seimik äsagom speliko. „Ba one-pubom so klänöfiko, äsä epubom.”

Täno ägegolobs lü lödöps obsik. Jiel Cynthia äslipof danädü piluls oka. Nun negudik äkanon pazögön jü göd fovik.

* * *

Latikumo mö neits tel, ven musig et dönu ätonädon in züamöp obsik, mistom vemik me sturarein, leklärs e tonärs sudüköl äkömon donio sui obs. To slipapiluls ägalob löllico ed ädalilob reini ta fenäts flapöli, e tonäraronätis brefüpo bal pos votik sökölis. Lenoid at löllico äpluon mödo uti müsätamusiga.

Jiel Cynthia ätisagof bosí, lafo nog slipölo, töbo sevedölo utosi, kel äjenon plödo. Mistom äjinon dulön dü düps anik, e ven fino ämoikon, e tonärs ävedons piano läs mifätkis, äslipikob püdiko.

Ün del fovik äspetob dönu takeditupi neitik, ab ad sädredikam obik äblebos stilik tü düp telid, ed äblebos somo dü ret neita.

Ävätilob ad spikotön ko jiel Cynthia dö volf gudik at, ab slipapiluls nog ävobedons in of, e no ävilob vüjäfükön obi in slipöf ofa. Mistom e dinäd at üfo äyumedons-li?

Ün göd zädelta jiel Cynthia ed ob ägolons plödio ad remön dinis in leselidöp smalik züi gul. Sol äsvieton, vienil sofik ätirülon heremis obsik. Lut dub rein vemik peklinöl äbinon litik e flifädk. Süpo äkolkömobs mani, kel inoganükom pojuti bü dels anik; äglidob plütiko omi.

„Jinos, das stil egeikon”, äsagob.

Äsiom kapo smilülölo, ed älüjonom nügolöpi selidöpa peklemöl e me boeds pefäikluföla su flan visoik süta. „Logolsös us, täno osuemols kodi”, äsagom.

Ob e jiel Cynthia älüodükobs logedis äl od, ed ägolobs traväro love süt ad logön utosi, dö kelos man at ispikom. In gul nügolöpa älogobs guni Skotänik luimik e dämiki, äsä räg vorik fa ek pemojedöl.

„Gun Skotänik-li?” jiel Cynthia äsäkof. „Kisi atos sinifon-li?”

Platotis klöpik äyümom medü xab klöpfik, su kel yumem retik ästuton. Pos vig äblümom ko yum, e ko lad, kel äpebon sekü fäk e pleid, ,Tem’ älelogom datuvoti okik.

Ijafom vabi. Lunüpo ,Tem’ älogedom lümekot okik.

Tän äväalom gudiküni de jamods okik, ed äfimädom oni me küireds redik foi vab okik.

Ad stirön nimi äfimükom jainis leni flan alik kapeda nima. Pos atos äxänom sui vaböm okik, ed ävabom äsä levikodan da süts zifa: ,Ninive’.

Pöp ärünädon äluvokädölo sekü fäkad dö din nekösömk. Ab i mens ädabinons, kels äfugons dredäliko pö nilikam stuma, ed äklänedons okis ini dil nilikün domas oksik.

Ko smil läbik ,Tem’ ästirom jamodi vilöfik okik, jüs ästöpom oni fo ledom rega.

„O reg!” äsagom, „ol, kel binol nämädk in län löpu valans, e kela gud palobon! Kömob ad dedietön ole datuvoti obik, kela tikod pänügivon ini kap obik fa jigod: ,Astarte’, kel bestepof me futs largentik bälätis silik.”

„Sagolöd obe!” reg ägespikom „pro kis stöm at dünon-li?”

„Susnumiks, o reg! dünots binons, kels vab obik kanon dunön. Ven obinos klopüp, feilans okanons blinön greni lü baraks, vifikumo ä fasilikumo, äsä nu.

Utans, kels binons feniks, kanons pladön okis sui on, if no plu kanons golön, u kanons moniton su bæk jamoda.

Ed utans, kels binons bäldeks, kanons vegön dü düps mödik ad logön beni cilas oksik. Ed if vat binon nebundanik, kanobs veigön oni in mödot gretik, dat soafikans klietonsös okis! Lüsumolös, o reg! datuvoti obik, äsä jonüli stimoda obik!”

Ab reg ämeditom.

„Mans pöpa obik no ovedoms-li trögiks ä nennämiiks, if no plu nedoms polön greni su jots oksik? E voms no ovedofs-li koveniäliks, if no plu nedofs polön vati, ven binos tim nebundana?

E pafs obik no podovabons-li dub platots klöpik vaböma?

No sevob, va kanob lüsumön stimodi; büiko mutob konsälidön kultanis obik. Stebedolöd, jüs uspikob ko oms!”

Reg ägolom lü konsälacem okik, ed ädakonsälom ko kultans.

„Binos tim badik”, kultan balid äsagom, „süds grobikons, e brul kömon ini län. Vol paloveflumon dub nulods, kels päridükons relöfi veratik pasetatima. No kredob, das bos gudik binon in datuvot at.”

E kultan telid äsagom: „O reg! fümiko at binon datuvot goda badik nesevädk. Ibä mekan äkömom selediko ini tem, e ko obs no edakonsälom dö cin okik. Klu vio at kanonöv-li binön gudik?”

Tän kilidan äprimom spikami.

„No elogol-li, o reg! vio pöp äfugon pö logam dina, e vio mens äklänedons logodi ini nams oksik sekü jek? No oblinon bosí votik, äsä mifäti, e datuvan binom fümiko godinoan ä kultolan goda fuginik badik. Mutom pafefilükön, e ko om mekot omik.”

„So obinos”, reg ägesagom, „espikol bai ced obik, ed odunob, soäsä ekonsälol obe.”

Ed äbüedom gleipön eli ,Tem’, e deidon omi dub soldats okik, du vab pafefilükön notidiko. Pöp ädanüdon zü kum äfilö.

Ab ün neit et äreinos, ibä jigod: „Astarte’ ädrenof demü mifat löfaba okik. Tän pö hinilädan ela, „Tem’ tiket käfik äsüikon.

Ispionom datuvani dü mek vaba omik, ed äsevom, vio at pistukon. Tü del foviäremom boadi, ed ämekom vabi nulik.

Fe boad äbinon krüdik, e luibs no äbinons löliko glöpiks, ab ga älelogom voboti okik ko koten no nemödikum, ka „Tem’ ilelogom okiki. Äfimädom jamodi foi vab, ed ävabom lü ledom rega.

Atan äloegom nilikön omi zuniko, ed äsäkom ome, va ävilom sufön fäti ot, äsä uti ela „Tem’?

„O reg!” hinilädan ägespikom, „at binon stum go votik, äsä ut riga diabik, keli ekoedol fefilükön gideto. Osagob ole, ad kis dünon.

In krig, o reg! ofulükol vabi me krigans, ed okoedol rönön oni ta neflens, kel ofugon fümiko demü vaf nämädkat. Orolon love koaps omsik, e milats potroivons.”

„O!” reg äsagom, „binol man gretik, ogivob ole nämädi löpu mödikans!” ■

TONÄR, LEKLÄR E MÜSÄT.

*Fa „Frank Roger”, tiäd rigädik: „Thunder, Lightning and Bagpipes”,
ini Volapük petradutöl fa „Hermann Philipps”.*

„No kanob slipön”, jiel Cynthia äsagof petiskänölo. „Kis binon-li lenoid at?” Älöikob in bed ed ädalilob. „Jinos, das ek bepläyon müsäti.”

„Neito-li? Lio atos-li? Nek plödon. Vilob slipön.”

Ätovülob jötis oba. No äkanob dunön seimosi ta atos. Jenöfo ton leroröl müsäta äbinon vemo laodik ün neit. Äklülos, das atos igalükön jimatani obik. Töbo äkanob kredön, das islipob dü musig at.

„Dunolöd bosi ta atos!” jiel Cynthia äflagof. Vög ofa ätonon däsperiko. „Plödiologolöd se fenät! If logol omi, sagolöd ome, das stopedomöd! U lävokolöd poldi!”

Änükurbob liti, älenükob banamänedi oba, ed ärönob donio ve tridem. Lödöp obsik binon in selidöpaharat, kel lübäton mödikis musiganis e lekananis sütit valasotikis, ab ven selidöps färmons, top lölik suviküno binon nenmenik. Kludo ön jenet at bo pölagolölan brietik dub lalkohol u brietadrogs äbepläyom müsäti fo lüdalilanef pemagälöl, plodi vemo pülikä ädagetölo.

Älogob plödio, äküpob ye neki, ab müsät äjinon tonön nilao. Ävestigob sütis, kelis äkanob logön de staned obik, piadi smalik, kölümemis. Nek äbinon us. Too äkanob lielön pläyön eki. Dü pülatimil äväätälob ad sukön omi, ab äsludob ta atos. No ävilob paloegön begolön sütis neito in banamäned.

Ägegolob ini slipacem ed äsagob jimatane obik utosi, kelosi ilogob.

„Luman at bo eklänedom öki uto, kö no kanoy logön omi”, äsagof. „Klülos, das seiman prodon lenoidi et.”

„Lenoid et”, äsagob, „binon musig. Ek bepläyon müsäti.”

„Leno vilob lilön somikosi, ven steifob ad slipön”, äsagof. „Mutob löädön se bed göliko ogödo. Mutob vobön, äsä sevol.”

„Äsuemob osi”, äsagob. „Ab no kanob sagön seimane, keli no logob, das stilomöd.”

„Lävokolöd poldi!” äflagof.

„Atos binonöv nenfrutik”, ätaspikülob. „Ba kanol-li gebön lilabuonis?”

Jiel Cynthia älülogof skaniko obi, ed äfärümükof logis. Äsäkurbob liti, e leigo ästeifülob ad slipön, ab müsät laidrumöl äfikulükön atosi.

Ven ün soar foviä ägolobs bedio, äspelobs, das konsärt neita büük ibinon jenot balnaik, tup suno püglömölo. Ab za düp telid gödo musig müsäta ägeikon me laod vemik.

Jiel Cynthia älezunof, bi neits nenslipik tel bal pos votik äbinons go ne-sufoviks.

„Dunolöd bosi ta atos!” älehagof. „Klotolöd oli, e gololöd plödio! Gebolöd mekädi, if zesüdos!”

„No sagol atosi fefo”, ägespikob. Too äklotob obi ed älüvob domi ko fümlä ad tuvön müsätani, bi id ob leno ävilob lilön plu musigi at. Ai nog änemob oni musigi, no lenoidi, ab letöbid nevas obik ai plu ävemikon.

Äzigolob in harat, ed ai plu äbiedälikob, bi ätuvo obi neki, do musig at ätonädon valöpo. Ävestigob spadüli alik, ab neseimo äkanob logedön müsätani klänöfik. Ton tulöpöfik ai äjinon süükön pödao de gul seimik.

Vego äkolkömob fino eki, efe mani, kel äbinom in süt sekü kod leigik äsä ob. Äspikob ko om dü timil; ävilom küpodon musigani maleditik e meibön omi, das sötom stilön. Töbids mana at ye äbinons leigoso nenfrutiks äs obiks.

Fino ägegolob bedio ed äkonob jimatane obik nuni badik at. No äpliton ofi, ab klülo no äkanof dunön seimosi ta säkädi at. Kludo äpreparobs obis ad neit telid nen slip – e ad del telid ko sümptoms slipadefa.

Neit kilid äjenädon äsä neit telid. Ven müsät ägalükön obis lesüpo se slip so vemo peneodöl, äbüosenob piano, das ba neföro plu ölabobs neiti stilik.

„No kanob sufälön plu atosi”, jiel Cynthia äsagof.

„No ogolob plödio dönü”, äprotestob. „Nek binon us plödo. Nosi frutosöv.”

„Lävokolöd poldi!” äflagof. „Sötöns bejäföön atosi. Fümo okanons bemastikön dinädis somik. If ons no okanons dunön atosi, kin üfo ofägonöv-li ad atos?”

„Kanol sagön atosi nog balna”, älucogedob. Ätelefonob poldi. Äkömons, ed äsä ispetob osi, äbegolons sütis züämöpa, ab no äkanons tuvön „kodani böläda”, ed ämogolons. Äsäkob ones, va övestigonsöv dinädi at, e klüliko äsions osi. Äfümob ye, das icogons.

Dönu ämutons sufälön atosi nenyufiko. Jiel Cynthia äbinof vutik; äsagof, das ögebof slipapilulis de odel.

Ün neits foviä müsätan nelogädik äfööm kurato programi oka. Jiel Cynthia ed ob ägebobs slipapilulis, kelos äfasilükön boso dinädi to näivobeds bölädik anik. Pu piluls äfagons obis ad dönufomön nomami semik in aldelaliffs obsik.

Tü del semik ün soar gölik, ek ätelefonom obi. Äbinos man ut, keli ikömob tü neit balid, ven igolob plödio. Äsagom, das ikobüküm grupi nilädanas, kels äfümälangs ad finükön fifümiko säkädi. Asoaro ögolons plödio me klöbs pevaföls ad dasükön züämöpi sovüo, jüs ütuvo musigani.

Östopedons pas, ven üfinükons säkädi. Ävüdoy obi ad yumön lä grup at. Äväätälob atosi dü timül, ed äsludob ad kompenön. Äbespikob osi ko jiel Cynthia, ed äbaicedof lölöko dö atos.

VEDOLSÖS SAPIKS MEDÜ EL AISOPOS!

Se , *The Aesop for Children, Rand McNally & Company, Chicago', 1919, ko magods fa ,Milo Winter'. Tradutod fa ,Hermann Philipp's.*

Muskit e tor.

Muskit äfliton love yebalän laodiko brumölo vätlü smal oka, ed äpladon oki sui tipot bala honas tora. Iblibölo us dü brefüp, ävilon moflitön. Büo ye äbegon tore säkusadi, bi igebon honi oma asä takädöpi.

„Bo fredol vemo, das nu moikob”, äsagon.

„Lindifos pö ob”, tor ägespikom. „No igo äküpob komi ola.”

Suvo lecedobs obis veütikumis, kas cedü nilädana obsik.

Plü täläkt binon pülikum, plü vemikum fatüit.



The Gnat and the Bull.


A Gnat flew over the meadow with much buzzing for so small a creature and settled on the tip of one of the horns of a Bull. After he had rested a short time, he made ready to fly away. But before he left he begged the Bull's pardon for having used his horn for a resting place.

“You must be very glad to have me go now,” he said.

“It's all the same to me,” replied the Bull. “I did not even know you were there.”

*We are often of greater importance in our own eyes
than in the eyes of our neighbor.*

The smaller the mind the greater the conceit.



Glidis Volapükaflenes valöpo!

Tefü fo- e poyümots Volapükik cifal ettimik: „Johann Schmid’ äpenom in „Lehrbuch der Weltsprache Volapük” [tidabuk valemapüka: Volapük], 1933:

„Klülos, das diseinü geb kuratik valemapüka, kel fägon ad givodon verätiko tikädadunis valik, num gretik fo- e poyumotas zesüdon. Me dasev kleilik, das atoso def leigüpo binon döf, Volapük labon pu foyümotis 69 e poyümotis 85, ...” (Petradutöl se Deutänapük.)

Ba ägidetom, ab liedo in Volapük labobs poyümotis anik, kels komädons vemo suvo, ye no labons sinifis kleilik, **efe els -äd, -ät, -ed, -et, -od, -ot** ed -id.

El „Gramat Volapük“ fa hiel Arie de Jong plänon anis poyümotas at:

„Kinik poyümotas at pevälon pö jenet seimik, esekos de dinäds difik, samo de zesüd ad vitön necänidovi, de benoton, e semo de sinif, keli poyümots at egevons ön gebäd. So el **-äd** labon kösömo sinifi valemekum ka poyümots votik; el **-ot** malon mödikna yegi; if defomamavöds tel, kelas bal pefomon me el **-od** e votik me el **-ot**, dabinons, vöd finiköl me el **-ot** kösömiko binon plastätkum ke et pefomöl me el **-od**.“

„El **-ät** malon suemodis nedabinotik anik.“

„Poyümot: **-id** ye i pagebon ... po stämäds värbas ad givon ones äsvo sinifi taädik.“ (Disstripams fa redakan.)

Atos kodon säkädis, bi fikulos ad memön sinifis distik vödas somik. Vätälobös as sam vödis de värbastamäd: **pen-** (penön = Lingl.: „to write”; Deut.: „schreiben“) pefomölis:

penäd = „document, item of writing“ (L.); „Schriftstück“; (D.)

penät = „handwriting, hand“ (L.); „Handschrift, Art des Schreibens“; (D.)

pened = „letter“ (L.); „Brief“; (D.)

penet = „annotation, note“ (L.); „Notiz, Anmerkung“; (D.)

penot = „essay, treatise“ (L.); „Abhandlung, Aufsatz“; (D.)

Kludo mutoy lärnön nenbukio aliki vödi balatik sa sinifi ota.

Reto, i vöd: penid < dabinon, kel ye leno tefon värbii: penön, ab binon it stämädavöd, kel malon eli „membrum virile“ (latino).

Me tikods dibätik somik vipom valanes fluküpadelis jönök cifal e redakan:

H.P.·L·PFS

SÄKÄDS TÜMOLOGIK VOLAPÜKA (ELS GÖD, GÖL, GLIB).

Fa vicifal: ,Daniil Morozov'.

Lecedob vödabuki tümologik Volapükka fa el Zhang Yutong: kadäman Volapükka < voboti stunidabik. Alna pö geb lebuka at seivob bosi nulik e dibätükob noli obik tefü licin rigavödas. Too baicedölo ko niluds tefik mödikün lautana pemäniotöl, pö jenets ömik dotob dö pläneds pelonülöl. Nu vilob bejäfön stamädis somik anik, sevabo: göd, göl, glib. Balid no ädabinon in Volapük rigik, telid epubon ya in vödalised veitöfik balid Volapükka ün yel: 1880, kilid dabinson nemu sis püb dabükota telid vödabuka calöfik fa el Schleyer (pübayer: 1882).

Els göd, göl.

Ma vödabuk tümologik fa hiel Zhang Yutong, rigavöd balid atas pedütülon de vöd Nedänapükik: „ochtend”. Cedü ob sotül somik pläneda binon-la dotabik: balido, datuval äbuükom pükis votik as fonäts dütula, efe Linglänapükki, Deutänapükki, Fransänapükki e Litaliyänapükki, telido, nüdug stamäda at ini Volapük äflagon-la votükamis prona e penama tumödikis, sevabo: tonat „o” ämuton-la vedön „ö”, tonatakoboyumot „ch” ämuton-la vedön „g”, grup tonatas: „ten” < ämuton-la pamoükön, e täno tonats iposbliböl ämutons-la pavotaplädön tefü ods. Cedob, das pö jenet at hiel André Cherpillod äbinom gidgetikum, ven in vödabuk okik pro sperantans äträitom eli göd as brefükam lölota vödas: **göd(lik) d(el)**. Ye plän somikjenöfo no binon lölöfik, bi söl: „Cherpillod’ epenom nosi dö licin stamäda: **göl(ik)**.

Bo lebuks fa el Schleyer it ninädons tuvedömi ad säkäd at. Fe fom: „göd” < no págebon timü „Schleyer”, ab Volapük rigik älabon leigätodi ko sinif ot, kel pinotükön ya in vödabuk balid, sevabo: „gödel” (tradutod ettimik: „Morgen (Frühe)”). Sis dabükot kilid vödabuka calöfik datuval ägebom korsivi ad malön binetis koboädavödas, klu binos veütik, das ettimä äkoedom büköön:

gödel = „Morgen (Frühe)”

El Arnold Scherzinger: slopan ela Schleyer < pö vödabuk pro Linglänapükans ädönuom penamamodi somik:

gödel(üp): „mórn(ing)”

So lebuks fa „Schleyer” it ätemunons, das subsat: „gödel” < pädilon ad stamäds tel: *gö*, *del*. Vöd: del < pedütülon de ut Linglänapükik: „day” (finatonat: 1 < äzesüdon, bi stukot vipabik ä komandabik stamäda Volapükik äbinon sököl: konsonat, vokat, konsonat; finatonat zuik: 1 < äbinon vemo suvöfik timü „Schleyer”).

El „gö” (vöd at id äpupon ün yel: 1880 < näi fom „gödel”) baiädon ko ladvärb nutimik: „go”, äsä buks mödik jonülöns, as sams:

3. Cödot.

Sanan äsmilüöm, ed ästebedom, jüs pals iseidons okis. Täno äsagom:

„Deli gudik! o söl e läd: „Gorman!” Bo ya esagoy-li oles, kikodo pevüdols ad kömön isio?”

Sölo: „McGorman” äsiom kapo. „Julacifod enunon obes, das drimitüvian slipalecema edatuvülon bosi mu dodiki in bal drimas ela Matthew. Äbinos-li bosfefik? o dokan!”

„Liedo si! o sölo: „Mr. ,McGorman”! Son olsik älabom drimi patädis kleilik lölimal relik sa mög prodädas bolitik äninädöli. Bo suemols, das mutobs kudön dö atos.”

Läd: „„McGorman” äprimof ad sloköön laodiko, ed ätegof logodi oka me nams. Sölo: „McGorman” äplöpom fikulo ad kipedön okreigi oka. „Son obsik... äbinom so gudik, so nomik, so mödipromö... lio mögos...” Vög oma ämoikon, älemufükom kapi.

„Sevob, das atos muton binön düföfik pö ols, ab bo davedols-la, das nosi dalobs riskadükön. Lifobs in vol, kö püd e fümöf bolitik dareigons. Mutobs dunöön vali ma mögs obsik ad kipedön stadi at nendöfa. Tumödikos pädedieton ad rivön stadi at; no dalobs leadön dinädis mögiko tupölis riskadükön püdi e läbi obas. Binobs demü atos ai galäliks tefü val, kel ovedon-la täd.”

„Klülö!” sölo: „McGorman” äsagom nelaodiko. „Binos baiblöfedik. Val ai muton padaküpediton. Tumödikos riskädikon.”

„Fredob, das suemol tikedöpi ova, o sölo: „McGorman”.”

Läd: „McGorman” – dönü labü okreig – läükof: „Gudos, das daküpedons drimis cilas, o dokan! If no elołolöf drimi oma, nek sevonöv, ad kis ovolfom-la. Udistukom-la vali, dö kis süadobs e demü kis ävobobs so düföfiko.”

„Gidetol lölöko, o läd: „McGorman”, ab no plu nedol kudön. Son olik no ovedom täd demü sogäd obsik. Ya ejäfikobs me atos.”

„Benö!” sölo: „McGorman” äsagom nelaodiko, säditretülo, e jimatan okik änutof siiko. „No kanobsöv lifön kobü son, kel oblinädomöv-la obes valik jemodi. Udädükos obis.”

„Kanol-li gevön obes fümi, das el Matthew no plu lifom?” läd: „McGorman” älebegof. „Mutob sevön osi, begö!”

„Kredolsös obi!” sanan äsagom. „Son olsik no plu lifom. Pemoikom demü kods netasefa, äsä notodot calöfik tonon. Ünu dels anik ogetols dokümis valik zesüdik. Tefü ols bofik, säkäd at ebemastikon. E danob ols demü tim e keyuf olas.”

„Danö! o dokan! Danobs oli demü val, keli edunol.” Sölo: „McGorman” älöädom de stul oka. Jimatan oma leigo älöädof, läükölo: „No kanol fomälön, viovemo säditretülob, o dokan!. No kanob kredön, das ugigidobs-la – igo if te mediko – demü tup gida e leoda. Gudos, das dinäd at nu paseton.”

„Kredolsös obi! No plu mutols kudön dö seimos. Labobs kontroli dö val. Nu sefols. Püdo kanols golön lomio.”

„Danö! o dokan!”, bofiks äsagoms kobo, ed ämogolons lölöko petakädükölo. ■

Planaglof grünik stäänikon love däsärt; kölag floras läikon lä sab vietik e sil blövik. Suno man tio pavilupom me planaglof bundanöfik; bims smalik süikons love bimüls, löpio bledölo. Ai nog man bleibom leküpälön me tik, nemufiko e jiniko no pefäkükölo dub utos, keli duinom.

Pos brefüp, däsärt lölik ecenon ad cöngul¹ fogülik; e ad lölöfükam cena, reinalefogs davedons; tegons soli, e leluimükons taili me lemödots vata. Atos votaflano födon glofi e stäänikami vemik utosa, keli no plu kanon pastöpädön.

Fino man maifükom logis oka, e seifom. Bo lefenom, suemoviko. Piano lefen bemastikon omi; falom sui kiens e lagom ini tail, äsva stanom su sveamasab. Pos brefüp nos oma retton; cöngul¹ ye – gerot oma – laidabinon ed ai stäänikon plu.

2. Dakonsäläm.

„Atos binon sumod lölöfik, o ‚Dr. Jacquemet’. Kluö! kisi cedol-li?”

„Dido cedob atosi rätöfiki e muifüköli, o ‚Dr. Sarkisian’. Somikos no binon sot drima, keli spetoy-la pö hipul bälldötü yels 7. Kim, esagol, binom-li?”

„Panemom ‚Matthew McGorman’. Drim at pesumodon bü dels tel, e sunädo ätirädon küpäli obik, bi nünömasit äpatöfon oni as „drim labü patädis dodik”. Älecedob materi saido fefiki ad zesüdükön dakonsälami ko sanan telid – ma büdüls. Fümo obaicedol, das no kanoy ludunetön drimi at äsva as fomäl bundanik hipula yunik dü slip dibätkit.”

„Fümo nö! Atos binon jenet fefik. Drim at ninädon näisinifis relik e bolitikis. Jonon kömi mana: kluö sanal, profetan, lelivükan seimasotik. Kömom ini vol, kel pakaladon as soalöföp: komulian metaforik sogäda, kel palecedon koldälik, düfälük, kruälük, fa guvareig^{**} tirenik pasumätüköl. Sanal ceinom atosi ad cöngul¹: taäd tata primik. Atos leigo binon komulian metaforik levoluta, efe moükama nämätanefa. Levolutans tiron slü oks nämädi e dugons sogädi ini lüod löliko nulik. Pos cein at sanal migikom ko vol; om e leod nulik fa om pejaföll vedons balät bal.”

„Kodan levoluta kluo pabenogetedom fa pöp asä gekömani. Levolut eplöpon.”

„Jenöfo plänob drimi somo. Lecedob hipuli riskädi to yun oma. Atos kanon te badikumön.”

„Klienob ad baicedön ko ol. Luverat, das pö hipul at seimna stimiäl kalada relik u bolitika osüikon sa desin ad lefailükön reiganefi, binon tu vemik, adas dalobs nedemön oni. Mobob, das ön jenet at lonülobes mesülis pötik.”

„Löliko baicedob. Täd at, do nog pülik, muton panosükön muprimo. Ön jenet at riskod binonöv tu vemik. Zu binosöv ta noms.”

„Benö! Onunob kluo pales sludi obsik.”

„Kanob bejäfön vobodi papürik. Ojonob ole nunodi oba, büä oloseidob oni.”

„Süperö! Odelo okosikob obi ko ol, täno.”

„Si! okobikobs odelo, döñulogö!”

* cöngul = „jungle, Dschungel” (ma vödabuk ela André Cherpillod).

** guvareig: Ba binosöv gudikum ad gebön vödi nulik necalöfik: *burokrat < ma sams: demokrat, plutokrat, raistokrat.

gö = ,gar, sehr, erst’ (vödabuk gretik fa el Schleyer; leigätod ,erst’ pämänioton sis dabükot telid vödabuka calöfik),

gö: ,quite (kuáit), véry (~i)’ (vödabuk fa el Scherzinger).

Bai ced obik, datuval ädütülom vödi Deutänapükik: ,gar’ (ko moükam konsonata finik), ed äsludom medü cen vokatas: a, ö < ad jafädön vödis Volapükik tel bai sinifs difik licinavöda Deutänapükik, sevabo: „ga” (vödül u linteplek), „gö” (ladvärb). El gö äkanon jäfidön as lim balid koboyümavöda, as sam:

gövem(o) (nutimo: levemo) = ,gar sehr, absolut’ (tradutods fa ‚Schleyer’), ,extremely; exceedingly’ (ma vödabuk ela Wood)

Ye kikodo üfo datuval ädatikom-li vödi: gödel? Leigätod mögik klülik „del vemik” äbinon-la tu bisarik. Ba pö jenet at päcänidons sinifs difik ela ,erst’ Deutänapükä. Vöd lätik kanon pagebön ud as ladvärb (Volapüko: primo, te), ud as vödül (Volapüko: ga, go, üfo), zuo labon sinifis difik, kels sekidons de tikodayumät. Sinif semik ela ,erst’ äbaiädon ko el gö ettimik Volapükä rigik, ab pö datik subsata yönädk: gödel < el Schleyer ba ägebom limi balid koboyümavöda, äsva äbinon-la leigasinifavöd tefü el ,erst’ lomänapükä omik ön sinifs valik. Luveratiko el gödel äkanon sinifön pro datuval eli „primo-del”, dili primik ü balidi (,erste’) dela.

Büocedob, das latikumo el Arie de Jong ävotükom vödis: gö, gödel. Finatonat: ö < kösömo jäfidon as poyümot u finot kaladik linteplekas, klu silab „gö” no binonöv pötöfik ad malön ladvärbi. Leigüpo el Schleyer it ägebom päri vokatas: a, o < ad distidön siämaröletavödis (sam: ba, bo). Ba pos vätl dinädas somik el Arie de Jong äsludom, das el gö Volapükä rigik ömuton vedön el go. Nog latikumo silab: gö! < in Volapük evedon leigätod lintepleka Linglänapükä: „go!”. Nen ladvärb yönädk „gö” koboyümavöd: gödel < binonöv nesuemovik, sekü kelos revidan Volapükä äkanom brefükön eli gödel ad prodön rigavödi nulik: göd. Jenäd ceinas tefik pemagon medü skemat.

	El Schleyer	El Arie de Jong	
Deut. ,gar’	ga! ,doch! nur! (1880) ,ja! (1885), = vo! (1888) gä! ,doch ja! (1888)	→	ga (nen votükam) ga sio (pla el „gä!” büük)
	gö ,gar, sehr’ (1880), ,erst’ (1882)	→ gödel ,Morgen (Frühe)’ (1880)	go (pla el „gö” büük) gö! (pla els „susö!”, benö!”, „givö!” büiks)
Lingl. ,day’	del ,Tag’ (1880)	→	göd (pla el „gödel” büük)

Vöd sümik ad el göd ma pron e siäm: göl < petanäton fa ,Zhang Yutong' ko el ,vroeg' (gölik, gölo) Nedänapükik. Mod dütula vöda et jinon binön mögik (primatona pamoükön ad vitön gru pi konsonatas, el ,r' paceinon ini el „l”, el ,oe' paceinon ini „ö” — ba ma noms Deutänapiükik reida, — e fino stamäd pagüükön). Subsat: göl < i dabinon in Volapük nemu sis yel: 1880. Binos nitedik, das datuval äkazetom siämaröleti ona tefü el gödel, samo änunom in vödabuk gretik oka:

göl = „die Frühe”; (gödel)

Ba is mäniot ela gödel äbinon jonäd ad tef tümologik vödas bofik. Büocedob, das el Schleyer äceinom brefükölo vödi: gödel < ad el göl, medü kelos äkoedom pubön rigavödi nulik ko sinif valemekum.

El glib.

Ma vödabuk tümologik pemäniotöl, stamäd at elicinon-la de värb Rusänapükik „progulivat”. Ye cedob, das ma siäm vöd at Rusänapükä leno tefon eli glib. Rusänapük labon värbis sümik sököl:

- eli „progulivat” (no visitön desino, nedemön; sam: „progulivat” shkolu, uroki’, sevabo: „no visitön desino juli, no pubön in tidöp”),
- eli „progulivat’sja” (spatön).

Fe sinif: „spatön” < boso sümon ad els „glibön”, „zigolön”, „zitevön”, ab cedob, das pö jenöt at licinavöd äbinon vöd votik ko tonatakoboyumot ot: „gli” (nen el ,u’ zänodo). Primo äbüocedob, das sotül lönedik binon-la vöd seimik tevi teföl, as sams: latinik „peregrinari”, Litaliyänapükik „peregrinare”, Fransänapükik „périgriner” (sevabo: tevon, zitevön), Spanyänapükik „peregrino” (sevabo: tevan). El Schleyer fasilo äkanom votükön eli „gri” ini „gli”.

Ye poso eküpob, das sinif stamäda: glib < pevotükön in Volapük perevidöl leigodü Volapük rigik. Numi mödikün vödas yönädkö ko stamäd at äninanädon vödabuk gretik fa el Schleyer, kö kanoy reidön sökölosi:

glib = „Liederlichkeit”

gliban = „Bruder, Liederlich, Gauner, Strolch, Stromer, Tagedieb...”; (japan)

gliben = „Strolcherei”

glibik(o) = „liederlich”

Klu el gliban timäda di „Schleyer” kanon patradutön me vöds mödik Volapükä nuik, as sams: *jäpan*, *luman*, *gagan*, *hislapan*, *nestönan*, e ret. Täviäl ettimo äbinon patöf bal glibanas e pämalön dub defomamavöd: „gliben”, no dub rigavöd: „glib”, äsä nutimo. Atos dälon ad niludön, das rufom ela glib kanon tefon logoti gagik u slapiki, äsä vöds sököl: „negligent” (ladyek Linglänapükik), „négligence” (subsat Fransänapükik), „négligé” (ladyek Fransänapükik). Te votükam (ba fa el de Jong) sinifa rigavöda: glib < tuponöv ad küpon tefi tümologik at.

* * *

Fövot su pad: 81.

Fövot de pad: 76.

Küpedots e niluds löpiks oba blöfons, das semikna zesüdosös ad vestigön Volapükí rigik, if viloy tuvedön säkädi licina rigavöda semik. Volapük, äsä natapüks, ävolfon dü degyels mödik, sinifs e foms vödas ona ävitikons, e tümologans suvo mutons demön votikamis somik. ■

Fonäts anik pegeböö.

,Zhang Yutong’. Vödabuk tümologik stamädavödas Vpik. Dabüköt 2^{id}. Yel: 2017. (Pepübon bevüresodo pö grup ela Facebook:

<https://www.facebook.com/groups/volapukalised/files/>.)

,Philipps Hermann’ (redakan). Fövots fa ,Arie de Jong’ sa vöds se „Vpagased pro Nedänapükans” e vödemä calöfik votik. ,Bonn – Bad Godesberg’, yel: 2019. (Pepübon bevüresodo pö grup pemäniötöl ela Facebook.)

,Schleyer Johann Martin’. Disin volapükä e volagramata pro kulivans netas valik tala. „Sigmaringen”, 1880.

Otan. Vödabuk Vpa, dabükots 2^{id} (1882), 3^{id} (1885), 4^{id} (1888; tiädü „Vödabuk gretik Vpa”).

,Scherzinger Arnold’. Vödabuk lölöfik stamädas Vpa. ,Konstanz’, 1897.

,Wood M. W.’ Vödabuk Vpa pro Linglänapükans. ,New York’, 1889.

(Buks tumyela XIX^{id} pepübonds pö bevüresodatop:

<https://sites.google.com/site/mekavapuqkav/home/vp>.)

LELIVÜKAN / MEDOMOÜKAM.

Fa ,Frank Roger’ tiädü „The Saviour / Redemption”; tradutod fa ,Hermann Philipps’.

1. Midun.

Däsärt. Zedeladüp.

Soalöp nosöfik peflamädöl fa sol glutik lifi alik nemögüköl.

E too: Man stepom mayediko love sapaplen hitik vietik. Nüdom, ab hit no jinon viodön futis nenjelik oka, ni kap nenherik oka sufon dub bestralam vemöfik fa sol. Koap mana lölöliko paelon, äsva skin oka no kanon braunikön, ud äsva no ibinom plödü dom dü tim vemo lunik, e nu pelevokom ad blig klänöfik seimik.

Man laigolom vifädkö, äsva fümäliko lüodikom äl vasov, kel no dabinon jenöfo, ab te in fomäl oka: magälod, keli te om kanom logön, bi atos binon soalöp nenriflik, kö nos ropon leigafomöfi saba, kel fläkon sunaliti nensofik.

Täno man süpo stopom e färmüköm logis me leküpäl vemöfik me tik. Dü timil nos jenon. Kanoy-la cedön, das man efösilikom, milafiko ad magot ecenölo.

Süpo blads anik sprotöns da sab lä futs oma. Klülos, das man at ekodon pubi planaglofa no pespetöla at, ed atos binon te prim. Frons leküpäla me tik vemikons su logod mana, e jenäd, keli emufädükom, vifikumon.

Yeb mödikum pubon, jüs man stanom zänodü sirkaplen planaglofa grünik ai plu veitiköla. Täno ebo fo om, bimül smalik süikon, e vifiko votiks anik sökons.

II.

Cämacalan: „Kovaljov’ < ägalikom go gölo ed äkoedom tonön: „Br-r-r-r...’ < medü lips. Ädunom so pö naed alik, kù ägalikom, do om it no äkanom plänön, sekü kod kinik äbitom so. Hiel Kovaljov ätenükom oki, ed äbüedom lügivön oke loki smalik su tab ästanöli. Ädesinom ad lülogön bulädili, kel äsoariko ipubon lä om su nud. Ab — ad stun vemik oka — älogom, das pla nud pö om top vero kamik äbinon! Idredikölo el Kovaljov büedom lügivön vati, ed äkluuinom logis me särvätül: „Vö! nud fabinon!” Äprimom ad senidön me nam, bi ävilom seivön, va nog äslipom-la; äjinos, das jenöfo no äslipom. Cämacalan: „Kovaljov’ < älöjutedom se bed, älemufükom oki: nud fabinon!... Sunädo äbüedom lüblinön klotemi, ed äjutedom nemediko lü löpapoldacalal⁶.

Fövot ofovon in gased novula.

Noets.

- 1 Fonäts difik no baibinons tefü dät at. Ma namapenäd: „Febula ayelik dela 23id”; ma pübot balid (in gased tiädü „Timakompenan”, ü: „Sovremennik”, yel: 1836, toum kilid): „Prilula ayelik dela 25id”. Mäzul pemänioton in sotül lätik dü lifatim ela Gogol’ pepüböl. Dät at no binon fädik, bi ettimi in Rusän del 25id mäzula da län lölik päzelon calöfiko as zäl kritik pötü lenun ele „Maria”. Zäl et noe äbinon relik, abi tatik. Ün zäladel et kultipläg lezälik päjenükön in glüg alik, pö kelos bai lonem tata calans (klüliko in galadaleigeds) älabons bligi ad komön. Ma dinäds at hiel Kovaljov sovemo äfääkädirom: ün del jenota veütik pro karier no äkanom labön logoti lönedik, bi nud ädefon pö om, zuo sekü def somik äbinomöv plekan plödakösömkün se valans ninü glüg. Ma kösömots pöpik, ün del ot ädaloy datuvülon magivölo fütfüri. Bo sekü atos el Kovaljov äyümäatom peri nuda okik ko jäf jimagivanas bälidik seimik, ed igo ko maledit.
- 2 Blüd äbinon ettimi lekälämod sevädkä ä so aldelik, das noe sanans „äkoedons seflumön bludi”, abi jeifans. Ye näpenäd in konot penunöl no binon lölöfiko suemovik sekü gebäd pönopa nefümik e sekü def ladvarba „is”. Atos vedükön seti boso klänöfiki, e pösodi jeifana miklänöfiki. Ma tikodasoziat kanoy memikön, das bai fomälods yönädkä pöpa Rusänik medinamans ä himagivans id äkanoms-la lekälön medü blüd (ed otans äkanoms-la malediton).
- 3 In namapenäd pos el „drinön kafi” pepenos: „ed älentanof spogi slenik len klot kotinastofik oka pro skiläd gudikum pö jäfs tefü lönakonöm.”
- 4 In namapenäd pla el „ästürülom sali” pepenos: „ästürülom fomü belil sui tabastofed sali”.
- 5 Dinit cämacalana (titul klada jölid ma el „Taib dö dinit”: gredätalesed lampöräna Rusänik) äbinon donikün utas, kels ägevons gitäti ad geranoub (jü yel: 1845).
- 6 Is lim: „löpa” sinifon eli „Ober”. Löpapoldacalal äbinom cif büra kondöta gidöfik pö poldabür zifik, ed äbejäfom midunotis pülik.

NUD.

Fa el Nikolaj Gogol’ tiädü „Nos”; petradutöl se Rusänapük fa el Daniil Morozov.

Fovöds tradutana.

El „Nud” binon konot vemo sevädk hiela Gogol’. Ye sänsur ettimik ädämükön oni, e timakompenans no äkanons seivön difülis valik desina rigik lautana. Ün tumyel teldegid moäds somik pesäduunons in pübots Rusänapük, e no padönuons sis degyel: 1920^{id}. Ye tradutans fuginänik mödik bleibons gebön vödemi no penätüköli de lifatim ela Gogol’, sodas reidans netas anik jünu sevons nosi dö pats ömik konota. Sotüls difik distons mu pato pö bepenam telspikota vü mayor e nud oma, sevabo tefü utos, va spikot päjenon in glüg, u va in maket. Äsä spod ejonülon, el Gogol’ it äbüologom taduni tefik flanaü sänsurakomitetaef. Samo äpenom ün yel: 1835 < ele M. Pogodin: yufan okik tefü notükam lautotas:

„Pö jenet, üf sänsurakomitetaef stupik olas oküpälon-la leskano ad utos, das Nud no kanon binön in glüg di „Kazan”, bo täno okanonöv palovepolön ini glüg katulik. Ye no cedob, das sänsurans ya ebinons-la sovemo dalienetiks.”

Too mäniot tema alik peproibon. Vätälölo dinädis sümik, nunob medü küpets reidanes dö dists beväi sotüls difik vödema. Büü idunikob traduti at, ob it no änlob, säkädis sänsurik kelik el Gogol’ istefom ad bemastikön. Kio nitedos ad tradutön lautotis klatädk!

I.

Tü mäzul 25¹ bos vemo bisarik äjenon in el Peterburg. Jeifan: „Ivan Jakovlevich”, len lesüt Sülioegama lodöl (famülanem oma peglömon, ed igo len völ doma omik su selagaplatäd — kö pemagons söl ko cüg labü sobasköm, e zuo näpenäd: „I koedoy seflumön bludi”² — nos votik penunon), jeifan: „Ivan Jakovlevich” ägalikom go gölo ed äsmeilom smeli boda fliflik. Ilöökölo bosilo oki su bed, älogom, vio jimatan omik: läd saido gravik, jikel vemo älöföf ad drinön kafi³, äsüramenof bodedis änu pibakölis se furnod.

„Adelo, o „Praskov’ja Osipovna”! no odrinob kafi”, el Ivan Jakovlevich äsagom, „pla at vilob fidön bodedili hitik ko beb.”

(Jenöfo el Ivan Jakovlevich ökonsumomöv e balidi e votiki, ab ya äsevom, das öbinosöv vero nemögik ad begön dinis bofik otüpo, ibä jiel Praskov’ja Osipovna no älöfilof ledesiri somik.)

„Fopan at fidomös bodi! so ga obinos gudikum pro ob it”, jimatan ätikof ninälo, „bi por nog bal kafa oreton.” Ed äjedof bodedi bal sui tab.

El Ivan Jakovlevich födü gidöf älenükom trelülaguni love nijit oka e posä iseidom oki leni tab, ästürülom sali⁴, äblümükom bebis tel, äsumom neifi me nams, e ko logodanotodot gravik äprimom ad kötön bodi. Posä ikötom bodi ad lafs tel, älülogom lü hog zänodü ons, ed ad süpäd okik äloegom vietön bosi. „Ivan Jakovlevich” ästürülom prüdiko oni me neif ed ädoatom. „Binos solidik”, äsagom ninälo oke, „kin üfo kanon-li binön us?”

Änüsteigom doatis oka ed äseramenom... nudi! El Ivan Jakovlevich igo äleadom lagön namis oka; äprimom ad röbön logis oka, ad doatön yegi: „Binos nud, vo binos nud!” Zuo äjinon pö om dutön lü sevädan seimik. Lejek äpubon su logod ela Ivan Jakovlevich. Ye lejek et äbinon-la nos leigodu sidin ut, kel äglepädon jimatani omik.

„Kiöpo üfo edekötöl-li nudi? o lunim!” ävokädof zuno. „O jäpan! o ludrinan! Ob it oträtülob poldanefe dö ol. O midunan kiom! Ya mens kil esevedükons obi dö utos, das pö jeif so vemo tirol nudis, das tio defalons.”

Ab el Ivan Jakovlevich ädredikom deadio. Ämemosevom nudi at: äkanon dutön lü nek votik pläämu hiel ,Kovaljov’: cäamacalan⁵, kelani äjeifom alvigo tü vedel e sude.

„Saidö! o ,Praskov’ja Osipovna’! Ovilupob oni ini särvätül ed oseitob oni lä spadül seimik cema. Oseatonös us brefüpo, e latikumo omoblinob oni.”

„Igo no vilob liliön vödis ola! Vilol-li üfo, das oleadof seatön in cem obik nudi pedekötöl?... O nenladälöfan kiom! Te skilom ad mufükön jeifömi love küired, ab suno leno ofägom ad fölon bligis oka as matan! O miotälan! o kanayan! Cedol-li, das omutob papönön fa pold demü ol?... Ag! ol, o gagan! so lestupik, äsvo blög breini no laböl! Moükolöd oni! moö! sepololöd seimio, kö vilol! sodas vero nos omemükönöd obi dö nud at!”

El Ivan Jakovlevich ästanom, äsva pideidom-la. Äletikom, ai fovo äletikom, ab no äkanom dagetön kludodi seimik.

„Ba diab sevon-la, vio atos ejenon”, fino äsagom, du äkratom me nam pödü lil oka. „Va äbinob brietik, u no, ven ädelo ägekömob lomio, no plu kanob sagön. Too ma dinäds valik jenot at muton binön nemögik, ibä bod binon din pebaköl, ab nud binon din vero votik. Kanob suemön nosi!...”

El Ivan Jakovlevich ästopedom ad spikön. Tikod dö utos, das poldans ötvuvons nudi lomü om ed ökusadons omi, ävedükon omi lölöfiko däsperiki. Ya äfomälom koleti bludaredik jöniko me largent pesimädöli, deni... E koap lölöfiko oma ädremon. Fino äsüramenom donakloti okik e butis, älenükom oke dinis valik at e pö duged meibas grobik de ,Praskov’ja Osipovna’ ävilupom nudi ini särvätül, ed äsegolom lü süt.

Idesinom ad dopladön seimio vilupoti, sevabo ud ad öönüseiton ini disstütot dis leyan, ud ad ökoedön falön oni ön mod seimik jiniko nendesino, e poso ad öflekön oki lü näilusüt. Ab liedo ai dönu äkolkömom sevädani seimik, kelan sunädo äprimom ad seividön: „Kiöpio golol-li?”, u so: „Kimi edesinol-li ad jeifön so gölo?” Klu ,Ivan Jakovlevich’ ön mod nonik äplöpom ad stebedön timüli pötik. Votikna ya äkoedom falön oni, ab galädan fagao äjonom ome me halebard, sagölo: „Lösumolöd! Ekö! eleadol falön bosi.” Ed el Ivan Jakovlevich ämutom lösumön nudi, ed äklänedom oni ini pok okik. Däsper äbemastikon omi, mu pato sekü utos, das menamödot daduliko ägretikumon pö süt, du selidöps gretik e smaliks ämaifikons.

Äsludom ad golön lü pon di ,Isakij’: „Ba ön mod seimik jed ona ini vats ela ,Neva’ oplöpon-li?...” Ye bosilo döbob, das jünu konob nosi dö el ,Ivan Jakovlevich’: men stümbabik demü patöfs mödik.

El Ivan Jakovlevich, äs feboden ritik Rusänik alik, äbinom ludrinan hölöfik. Do aldelo äjeifom cünis votikanas, cün lönik oka neföro klino päjeifon. Trelülagun ela Ivan Jakovlevich (,Ivan Jakovlevich’ neföro älenlabom guni) äbinon vielik, kuratikumo: jenöfo äbinon blägik, ab labü stens podasümik braunayelovik e gediks; kolet änidülon demü smivov, e pla knops kil teiko fadils älagons. El Ivan Jakovlevich äbinom künidan vemik, e ven cämacalan: ,Kovaljov’ < kösömiko äspikom ome pö jeif: „Lä ol, o ,Ivan Jakovlevich’! nams ai mismelons”, täno el „Ivan Jakovlevich” ägespikom säki: „Ma kis üfo mismelons-li?”

„No sevob osi, o flenädan! ab mismelons”, cämacalan äsagom, e täno demü vöds et el Ivan Jakovlevich posä isnüfom tabaki äsmivom sobaskömi sui cüg oma, e doniü nud, e pödü lil, e doniü balib — brefikumo sagölo: valöpio, kö ävilom.

Sifan stümbabik at ya ästanon su pon di ,Isakij’. Primo äzilogedom; poso äbiegädom stutölo su balutastutöm, äsya ävilom-la logön dis pon, va fits mödik u nemödiks äsvimons, e täno äjedom nenkürido donio särvätüli labü nud. Älibisenikom so vemo, äsya bos ko vetot mö pauns foltum sunädo ifalon-la de bæk oma. El Ivan Jakovlevich igo älusmilom. Plas ägolom ad jeifön cünis calanas, älüodikom lü stitod ko platäd: „Zibs e tied” < ad begön us väreti bijopavina, ab süpo äküpom len finot votik pona haratapoldani ko logot cädik, cügabalibs veitik, hät killienik, den. Ästanom nenmufo; vüo haratapoldan ävinegom omi me doat ed äspikom:

„He! Kömolös isio! o flenädan!”

El Ivan Jakovlevich, äjonülälo oki asä plütavani, ya in fagot vemik ädeükom häti oka, e posä inilikom muvifo, äsagom:

„Vipob sauni ore, o cädal!”

„Nö! nö! o flenädan! no nog binob cädal. Sagolöd, kisi edunol-li us, du ästanol su pon?”

„Yulob nämäti God, o söl! Balugiko ägolob ad jeifön, ab äsludob ad küpedön, va vifiko flumed äflumon.”

„Lugol, lugol! Plän at no saidon. Binolös so flenöfik ad gespikön snatiko!”


„O cädal! Obligidob bligi ad jeifön ori nen taspiks seimik telna a vig, nö! igo kilna”, el Ivan Jakovlevich ägespikom.

„Nö! o flenädan! Atos binon luspikot. Jeifans kil ya jeifoms obi, zuo lecedoms osi benofäti vemik. Benö! gudikumo binolös flenöfik ad konön, kisi edunol-li us?”

El Ivan Jakovlevich äpaelikom... Ab tü timül ot äsvo fog klänedon lölöfiko jenoti, e sevoy vero nosi dö utos, kelos poso ejenon.

VEDOLSÖS SAPIKS MEDÜ EL AISOPOS!

Se ,*The Aesop for Children, Rand McNally & Company, Chicago', 1919,*
ko magods fa ,Milo Winter'. Tradutod fa ,Hermann Philippss'.



Benodis gudikün obsik suvo padigidons nemödiküno.

The Plane Tree

Two Travellers, walking in the noonday sun, sought the shade of a widespread tree to rest. As they lay looking up among the pleasant leaves, they saw that it was a Plane Tree.

"How useless is the Plane!" said one of them. "It bears no fruit whatever, and only serves to litter the ground with leaves."

"Ungrateful creatures!" said a voice from the Plane Tree. "You lie here in my cooling shade, and yet you say I am useless! Thus ungratefully, O Jupiter, do men receive their blessings!"

Our best blessings are often the least appreciated.

Platen.

Tävans tel in solaglut zedelik itevölo, äseitoms okis ini jad bima labü bledem vidik, ad takädön. So äseatölo älogoms löpio lü bleds plitik, ed äküpoms, das bim äbinon platen.

„Kio nenfrutik platen binon!" bal omas äsagom. „No prodon flukis, ab neklinükön gluni me bleds."

„O jafäbs nendanik!" vög de platen äspikon. „Is seatols in jad koldülüköl oba, e too sagols, das binob nenfrutik. So nendaniko, o ,lupiter'! mens lüsumons benodis!"



Glidis Volapükaflenes valöpo!

Pro mens mödik fluküp binon säsun lügik. Dönu koldikos su talaglöpalaf nolüdik. Dönu litikos latikumo e dagikos gölikumo. Dels brefikumons, ed alneito mens soelons ko oks it dü tim ai lunikum. No plu kanons fegeböö timi dub dajäf komunik so vemo, äsä dü hitüp. Plao mutons meditön plu dö ok it, dö lif oka, e valemo dö komunagol dinas. Ömans täno klienons ad nenspel ed igo däasper, bi in Zänoda-Yurop säsun koldik dulon zao mö yel lafik. Magäd semik dö atos ba kanon pagevön dub vödem lida Rusänapükik, keli kadäman: ,Zhang Yutong' etradutom ini Volapük, e kel patuvon su pad: 86 < gaseda at. Ekö! is binon poedot fa lautan Deutänik: ,Theodor Storm', kel ön mod sümik binon lügik:

Love brüyäralän stepob
e dumiko glun ketonon.

Fluküp kömon — florüp moon,
dü tim jönik et letikob.

E fogs gedik in lut vebons;
plans blägikons dub def sola.

Ag! kiopo-li jön lifa
e lelöfa oba binons?

Valans ye lönfons fluküpi. Binon säsun vielik, ün kel dins e dinäds madikons. Suvo ya kanoy logön floragnobis as spel tefü yel okömöl. Ömna tikob, das fluküp i binon semo parab bälđüpa gudik: Piano lif bälđikana peron „bledis" oka, du otan nog fredon dö utos, kelosi äfimekon dü lif pasetik.
Ab lif nulik ya primon ad davedön.

Fluküpi e primi nifüpa jönikis reidanes valik
vipom cifal e redakan:



H.P.L.-RFS

Hitüp ofinikon / „Konchitsja leto’.

fa ,Viktor Tsoi'; tradutod fa ,Zhang Yutong'. Kanols dalilön lidi at pö ,<https://www.youtube.com/watch?v=MVhMGdsHYsA>'.

Sekurbob televidi; penob ole penedi,
Das no plu kanob logedön jodis at,
Das no plu dabinon näm,
Das tio äprimob ad drinön, ab no äglömob
oli,
Das telefonöm ätonon, dat ögalikobös,
Öklotob obi ed ögolob, u jenöfo örönob,
Ab te äsagob one: „Maleditöl!“
Äsagob, das ämalädöb ed no islipob dü neit et.

Stebedob gespiki. No plu dabinon spel.
Suno hitüp ofinikon.
Hitüp at...

E so benofäтик binon stom, das reinos sis
dels fol,
Ab in radion päasagos, das igo jad öhiton
Ab too in jad, kö binob,
Nog binos sägik å vamik, ab dredob nu...
E dels pasetikons – dü del bal fidobs, dü
dels kil drinobs,
E valemo lifobs frediko, do reinos plödü
fenät.
Tonodisumodöm edädikon,
Seadob in stil, keli plidob vemo.

Stebedob gespiki. No plu dabinon spel.
Suno hitüp ofinikon.
Hitüp at...

Plödü fenät stanon bumäd, kö tovian jäfidon,
E sis yels lul äfärmon staudöp in gul,
E su tab stanon luflad,
Ed in luflad stanon tulip, e len fenät stanon vær.
E somo yels opasetikons, i somo lif obsik
E tumnaedo sändvig ko bör ofalon.
Ab mögiko pu ün del semik,
Mögiko ün düp semik olabobs-la benofäti.

Stebedob gespiki. No plu dabinon spel.
Suno hitüp ofinikon.
Hitüp at... ■

Ja vyklyuchaju televizor, ja pishu tebe pis'mo
Pro to, chto bol'she ne mogu smoret' na
der'mo,
Pro to, chto bol'she net sil,
Pro to, chto ja pochti zapil, no ne zabyl tebja.
Pro to, chto telefon zvonil, khotel, chtoby ja vstal,
Odelsja i poshjol, a tochnee, pobezhali,
No tol'ko ja ego poslal,
Skazal, chto bolen i ustal, i ehtu noch' ne spal.

Ja zhdu otveta, bol'she nadezhd netu.
Skoro konchitsja leto.
Ehto...

A s pogodoj povezlo – dozhd' idjot chetvortyj
den',
Khotja po radio skazali – zharkoj budet dazhe
ten'.
No, vprochem, v toj teni, gde ja, poka i sukho i
teplo, no ja boyus' poka...
A dni idut cheredom – den' edim, a tri p'jom,
I v obshhem veselo zhiyom, khotja i dozhd' za
oknom.
Magnitofon slomalsja,
Ja sizhu v tishine, chemu i rad vpolne.

Ja zhdu otveta, bol'she nadezhd netu.
Skoro konchitsja leto.
Ehto...

Za oknom idjot strojka – rabotaet kran,
I zakryt pjatjy god za uglom restoran.
A na stole stoit banka,
A v banke tjul'pan, a na okne – stakan.
I tak ujdut za godom god, tak i zhizn' projdot,
I v sotyj raz maslom vniz upadjojt buterbrod.
No mozhets budet khot' den',
Mozhet budet khot' chas, kogda nam povezjot.

Ja zhdu otveta, bol'she nadezhd netu.
Skoro konchitsja leto.
Ehto... ■

Pötü „del bevünetik sana lanik“ tü tobula del 10^{id}
konotül sököl esüikon pö mem vicifala: ,D. Morozov'.

Vom äkönof lü lienetisanan ed äplonof:

„Himatan obik vo labom lanamalädi seimik. Fomälolös! algödiko,
posä edrinom tiedi, fidom boväli.“

„Liö! E kis-li? jenöfo fifidom-li boväli lölik?“

„Nö! leadom blibön gleipedi.“

„Ö! kiobisarik atos binon! Ga nendoto gleiped binon dil beno-
smekikün boväla!...“ ■

KORÄKOTS TEFÜ GASED TOBULA.

Vicifal: ,Daniil Morozov' etüvom pökis sököl.

- 1) **Su pad: 81, in kedet 14^{id} donao:** sapaplen → sabaplen;
- 2) **in kedet 6^{id} donao:** milafiko → milagiko;
- 3) **in kedet 5^{id} donao:**
 - a) blads anik sprotoms → bleds anik sprotoms;
 - ä) man at ekodon → man at ekodom.
- 4) **Su pad: 82, in kedet 16^{id} löpao** (kapit: „Dakonsäläm“):
labü patädis → labü patäds;
- 5) **in kedet 15^{id} donao:**
Kodan... pabenogetedom... asä gekömani. → ... as geköman.
- 6) **Su pad: 83, in kedets: 8^{id} e 10^{id} < löpao** saitamalüls pla
foginamalüls pepladons lä famülanem läda: ,McGorman';
- 7) **in kedet 9^{id} löpao:** sa mög → sa mögi (u: labü, ko mög);
- 8) **in kedet 13^{id} löpao:** „davedols-la“ → dasevols-la.
- 9) **Su pad: 84, in südöfatidod faba:** cedü nilädana → cedü nilädan.



Noets.

- 1 Sis yel: 1809 < lisitans pro gredät cämacalana ämutons sufön xami pö nivers tefü nolavs sököl: nolavs literatik ä pükiks, gitav, jenav, nolavs füsüdik ä matematiks. Ye in ziläks anik lampöräna calans dinitas ömik ädefons, sekü kelos us promuv ad dinit löpikum päfasillükon. Sümikos ätefon Kaukasäni, kö ädaloy promuvön ad cämacalan nen xams e diploms zesüdik. Vöded: cämacalan Kaukasänik < äbinon sevädik timü „Gogol“ ad malön calanis ut, kels no saido pidugälöns. Tapladü utans id ädabinons cämacalans nolik, kelans ilärnons valikosi zesüdik.
- 2 Fe dinit cämacalana demü klad efe jölid äleigon lä dinit mayora pö milit, ab dünaad militik pälecedon stümbabikum e riskädikum, e ma lon calan sifädik no ädalom gebön pö titulam vödedi tefik pladätema militik. So hiel Kovaljov äbitom as dobanouban ä nefölan lonas.
- 3 In pübots dü lifatim lautana ladyek: poldik < ädefon.
- 4 I Kovaljov äspetom ad dageton diniti löpikum, bi ädutom lü klad jölid, ab äneodomöv kladi nemu velidi pro vobaplads, dö kels ädrimälom. Dido pos dün dü yels tel bisü sikots ömik cämacalan äkanom dageton bü tim kösömik diniti fovik, efe tituli: kurakonsälal.
- 5 Plümäd äjonülö, das dalaban häta äduton lü cifodans löpik. Lon Rusänik ettimik ätonon: „Plümädi su hät dalons labön te dinitans klada balid u telida pö kur lampörök, lezälamastans, kurasöls, leskvairs, ven lenlabons leigedis patik pro kurasog“.
- 6 Mäniot leglüga di „Kazan“ in dabükots Rusänik kösömo pageblinon ma namapenäd. In buks tumyela degzülid el „fo ,Gostinyj dvor“ päbükon pla el „fo leglüg di „Kazan““. El Gostinyj dvor (vödiko: yad pro lotans) äbinon nem piada u bumota patikas pro tedans. In lezifs els Gostinyi dvory suvikumo äbinons bumots, kels boso äsumons ad leselidöps nutimik.
- 7 Ma pübots ettimik pla el „ini leglüg“ mutoy-la reidon: eli „usio“.
- 8 Ma pübots ettimik pla el „ed änugolom ini glüg. Us nino plekans nemödik ädabinons“ pareidon-la el „Us nino mens nemödik ädabinons“.
- 9 Ma pübots ettimik pareidos-la: „sludikön“.
- 10 Ma pübots ettimik pla el „stanön oni soaliko“ pareidon-la el „stanön oni len canaboed“.
- 11 Ma pübots tumyela degzülid pla el „ko notod relöfa vemikün äplekon“ mutoy-la reidon: eli „ko küpäl vemik ädalogen canis seimik“.
- 12 Ma pübots ettimik pla el „no ävotükön jästädi devodik oka ed äbleibon biegön talio“ pareidon-la el „no ävotükön jästädi oka.“
- 13 In dabükots tumyela degzülid vöds: „In glüg!“ ädefons.
- 14 Ma namapenäd pla el „diniti“ pereidos: „cali proviniguverana“.
- 15 Pö buks e gasesd tumyela degzülid mäniot jäfüdas dabinotik defon, e pla el „dunodön pö senät u pu ön jäfüd gitäda. Obo tefob jäfüdi nolavik“ pääbukos: „dunodön ön jäfüd votik“.
- 16 In dabükots tumyela degzülid dil: „ed äfövon ad plekön“ ädefon.

Fövot ofovon in gased dekula.

NUD (II).

Fa el Nikolaj Gogol' tiädü ,Nos'. Petradutöl se Rusänapük fa el Daniil Morozov.

Ye primo sötob nunön bosi dö ,Kovaljov', dat reidan kanon suemön, cämacalan sota kinik etan äbinom. Cämacalans ut, kels dagetoms diniti at yufü diploms nolavik, leno daloms paleigodön lä cämacalans ut, kels peppromuvoms in Kaukasän. Sots et binons mu distiks. Cämacalans nolik... Ye Rusän binon län so bisarik, das if penoy bosi dö cämacalan bal, tän cämacalan topa alik, de ,Riga' jü Kamtjakän, fümo cedomöv, das lautan ediseinon ebo omi. Otos tefon i dinitis e gredäts valikis. El ,Kovaljov' äbinom cämacalan Kaukasänik¹. Te dü yels tel ästadom in dinit at, kludo ün timül nonik äkanom glömön tituli oka; zuo ad gevön oke cädi e veüti mödikumis, neai änemom oki cämacalani, ab ai mayori². „Dalilolöd! o jidigikan!“ äsagom kösömiko, ikolkömölo pö süt luvomi, jikel äselof bavetis, „kömolöd domü ob! löt oba binon len süt: ,Sadovaja'; if te usäkolös: „Is mayor: ,Kovaljov' < lödom-li?“ tän alan ojonon ole lödöpi obik.“ Ed if äkolkömom jiseimani bätodik, tän plä vöds et ägevom ofe büdülis klänik, ed äläükom: „Osäkolöd! o löfab! dö löd mayora: ,Kovaljov'.“ Vätälölo atosi, i rajaobsös denu ad nemön cämacalani at asä mayori!

Mayor: ,Kovaljov' < äkösömom ad spatön aldelo ve lesüt di ,Neva'. Kolet baveta omik äbinon ai vemo piklinüköl ä pimaedädöl. Cügabalibs oma ädutons lü sot ut, keli i nu nog kanoy küpon pö geodetans ziläkik, pö bumavans e sanans rejimenik, i pö utans, kels ledunoms bligis poldik³ valasotik; valemo pö mans valik et, kels laboms cügis klöpfik ä redikis e kadapledoms vemo gudiko eli ,boston', sevabo: cügabalib somik zugon kurato zänodo su cüg ebo jü nud.

Mayor: ,Kovaljov' äkepolom ko ok snilalinis sardik mödik, efe labü sköts, id utis, su kels pinüködos: „vedel“, „dödel“, „mudel“, e r. Mayor: ,Kovaljov' < ikömom lü ,Peterburg' sekü neod, sevabo ad sukön vobapladi pötöfik ma dinit oka: ifü benoplöp övedomöv viguveran provina, ud igo dalagal pö diläd veütik büra seimik⁴. Mayor: ,Kovaljov' < i no ädodomöv ad matikön; ab te pö jenet et, das jigam ölaboföv katädi mö ruabs teltummil asä gamagivoti. Klu reidan nu kanon cödön ito: ini stad kinik mayor et ärefafom, ven ilogom pla nud saido jönik ä nomik topi fopik, kamik e smufiki.

Äsvo pro vemikam ditretas bökan nonik äsükom pö süt, e pämütom ad futogolön, posä ivilupom oki ini mäned oka ed iveauom logodi oka me särvtü. Äbitom so, äsvo äbludom-la. „Bö! bo halud äkanon-la süükön pö ob. Voiko no ämögos, das nud änepubon splödülo“, ätikom ed änükömom desino ini nibotöp ad lülogön oki in lok. Läbo dunetäbs äfabinons in nibotöp; hipuls äsvipoms cemis ed äpladoms stulis; seimans omas ko logs slipöfik älüblinoms kekilis hitik su bötabövä; su tabs e stuls gasesd ädelik me kaf pibegifüloës äseatons brulo.

„Benö! Gode dani! nek dabinon is”, äsagom, „nu kanob lülogön.” Neküniko änilikom lä lok ed älagedom: „Fi! te diab suemon-la osi! o gag kion!” äsagom spukölo balna. „If te bos dabinonös pla nud!... too nos dabinon!...”

Ön säspetikam ifäbeitölo lipi, äsekömom se nibotöp ed äsludom ta kösömots okik ad logedön neki ed ad smililön lü nek. Süpo ästanom, äsва ivulom-la, lä yan doma seimik; fo logs oma pubod neplänovik äjenon: fo nügolöp bökvab ästopon; yanils pämaifükons; blegikölo söl seimik in leigid piklotöl äsebunom ed ärönom lëpio ve tridem. Kiovemiks dajek e leigo stun ela Kovaljov äbinons, ven imemosevom, das atan äbinon nud lönik oka! Pö süfül bisarik at val äjinon pazüflekön in logs omik; äsenom, äsва töbo äfagom ad stanön su futs oka; too äsludikom ad stebedön ta neletians valik gekömi söla et ini bökvab, do koap lölik oma ädremón sovemo, äsва äbinom-la in fifastad. Pos minutus tel nud fe äsegolon. Älenlabon leigedi me goldafads pibrodöli, labü kolet geilik löstanöl; blit jamakürik pilenükon len on; den äbinon len flan ona. Äkanoy kludön se hät onik ko plümäd⁵, das ästadon in dinit tatakonsälala. Valikos äträton, das ägolon seimöpio diseinü visit. Älodgedon äl flans bofik süta, älüvokädon bökan: „isiö!” Poso äseidon oki in bökvab ed ädevegon.

El Kovaljov pidabik tio äperom tikäli oka. Leno äkanom sludön, kisi ösötom-la tikön dö jenot so bisarik. Vö! Iio atos mögon-li, das nud, kel ädelo nog ebinon len logod oma, noe fägon ad tävön e golön, abi ad lenlabon leigedi?! Ärönom pödü bökvab, kel läbo äbevegon te fagoti nemödik, ed ästopon fo leglüg di ,Kazan”⁶.

Äspidom ad nükömön ini leglüg⁷, ädugolom da kedäds jibäldanas pöfik ko logods pivilüpöl sa hogs tel pro logs (büo vemo ibesmilom logotis somik), ed änugolom ini glüg. Us nino plekans nemödik ädabinons⁸; spad äsaidon, dat valans ästanons pö nügolöp glüga. El Kovaljov äbinom in stad so nefredik, das leno älabom nämäli ad plekön⁹, ed ästeifom ad logön söli at pö spadül alik. Fino äloegom stanön oni soaliko¹⁰. Nud äklänedon löliko logodi oka ini kolet gretik löstanöl e ko notod relöfa vemikün äplekon¹¹.

„Lio mögos-li ad nilikön lü on?” el Kovaljov ätikom. „Valikos: leiged, hät < träton, das binon tatakonsälal. Ba te diab sevon-la, vio mögos ad dunön osi.”

Äprimom ad kögon bosilo nilü on; ab nud leno ävotükön jästädi devodik oka ed äbleibon biegön talio¹².

„O cödasöl!...” äspikom ,Kovaljov’, imütölo oki ninälo ad bravurön. „O cödasöl!...”

„Kisi vilol-li?” nud ägespikon, iflekölo oki.

„Cedob osi bisariki, o cödasöl!... Jinos lü ob... das mutol sevön pladi veräтик ola. E sunädo etuvob oli... e kiöpo-li?... In glüg!¹³ Mutol baicedön, das...”

„Säkusadolös obi! Ye no kanob suemön, dö kis evilö spikön... Plänolös!”

„Ön mod kinik üfo mutob-li plänön osi ome?” el Kovaljov ätikom ed äprimom ad spikön, posä iplöpom ad kuradikön boso:

„No taszikob, ob... too binob mayor. Baicedolös! das no pötosöv pro ob ad golön nen nud. Ba jitedan seimik, jikel selof pö pon di ,Voskresen'e' rojatis pesäjalöl, dalof seadön nen nud oka; ab, pö spet ad dagetön dinit¹⁴ ... zuo if ek lomü mödikans sevon lädis, samo jieli Chekhtarjova: jimatana tatakonsälala, e jivotikanis... Ol it meditolös dinädis at!... No sevob, o cödasöl!...” (Pö atos mayor: ,Kovaljöv' < ätvüalom jötis oka.) „Pardö!... If träitoy dinastadi at bai noms bligas e stima noubikas... Bo kanol it suemön osi...”

„Suemob vero nosi”, nud ägespikom. „Plänolös vali suemovikumo!”

„O cödasöl!...” el Kovaljov äsagom graviko, „no sevob, vio kanob suemön vödis olik... Pö jenet at din lölik jinon klülon... U ba vilol-la... Ga binol nud lönik oba!”

Nud älagedon mayori, ed logabobs onik boso fronükons flomi onik.

„Pölol, o cödasöl! Dabinob nesekidiko. Zuo kosam nabätik nonik kanon dabinön vu obs. Ma knops dünadaleigeda olik bo dunodol pö senät u pu ön jäfüd gitäda. Ab jäfüd obik binon nolavik¹⁵.“

Ispikölo atosi, nud ädeflekon oki ed äfövon ad plekön¹⁶.

„Kovaljov’ äkofudikom mu vemo. No äsevom, kisi ömutom dunön, ed igo kisi ömutom tikön. Ün tim ot noid plitik klota vomik ätonon; änilikof vom bältilik löliko me leds pidekol, e ko of äbinof jimägikan lenlaböl kloti vietik, kel vemo jöniko äklotugon tefü zekoap lunedik ofik, ko hätä paelyelovik, kel äjinon binön so leitik, äsä kremabakot. Pödü ofs äpladom oki ed ämaifükom tabakiäri haidug lunik ko cügabalibs gretik e degtelati koletas.

„Kovaljov’ äfoikom nilikumo, äkoedom süstegön koleti batistik baveta, äleo-dükom snilalinis okik len jänil goldik älagölis, e du äsmililom valaflanio, älüläükum küpäli oka ad lädül lekeinik, jikel, ad floril florüpik sümöl, äplekölo bosilo äbiegof ed älüodükof äl flom namili vietik oka labü doats tio dulogamoviks. Smilil su logod hiela Kovaljov nog vemikumon, posä ilülogom dis hätäil cüni klöpfülik, nidiko vietiki ofa e dili cüga, laböl köli rosada gölik florüpik. Ye süpo ägebunom, äsва ikontagom-la flami. Dönu imemom, das älabom vero nosi pla nud oka, e logs oma äfulikons me drens. Ägüflekom oki, dat öspikom stedälo söle leigedi ilenüköle, das te simulölo äbiton as tatakonsälal, das äbinon jäpan e kanayan, e das äbinon nos votik pläämü nud lönik oka!... Ab nud ya inepubon: ba ispidon ad movabön dönu diseinü visit lü ek.

Atos idäsperükön eli Kovaljov. Ägegolom ed ästanom ze dü minut bal dis kölüms, bi älelogom küpäliko äl flans votik, va ökanom logön nudi seimöpo. Ämemom fümo, das ilenlabon häti ko plümäd e leigedi me goldafads pibrodöli; ye no iküpom patis mänedä, ni köli bökvababa, ni uti jevodas, igo ni utosi, va ilabon-la u no pödo dünani seimik (ed in livred kinik). Zuo bökvababs so mödiks ävifovegons mo e ge, id ön vifot so vemik, das töbido äkanoy-la igo memosevön bali onas; ed if öküpom-la bali onas, alo no üdatikomöv modi seimik ad stöpön vabi.

VEDOLSÖS SAPIKS MEDÜ EL AISOPOS!

Se, *The Aesop for Children, Rand McNally & Company, Chicago, 1919,*
ko magods fa, Milo Winter'. Tradutod fa, Hermann Philippss'.

Feilan e stork.


Stork labü natäl vemo balugik e konfidälik piflagon fa sog lefredik grudas ad visitön länedi nuliko pebe-planöli. Sog bödas at ye ärea-fon bruliko ini mails filäta feilana.

Stork äbegon feilane, das öspalomös oni.

„Lelivükölös obi, begö!“ älebegon. „Dutob lü famül storkas, kels — äsä ga sevol — binons gidöfiks: böds labü kalad gudik. Zuo no äsevob, das gruds idesinons ad tifön.“

„Bo binol-la böd vemo plütülik“, feilan ägespikom, „ab äfanob oli sogü gruds tifiälik, ed omutol sufön pönodi leigik kobü ons.“

Pacödoy ma sog, in kel komoy.



The Farmer and the Stork

A Stork of a very simple and trusting nature had been asked by a gay party of Cranes to visit a field that had been newly planted. But the party ended dismally with all the birds entangled in the meshes of the Farmer's net.

The Stork begged the Farmer to spare him.

“Please let me go,” he pleaded. “I belong to the Stork family who you know are honest and birds of good character. Besides, I did not know the Cranes were going to steal.”

“You may be a very good bird,” answered the Farmer, “but I caught you with the thieving Cranes and you will have to share the same punishment with them.”

You are judged by the company you keep.




Glidis Volapükaflenes valöpo!

Dönu tim leköma e kritidazäla ekömon. Valöpo kritans fredons dö köm putüll semik, id in Frikop, äsä kanoy logön in kribamagod at. Klülos, das pö Frikopans Yesusil labom skinaköli braunik. In Frikop pals mödi-kün labons mödikis cilis da-fredüköl braunik. Suno ye cilis at okodons säkädis vemik, bi ya pos yels nemödik obinons it daülans, kels oprodons cilis braunik dafredüköl.

Medü statitav kanoy büokalkulön kuratiko pöpamödotis futürük, if sevoy bälidotabinodi nutimik e dötumanumis mödi-kumama e deadama bälidotakladas distik. Ön mod somik magod donik prognoda pöpamödotas ma kontinäns me balions ün yels: 2020 e 2100 ädavedon. Säk reton: „Lio Frikopans so mödiks okanons-li panulüdön?“

Ye no vilobs tikön dö atos ün kritidazälatim jönök ayelik.

Vipob reidanès valik dekuli mu plítöfiki.



Hermann Philippss

Fonät: „UN DESA (Population Division).“

„Volapükagased pro Nedänapükans”

Fa ,JOHANN SCHMIDT': cifal ettimik plödü dün.

Se gased ot yela: 1957, nüm: 2.

Finü mäzul yela 1957 yels 25 epasetikons sis püb nüma balid ela „Volapükagased pro Nedänapükans”. Fe Vpagaseds obas stadon pas ün yelod 22id oka, bi püb ona piproibon dü yels kuratiko fols (de mayul yela: 1942 jüi mayul yela: 1946), sevabo jüi fin volakriga telid fa koupacifod Deutänik ettimik, e latikumo kodü papüradef. Krig e rop puba dub proib at äkodons Vpagasede tämi vemik, ibä pos dönupub gaseda stads miik ämütions redakanis, ad smalükumön vemo gasedi, e no nog äkanoy votükön mesülis tefik at dub jer valemk in bükafebäd. Nu, ün dels yubida, spelobs ä vipobs ye, das Vpagased obas suno dönü getonös greti* kösömk oka!

Dü yels kuratiko teldegluls Vpans tel ädunodoms as redakans ela „V.p.N.”, kelas nems neföro poglömons in jenotem Vpa: söl: **,Dr. Arie de Jong'** e söl: **,J. G. M. Reynders'**. Mutoy stünön dö vobäl nenfenik manas bofik, pato nog dö vobanäm omas to bält vemik. Ibä noe redak gaseda abi noganükam e guv Vpamuфа nulik äsekidons de vob manas bofik.

Läbiko nemu bevob Vpa ebo pifinükon fa söl: **,Dr. Arie de Jong'**, ven nüm balid ela „V.p.N.” äpubon. Ko lanäl pro Vp, ko skil e lezil mans bofik ädedietoms okis vobe nulik.

Ünü yels 25 et Vpans bofik at äjafädoms Vpe (se glöm tio lölik ettimik ona) dönü sevädi valemk; mans bofik at äsvo äkuloms Vpe dönü vegi se xil ini vol lölik. Betikoyöd stadi lügik Vpa bü yels 25! Vp idalabon flenis e züpanis te nemödikis, vögastoki nesaïdik e literati nonik. Betikoyöd töbis bevoba pos bruls yelas nebenikama, töbis pro reidans, e töbis vemo mödikumis pro redakans! Vö! progeds gretik ekömons, ifi stad Vpa löfik obas no nog dalon kotenükön obis. Ab nu dalabon flenis fiedik in taladils valik, ed utan, kel estudon staböfiko Vpi, neai dönü olüvon oni.

Mutoy fomälön oke riski redakanas balid Vpagaseda, ven bü yels 25 äpüboms gasedi pro sogod smalik Vpanas fiedik. Pos brul in vögastok Vpik (dub dun e bit säslopanas ün yeltum 19id) reidans at dönü ämütions pakösömkön ad bevob glorik söla **,Dr. Arie de Jong'**, ad vögastok tikavik, löliko bai flags datuvana Vpa.

Fövet su pad: 99.

* Rigädo: „züoti”, ab vöd at tefon sirkis, züamöpis e soms.

Bo söl: **,Dr. Arie de Jong'** ipübom vögabuki gretik labü vögastok mö vöds zao 25.000; num vödas at ye no äsaidon pro vögdem gaseda, e so ün yels 25 söl: **,Dr. Arie de Jong'** ämödükumom stoki at, ätelom oni. Primo redakans ästeifoms ad sevädükön reidanes vögdis nulik at medü vögdaliseds in gased. Fino mod gudikum págebadon; äpladoms vögdis nulik at dis finot lautota alik, in kel vöds at äkomädons.

Pianiko ünu yels 25 Vpagased obas äglofon ad toum bigik labü pads tio 800. Pö dem dinädas miik valik duinot redakanas bofik flagon stunidi gretik. Ibä söl: **,J. G. M. Reynders'** äjäfom nog me guv klubas e finenas. Söl: **,Dr. Arie de Jong'** ätradutom lautotis mödik plä uts pro gased pineodölis, ed äxamom äd äkoräkom lautotis mödik lautanas nulik. Vö! gianavobod peduinon fa Vpans bofik at.

In yelod fofik alik Vpagaseda obas äkanoy dasevön in vögdem glofi ninédik Vpa, mödükumami vögastoka, e pöti ai gudikumi oka ad loveükam tikodas komplitikün lautanas nolavik. In yelods balid Vpagaseds reidan otuvon, das pads tio valiks pegebons pro noganükam Vpa e pro leod siämik dinädas Vpik. Täno lautots muadik äpubbons in pads gaseda, balido te fa redakans gaseda. Pianiko cifal ettimik, söl: **,Prof. Dr. Albert Sleumer'** älofom reidanes lautotis nolavik e Vpajenotemikis. Fa ob lautots se Vpajenotem e se jenotem valemapükas äsökons, e täno äkanobs fredo reidon balidnaedo nemi lautana nulik, nemi söla: **,F. J. Krüger'**. Sis prim yeloda 19id söl: **,Brian R. Bishop'** ämödükumom dönü numi kevobanas. Tumats mödik lautotas lönik oba pexamons kälöfiko fa söl: **,Dr. Arie de Jong'**; kevobans votik jäfons lezilik, sodas Vpaliterat no pülik ya binon bükablümik.

Obs: reidans Vpagaseda ai ädredälikobs demü cen baik in redak dub bält vemik redakanas balid. Si! cen at ejenon ün yanul 1956; ko pid äreidobs klemi redakanas löfik, ye leigoso äkotenikobs, ven söl: **,F. J. Krüger'** e söl: **,P. H. Uittenbogaard'** äfovoms redaki gaseda.

Kud gretikün obas binonös, ad gretükumön gasedi! On dabinon as propagidamed gudikün, jüs odalabobs mögis nog gudikumis. Pianiko pads zuik omutons pajafön pro literat nulik Vpa, pro lautots gretik. Sakrifäl limanas e slopanas, löf dialik pro Vp. davedonsös, ad moükön kudis at! Täno i benosek osökon duni. Lifö Volapük! E lifö Volapükagased pro Nedänapükans! ■



„Ob ga lofob notedi no dö el ,puDEL“, ab dö nud oba it, sevabo tio dö ob it.“

„Nö! leno dalob koedön nüseidön notedi at ini gased.“

„Liö! Ga nud lä ob nendoto emoon!“

„If emoon, tän atos binon dinäd sanavik. Sagoy, das dabinons mens ut, kels kanons lenlägön nudi sota alseimik. Ye ma küped obik mutol binön man ladäla vemo fredika, e bo löfol ad cogön in sogod.“

„Yulob ole nämätü God! Ba if ereafol ini dot, tän ojonob ole logodi oba.“

„No zesüdos ad töbön oki!“ calan äfövom, du äsnüfom tabaki. „Üf atos ye no oditretülikönöv oli“, äläükom ko jäst nitedäla, „täno obinosöv vipabik ad lülogön.“

Cämacalan ädesumom särvtüli de logod oka.

„Jenöf! kio bisarik atos binon!“ calan äsagom, „top binon vero kamik, äsvo paälakek änu pebaköl. Si! binon nekredoviko kamik.“

„Kluö! Nu bleibol-li feiton? Ol it kanol daküpön, das binos nemögik ad no notedön. Obinob mu vemo danöfik kol ol; zuo vemo fredob, das pöt at ebönon obe plidi ad kosükön obi ko ol...“

Mayor, äsä kanoy kludön se atos, pöt naed at äsludom ad bitön fläto.

„Dido binosöv din fasilik ad koedön notedön“, calan äspikom, „ab no büologob pöt atos fruti seimik pro ol. Ga if vilol somi, tän bligädolöd utane, kel labon stüli süperik, ad bepenön jenotemi asä natapubodi seledik, dat okoedoy nüseidön ini el „Bien nolüdik“ yegedili et“ (ün tim ot nogna äsnüfom tabaki) „gönü frut yunanefa“ (ün tim ot äkluinom nudi oka) „u balugiko födü nitedäl valemik.“

Cämacalan isäspetikom lölöfiko. Ädonükom logis oka äl donadil gaseda, kö nunäd dö plösenots äbinon; ya logod oma tio äsmililon, posä piküpon nem jiplösenana, jikel äbinof löfidik ma logot, e nam äkontagon poki ad fümükön, va äkepolom ko ok bankazöti blövik⁴, bi cedü ,Kovaljov' stäfafizirs äsötoms seadön su teastastuls... ab tikod süpik dö nud idädükon vali!

Fövot ofovon in gased yanula.

Noets.

1 Tikodayumät petraduton ma namapenäd. Dü tumyel degzülid is mäniot cala ädefon, klu pla el „hiel ,Jaryzhkin': grupacif pöt senät, flenädan gudik“ päbükos: „hiel ,Jarygin': flenädan oma“.

2 El „leadoy golön ad dünön“ äbinon fraseod ettimo sevädisk ad malön seli dutetana. Lautan Rusänik votik: ,Aleksandr Gercen' < äpenom tefü atos: „...Ministeranef jemik ä puedöfik eproibon ad notedön, das mens paselons. Pöt gaseds mükiko e nensiämiko bükoy: leadoy golön ad dünön eki.“

3 Famülanems mödik Rusänapükik pedefomons de bidanems medü lenläg poyümotas ladyekik.

4 Efe völadü ruabs lul.

NUD (III).

Fa el Nikolaj Gogol' tiädü ,Nos'. Petradutöl se Rusänapük fa el Daniil Morozov.

Äbinos del jönik e solöfik. Menamödot gretik ädabinon su lesüt di ,Neva', samo voms äs sturabluk nenfinik floras äbestürofs pärunavegi lölük dese pon poldik jü pon di ,Anichkov'. Ekö! i kurakonsälal lä om sevädisk ägolom, kelani änemom vikonulani, mu pato komü nesevädiskans. Ekö! i hiel ,Jaryzhkin': grupacif pöt senät, flenädan gudik¹, kel pöt kadapledam di ,boston' ai duinom römidi, ven neodom kadis jöl. Ekö! i mayor votik in Kaukasän diniti cäma-calana pedagetöl me nam vinegom, vüdölo ad kömön lü ok...

„Ag! diaböl!“ el Kovaljov äsagom. „He! o bökan! veigolöd obi nemediko lü löpapoldacalal!“

El Kovaljov äseidom oki ini loatavab, ed ai dönü ävokädom lü bökan: „Gö! vifö! föfiomofolöd ko näm lölük!“

„Löpapoldacalal binom-li in vobacem oka?“ ävokädom, posä inükömom ini föfalecem.

„Lenö!“ yanın ägespikom, „änu edetävom.“ — „Liö!“

„Si!“ yanın äläükom, „jenöfo no bü lunüp, ye edetävom. If ekömolöv igo bü minut bal, ba ekolkömolöv ko om lomo.“

,Kovaljov', no ädesumölo särvtüli de logod oka, äseidom oki ini bökavab, ed ävokädom me vög däsperi jonülö: „Gö!“

„Kiöpio-li?“ bökan äsagom. — „Föfiö!“

„Lio-li föfio? Is mutoy flekön: detio-li u nedetio-li?“

Säk at ästopön eli Kovaljov ed ämütön omi ad letikön dönü. Ön stad omik mubalido äsötömös spidön lü bür südöfapolda, no demü utos, das ätefon-la nemediko poldi, ab demü utos, das bür et ökanon koedön segolön büdis vifikumo, kas calans pöt vobaplads votik. zuo öbinosöv nevisedik ad duinön begi tefü geükam dinastada nomik cifefe dünotema ut, dünotani kela nud isteton oki, bi ya iklülädos se gespiks lönök nuda it, das pöt dabinan at nos äbinon saludik, ed ökanon lugon i pöt jenet at, leigoäsä ilugon, ven ilesagon, das neföro äkolkömon-la labani oka. Klu pöt ,Kovaljov' slud ya isüikon ad büedön vabön lü bür südöfapolda, ab ün timül ot äreafom ad tikod, das jäpan e cütan at, kel igo pöt kolköm balid ibiton ön mod so nenjemik, ükanonöv gebädön pötatimi ad skeapön alseimiko de zif; e pöt dinäds somik plöps valik ad dafanön oni öbinonsöv vanik ud ödulonsöv — God önetelonös osi! — ünü mul lölük. Fino sülalödans it äjinons-la nügivön ome tikodi. Äsludom ad lüükön nemediko lü notedabür gasedik, ed ad notükön büökälo bepenoti staböfik patöfas valik, dat alan, posä ükolkömon nudi, ökanon sunädo loblinön oni foi laban, u pu sevedükön dö steböp nuda. Benö! isludikölo fifümiko, äbüedom vabön bökan lü notedabür gasedik, e dü vegam lölük ai dönü äflapom stirani ta bæk oma, otüpo sagölo:

„Vifö! o jäpan! vifö! o cütan!”

„Ag! o càdasöl!” bökan äspikom, du älemufükom kapi oka ed äbatom me stirajainäd jevodi oka, kel älalon heremi so luniki, äs ut vümadoga di ‚Bologna’. Fino loatavab ästopon, ed el Kovaljov hekolo änürönom ini stebdacem smalik, kö calan gedaherik älenlaböl trelülaguni bälidik e lüni, äseadom len tab e ko penamaleplüm vü tut soka änumom könädis kuperinik piblinöl.

„Kin is lüsumon-li notedis?” el Kovaljov ävokädom. „O! Glidö!”

„Dalestümi obik!” calan gedaherik äspikom, posä ünү minut bal ilöpiologedom e dönu ilogedom dönio äl kums monik piseitol.

„Vilob notükön bükkö...”

„Dälö! Begob ole ad stebedön brefüpo”, calan äsagom, me nam bal äpenölo numati sui papür e me doats nama nedeta äfeamufükölo balilis tel pö bakud.

Dünan älabol kvatädis e logoti, kel äjonülön dünotemi oka pö dom raistokratik, ästanom nilü tab ko doküm in nams; älecedom dini plütik ad logädükön kosädföti oka:

„Fikulos ad kredön bisaroti somik, o söl! Dogil no frädon degkopekis jöл, sevabo ob no peloböv tä on igo kopekalafis jöл; too jigraf löföf oni, — nämäti God! — löföf, klu utane, kel otuvon oni, ruabis tum! If dalob bespikön dinis ma gidöf, tän, äsä anu vü ob e ol, bülofs menas leno baibinons. If ek binon yagan, tän labonös bludadogi ud eli ‘pudel’; no lavaronös, ab segivonös ruabis lultum, si! segivonös utis mil! if te odagetonöv dogi gudik.”

Calan càdik älilom atosi ko logodanotodot gravik, e leigüpo äbejäfom frädi-täxeti: tonats liomödiks dabinons-li in penet peblinöl? Valaflano ästanons mödiks jibäldans, pladulans tedanas e domadünans ko penets. Pö bal etas pänunöns, das leadoy golön ad dünon² bökanı ko kondöt stönik tefü spitin; votik ätefon vabi boso neflifediki, ün yel: 1814 < se ‚Paris’ piseveigöli; seimöpo leadoy golön jiyunani de domadünanef bälidotü yels degzülid, oki pö lavöp eskilüköli, e fägöfiki pro vobod votik; zuo palofons veigm leitik sufidik nen resor bal; jevod yunik nämälik ko stenüls gedik yelis degvelid laböl; sids nulik naväta e rafa se el ‚London’ elükömöls; länadadom labü feilaläned zesüdik, sevabo labü leceks tel pro jevods e labü top, kö kanoy meikön legudiki gadi biadik u firiki; i bevü votikos binon levok utanas, kels vilons remön jukasömälis bälidik, sa levüdam ad kömön ad häggön aldelo de düp jölid jü ut gödik kilid. Cem, pö kel sog lölik at ipladon oki, äbinon smalik, e lut us äbinon vemo dufik; ab cämacalan: ‚Kovaljov’ < no äfagom ad smeilon smeli, bi pivilupom me särvä-tüл, e bi nud it oma äblichen seimöpo — te God äsevon-la, in spadül kelik.

„O càdasöl! leadolös begön obi!... Vemo neodob osi”, fino äspikom nesufädko.

„Onu, onu! Ruabs tel, kopeks foldegkil! Ün minut mu nilikün! Ruab bal, kopeks mäldegfol!” söл gedaherik äsagom, du äjedom penetis ebo äl logods jibäldanas e domadünanas ebo äl logs onas. „Kisi vilol-li?” fino äsagom, lüspikölo lü el ‚Kovaljov’.

„Begob...” el ‚Kovaljov’ äspikom, „ejenon cüt u jäp, jünu no plöpob ön mod seimik ad datuvülön osi. Te begob ad koedön bükön, das utan, kel oloblinon foi ob jäpani at, ogeton mesedi saidik.”

„Dalob-li säkön, lio famülanem ola tonon-li?”

„Nö! kikodo famülanem zesüdon-li? No kanob nünön oni. Labob sevädanis mödik: jieli Chekhtarjova se famül tatakonsälala, jieli Palageja Grigor’evna Podtochina se famül stäfafizira... Valans okanonsöv seivön jenoti at — God oneletonös osi! Kanol penön balugiko dö ob: cämacalan, u mödo gudikumo: stadöl in dinit mayora.”

„E tefü figan: binom-li domadünan olik?”

„Bö! dünan kimik-li? Sümikos no äbinonöv jäp so vemik. De ob emofugon... nud...”

„Jö! famülanem kio nekösömk! E söl et: Nudik³ < ebetifom-li oli demü suäm vemo gretik?”

„Nud, kludo... Pöliko träitol dinastadi. Nud, sevabo nud oba it, enepubon. Nu no sevob stanedi ona. Ba diab evilon-la käfädön tefü ob.”

„E me mod kinik enepubon-li? No kanob suemön stadi gudiko.”

„Jenöfo ob no kanob plänön ole, me mod kinik; ye veütikünos binon, das nu vabon da zif e nemon oki tatakonsälali. Ebo sekü atos begob ole ad notükön, das ufanölan oloblinonöd sunädo oni foi ob tüpü brefüp mu nilikün. Gevolös cödoti lönök ola: voiko lio üfo olailifob-li nen koapadil so küpidik? At leno binon samo tean smalik len fut, keli kanoböv steigön ini but, e poso nek oloegenöv defön teami. Komob alvigo ün dödel lä ‚Chekhtarjova’: jimatan tatahikonsälala; fovo jiel Podtochina Palageja Grigor’evna: jimatan stäfafizira, sa daut ofik vemo löfidik, i binofs jisevädans gudik oba. Kluo gevolös cödoti lönök ola! vio nu kanob... Nu no dalob komikön lo ofs.”

Calan ämeditom, kelosi äträtons lips nämöfiko pifärmüköls oma.

„Nö! no dalob koedön notedön atosi pö gased”, fino äspikom pos sei lunüpik.

„Liö! Kikodo-li?”

„Somo. Gased okanon perön benorepüti oka. If alan primon-la ad penön, das nud lönök mofugon de on, täno... Igo nen jenots somik sagoy, das medü gasedem panotükons-la dins nesiämik e sagäds neveratik mödiks.”

„E me pat kinik din at üfo binon-li nesiämik? Pö jenet at, äsä jinos lü ob, nos sümik dabinon.”

„Te lü ol jinos, äsä nos nesiämik dabinon-la. Ekö! givob sami: ävigo otos ejenon. Calan äkönmom, leigoäsä ol änu ekömol, äkeblinom notedi (kalot ma kalkul äsuämön ruabis: 2 sa kopekis: 73). Noted te änunon, das dog bridota: ‚pudel’ < ko herem blägik imofugon-la. Atos no jinon-la nekomunik, vo-li? Ab äklülädon binön jemodapenäd: jenöfo el ‚pudel’ et äbinon diviguvan, no memob, stitoda kinik.”